



IKUGA FONO

**FONO FAKAMUA
05-09 NOVEMA 2018
FAKAOFO**

FONO FAKAMUA

05 -09 NOVEMA 2018

MATAKUPU

PAHINA

| MATAKUPU | PAHINA |
|---|---------------|
| 1 Fakahologa o na Matakupu | 4 |
| 2 Fakatupega o te Hikimi Tauale a Tokelau (TPRS) | 4 |
| 3 Lipoti Tauhaga o te Teuga tupe Fakavaomalo a Tokelau 30 Iuni 2018 | 5 |
| 4 Fakaataataga o te Tala o te Tupe mo te Tauhaga Tupe ki te aho 30 Iuni 2018 | 5 |
| 5 Lipoti a te ERO ma te Fono Lahi mo na Akoakoga | 6 |
| 6 Fakaataataga o te tala o te Tupe mo te 3 Mahina ki te aho 30 Hetema 2018 | 6 |
| 7 E o ai te tiute ko te tau logologo te Ola Laulelei ma te Ola Malolo o tagata lautele o Tokelau | 7 |
| 8 Lipoti o na Galuega Fakaauau a te Malo | 8-9 |
| 9 Lipoti mo te 2017-18 (lipoti ote tauhaga to na lua (2) mo te Peleni Takiala a Tokelau 2016 - 2020) | 9 |
| 10 Huiga ma te Fakalahiga o te Atiakega Malohiaga Fakatenatula | 10 |
| 11 Lipoti o na hukega koloa o na falekoloa ma na faitauga tupe a na ofiha tupe a te nuku i te fakaumaga o na tauhaga tupe takitahi-Taupulega | 10- |
| 12 Lipoti a te Komiti Tulafono (huiga fakatu Tulafono) | 10-11 |
| 13 He Vaka fou mo te Akoga a Tialeniu | 11 |
| 14 Lipoti tuku fakatahi a Sir Ronald Young | 11 |
| 15 Fakaataataga o te Tulafono mo te Puipuiga o Fehokotakiga kui i te Initanieti | 12 |
| 16 Hihitemi o na faletupe I Tokelau | 12 |
| 17 Hikitiaga o na Tautuaga: Talohaga Tupe | 13 |
| 18 Lipoti Taki Kuata a te Ulufakatonu ki Faiga Faiva | 13 |
| 19 Ietahi Matakupu 19.1 Tatala Aloakia o na Lihohi mo Akoga i te Gagana Tokelau 19.2 Nuhipepa | 13-14 |
| PEPA FAKAOPOOPO | |
| 1 Fakahologa o na Matakupu a te Fono Fakamua | |
| 2 Fakaataataga o te Tala o te Tupe ki te aho 30 Iuni 2018 | |
| 3 Lipoti a te ERO ma te Peleni Galue | |
| 4 Fakaataataga o te Tala o te Tupe mo na mahina e 3 muamua ki te | |

| | | |
|----------|--|--|
| | aho 30 Hetema 2018 | |
| 5 | Lipoti o Galuega Fakaauau a te Malo | |
| 6 | Lipoti mo te 2 o Tauhaga o te TNSP 2016-2020 | |
| 7 | Lipoti a Sir Ronald Young | |
| 8 | Fakaataataga o te Tulafono mo te Puipuiga o Fehokotakiga kui i te Initanieti | |
| 9 | Lipoti Taki Kuata a te Ulufakatonu ki Faiga Faiva | |

1. FAKAHOLOGA O NA MATAKUPU A TE FONO FAKAMUA

Ko te mamalu o te Fono Fakamua na:

Talia ma **Pahia** te Fakahologa o na Matakupu a te Fono Fakamua e ve o na fakapipiki atu

2. FAKATUPEGA O TE HIKIMI TAUALE A TOKELAU (TPRS)

Ko te mamalu o te Fono Fakamua na:

- i) **matau**
 - a) na fakafitauli na fakahula e te Mataeke o te Tupe ki te tulaga o te onoonoga o te Paketi Tupe
 - e) te paketi Tupe na pahia mo te Hikimi Tauale kua ova te fakafanoga tupe I te 3 mahina muamua
 - i) i te toe fakailoa ko te ola malolo o tagata Tokelau he vaega e fakamuamua, na matau foki e manakomia ke iei ni auala fakavae ke mautinoa ai ko he tautali ki te ola malolo o tagata e he kavea ma vaega ka tatala ai te faitotoka ke fakafano na tupe aunoa ma te kikila totoka ki ni auala ke foia ai na mafuaga o te lahi o te tupe fakafano
 - o) e aofia i te Iloiloga e fakatino nei mo tautuaga tau ola malolo he kikila ki te Hikimi Tauale Hikitia ma na alauni e maua I te Hikimi tenei
 - u) e tatau o na iei he lipoti auiliili mo te fakafanoga tupe kua iei nei e manakomia ai he fakatupega fakaopoopo.
- ii) **malilie**
 - a. ke vavae kehe te Paketi Tupe mo te Hikimi Tauale, mai te Mataeke Ola Malolo, kae kona Lipoti e kaumai I lalo o te Mataeke Ola Malolo
 - e. ke fakaopoopo I te taimi nei he \$500,000 mai te Paketi Tupe 18/19 ki te Hikimi Tauale
- iii) **matau** e tuku atu te lipoti auiliili ki te Malo Fakaauau mo te fakafanoga tupe tenei

3. LIPOTI TAUHAGA O TE TEUGA TUPE FAKAVAOMALO A TOKELAU 30 IUNI 2018

Ko te mamalu o te Fono Fakamua na:

- i) **matau**
 - a) te lipoti Tauhaga o te Teuga Tupe Fakavaomalo a Tokelau ki te Aho 30 Iuni 2018
 - e) te aofaki o te teuga tupe i te 30 Iuni 2018 e \$92.2 miliona
- ii) tuku atu te **fakafetai** ki te galuega kua fakatino kua mafai ai ke auhia te aofaki tenei
- iii) **malilie** ke toe kikila ite Iloiloga o te Tupe ka hohoko mohe auala pe he avanoa foki e mafai ai ke vave auhia te aofaki o te Teuga Tupe tenei e \$100 miliona; ma
- iv) **fakatonu** te Ofiha o te Malo Fakaauau ke fakaliliu te lipoti o te Teuga Tupe Fakavaomalo ki te gagana Tokelau ma tuku atu ki na Taupulega mo he latou matauga

4. FAKAATAATAGA O TE TALA O TE TUPE MO TE TAUHAGA TUPE KI TE AHO 30IUNI 2018

Ko te mamalu o te Fono Fakamua na:

- i) **matau**
 - a) te ata fakaataata o te tala o te Tupe mo te Tuhaga Tupe ki te aho 30 Iuni 2018 kua fakapipiki atu
 - e) ko te ata fakaataata o te tala o te tupe na tuku atu ki te Fono Fakamua na fakamautinoa ai ko na fakamatatalaga I loto e foliga mai e hako
 - i) ke fakamautinoa ki te Mataeke o te Tupe ko na fakamatatalaga e fakaliliu ki te gagana Tokelau ka ko heki tuku atu ki na Taupulega
- ii) **malilie** ho he huiga e ono hula mai I te ova o te fakafanoga tupe e atafia mai I te iloiloga o te Paketi Tupe e hohoko
- iii) tuku atu te **fakafetai** kite Minihita o te Tupe ma tana kaufaigaluega ki te tau logologo atu o na Nuku kite Moli kukula kua kimata kalapulapu

5. LIPOTI A TE ERO MA TE FONO LAHI MO AKOAKOGA

Ko te mamalu o te Fono Fakamua na:

- i) **matau** te Lipoti o te Iloiloga o na Tautuaga Fakateakoga I Tokelau na tapena mai e te ERO
- ii) tuku atu te **fakafetai** ki na galuega kua kimata fakatino e i loto ai te tapenaga o te Peleni Galue a te Mataeke o Akoakoga
- iii) **talia** te Lipoti a te ERO ma na fautuaga kua tuku mai ke fakaleleia atili ai na Tautuaga I loto o na Akoga I Tokelau
- iv) **lagolago** ma **fakamautinoa** ko na fautuaga I loto o te Lipoti e fakataunuku
- v) **malilie** ko na vaega pe ko na lihohi foki, e manakomia ke fakatino ai te Peleni Galue tenei ke fakatalanoa I te Iloiloga o te Tupe e hohoko
- vi) **malilie** ke toe tuku atu ki te Mataeke o Akoga ke toe fakatalanoa na taimi kua fakatu ke fakatino ai te Fono lahi mo na akoakoga ma e toe fakailoa mai I he taimi vave

[E fakapipiki atu i tua te katoaga o te Lipoti ma te Peleni Galue]

6. FAKAATAATAGA O TE TALA O TE TUPE MO TE 3 MAHINA KI TE AHO 30 HETEMA 2018

Ko te mamalu o te Fono Fakamua na:

- i) **matau** te fakaataataga o te tala o te Tupe mo te 3 Mahina ki te Aho 30 Hetema e ve o na fakapipiki atu i tua.
- ii) **matau** eiei na vaega fakapopolegia e tatau ke kikila totoka kiei
- iii) tuku atu te **fakafetai** ki te Minihita o te Tupe ma tana kaufaigaluega, ma fautua ke fakaauau pea na lipoti taki mahina

7. E O AI TE TIUTE KO TE TAU LOGOLOGO TE OLA LAULELEI MA TE OLA MALOLO O TAGATA LAUTELE O TOKELAU

Ko te mamalu o te Fono Fakamua na:

- i) **matau:**
 - a) na popolega o te Taupulega Atafu I te kua maua o ni fakamatalaga na mafua ai te he kaufakatahi atu ki na Takaloga a te Atunuku
 - e) na fakanoanoaga o te Taupulega o Atafu
 - i) te tuhi na tuku atu e te Taupulega o Fakaofo ma te Mataeke Ola Malolo na feta ai na fautuaga ma na fakamatalaga
 - o) ko te vaega kua tutupu kua toe fakamanatu mai ai e manokimia ke galulue fakatahi na Mataeke ma na Nuku
 - u) eo te Minihita o te Ola Malolo te tiute ke fakailoa na famai peehi I luga o Tokelau
 - f) ko te Ulu o Tokelau e o ia te tiute ke fakailoa ki fafo atu o Tokelau na Fakalavelave Fakafuaheki ma
 - g) ke faka-manino atili na tiute o te Taupulega ma te Kaufaigaluega tautua ko he matakupu na tuku atu I he taimi kua teka ki te Komehina o te Kaufaigaluega Tautua
- ii) **fakatonu** na Mataeke ke galulue fakatahi ma na Nuku mo te agai ki mua

8. LIPOTI O NA GALUEGA FAKAAUUAU A TE MALO

Ko te mamalu o te Fono Fakamua na:

- i) **hakili** malamalamama ma na fakahula na vaega ienei
 - a) I te kua fakahula mai o te tavale fou I Apia mo na tauale, kae e tutupu lava te vaega tenei I te mataloa o te taimi e fakatali o na tauale I te uafu I Apia
 - e) ko te tuai o te tautaliga o te Teletok ki te Fono Fakamua ki na vaega taua I te Tulafono na fakafehili ai pe heki tatau nei ke kikila ke fakamataeke te tautuaga tenei
 - i) I he matauga kuaiei ni tino faigaluega kua kimata fakatu I Apia ma kua he manino ai na tulaga faigaluega ienei ki te hokotaga ma te Hikitiaga o te Kaufaigaluega tautua ki Tokelau
 - o) e takua I loto o te lipoti o te Vaka ki Gauta te Komiti Fakafoe ma e he katoa

- u) I loto foki o te lipoti e hula mai ai te vaega tupe na fakafano mo na tafaoga a te Atunuku kae e he atagia ai te fakafanoga tupe a na Nuku ma e he katoa ai foki te ata o te tupe na faka-fano mo te fakatahiga tenei
- ii) **fautua** atu ki te Minihita o te Ola Malolo ke fakamautinoa ko te tavale fou mo na tautuaga faka te ola malolo e fakamuamua na tauale
- iii) **matau**
 - a) ko na Lipoti huketuhi a te Teletok kua maua te ata nenefu kae o na ai kua tuai te tukuatuga kua mihi ai te 10 aho e fakagata ai na matakupu
 - e) ko na lipoti huketuhi e takua I luga e tuku atu I te Iloiloga o te Tauhaga Tupe e hohoko
 - i) ko te komiti fakafoe o Polokalame Vaka-ki-Gauta e iei I te taimi nei: Pulenuku e toka 3, na Pule fakahoa e toka 3, Fakatonu o Femalagakiga (Takitaki Fono), Hui o te MFAT mo Tokelau, Hui o te Kamupani Faufautua –Calibre
 - o) ke tapena he lipoti ki na tafaoga fakatahi ma ni fautuaga mo te agai ki mua
- iv) tuku atu te **fakafetai** ki te Malo Fakaauau mo na galuega kua fakatino e tuha ai ko na galuega fakaauau a te malo
- v) **matau** ko te Lipoti o na galuega fakaauau a te Malo kua fakapipiki atu

I he matauga o te matakupu o te **Tauvaga mo te Igoa o te Vaka Fou** o te va-i-fenua ko te Fono Fakamua na **matau**:

- i) ko te filifiliga o he igoa mo te vaka fou o te Vai-Fenua kua manakomia ke fai loa kiei he tonu
- ii) na fakahalalau lautele te tauvaga tenei ki fafo atu o Tokelau ma he avanoa ki na Taupulega ke tofili mai he latou taki tahi igoa;
- iii) e heki iei he tahi a te Komiti Fakatonutonu o Femalagakiga ki he manumalo mai na apalai mai fafo atu o Tokelau ke fakaopoopo ki na igoa a te Taupulega ke tofili mai ai te manumalo.

Kui I he faiga palota fakalilolilo, ko te mamalu o te Fono Fakamua na **malilie** ko te *Te Aroha* ko te igoa ia mai na apalai mai fafo ka fakaopoopo ki te lihi o na igoa a na Taupulega.

I te fakaauauga o te hakiliga o he igoa, na toe fakatino ai hetahi palota fakalilolilo a te Fono Fakamua ma na **malilie** ai ko te igoa o te vaka fou ko te *Fetu o te Moana*.

9. LIPOTI MO TE 2017-18 (LIPOTI OTE TAUHAGA TO NA LUA (2) MO TE PELENI TAKIALA A TOKELAU 2016 - 2020)

Ko te mamalu o te Fono Fakamua na:

- i) **matau**
 - a. te Lipoti mote tauhaga 17/18 (lipoti to na lua)(2) mo te Peleni Takiala a Tokelau 2016-2020 e ve o na fakapipiki atu i tua.
 - e) i na vaega o te lipoti e he katoa ai na fakamatalaga, e manakomia na Nuku ma na Mataeke ke galulue fakatahi mo te faka-katoaga o na fakamatalaga I loto o na Lipoti
 - i) e iei te lipoti e tapena kui atu I te Malo Fakaauau e iei ai na vaega e manakomia ke fakalelei atili , ftg Pulepule Lelei ma te Atiakega o tagata faigaluega
- ii) ke fakaauau pea te galuega o te lipotiga o te tulaga kua iei ai te fakatinoga o na galuega.

10. HUIGA MA TE FAKALAHIGA O TE ATIAKEGA MALOHIAGA FAKATENATULA

Ko te mamalu o te Fono Fakamua na:

- i) **matau:**
 - a. ko te tauhaga 2020 kua tatau ke hui ai na ma i na nuku e tolu
 - e. ko te tau fakaataata mo te huiga ma te fakalahiga o te atiakega e manakomia mo te malohiaga fakatenatula e \$7,437,000
 - i. te fakafehili ki te hokotaga o te polokalame tenei ma te polokalame pekapeka;
 - o. ko te heleni tenei e patino ki te malohiaga fakatenatula e maua mai te la (solar);
 - u. e tapena mai he pepa fakamatalaga agai ki te polokalame pekapeka;

- f. mo te agai ki mua fua ki te aofaki o te fakatupega e manakomia vena foki ma ietahi polokalame atiake, ke kikila ki ni auala e mafai ai ke onoono fakavaitaimi te fakatupega o te polokalame tenei
- ii) **talohaga** ki te Ulufakatonu pe ono maua he fehoahoaniga mai Niuhila ki te fakatupega o te polokalame tenei;
- iii) **matau** te tautali a te Ulufakatonu ka fakahula e ia te vaega tenei i Ueligitone ma tuku mai he tali kui mai te Malo Fakaauau ka ko heki pa atu ki te fakaikuga o te mahina nei (Novema)
- iv) **fakatonu** te Mataeke o Malohiaga ke tamilo ki na nuku e tolu ke fakatalanoa atili te polokalame

11. LIPOTI O NA HUKEGA KOLOA MA NA FALE KOLOA MA NA FAITAUGA TUPE A NA OFIHA TUPE A TE NUKU I TE FAKAIKUGA O NA TAUHAGA TUPE TAKITAHİ

Ko te mamalu o te Fono Fakamua na:

- i) **matau:**
 - a. ko na koloa ko ni meatotino ea na nuku;
 - e. e ui ko te faitauga o na koloa ma na tupe he vaega e fakatino i te fakaikuga o tauhaga tupe uma i na galuega a te huketuhi, kua he maua e na Taupulega ni lipoti;
 - i. e manakomia e na Taupulega na lipoti mai na hukega koloa ma na faitauga tupe ke maina ai ki ni fakafitauli e ono iei
- ii) **malilie** ke toe fakaauau te lipotiga e te Mataeke o te Tupe na hukega koloa ma na faitauga tupe i te fakaikuga o na tauhaga tupe takitahi ki na Taupulega.

12. LIPOTI A TE KOMITI TULAFONO (HUIGA FAKATU TULAFONO)

Ko te mamalu o te Fono Fakamua na:

- i) **matau:**
 - a. te Lipoti a te Komiti Tulafono e ve o na fakapipiki atu;
 - e. e manakomia ke iei he vaega i te Tulafono ke fakamanino ai na kupu ma na alaga kupu ke mautinoa ai e tutuha te malamalama ma te fakauigaga a tagata tautokatahi;

- i. ke kikila ke he gata te hao o te Komiti o te Gagana i te Tulafono Fakavae kae ke vena foki o na iei hona hao ki ietahi galuega a te Fono Fakamua
- ii) **malilie** ke tamilo te Ulu o Tokelau ma te Kaufaigaluega o te Tulafono ki na nuku ma i he galulue tafapili ma te Komiti o te Gagana, fakatalanoa te lipoti a te Komiti Tulafono ki na Taupulega ma toe tuku mai ai ki te Fono Fakamua.

13. VAKA FOU MO TE AKOGA TIALENIU

Ko te mamalu o te Fono Fakamua na:

- i) **matau** ko te tau fakaataata mo te vaka fou e \$200,000 fakatahi ma te tau fakaopoopo e \$100,000 mo na meafaigaluega ma te momoli maiga o te vaka;
- ii) **malilie** mo te Mataeke o Akoakoga fakatahi ai ma te fehoahoaniga a te Mataeke o Femalagakiga, ke galulue ma te Matagaluega o na Matakupu tau te Gataifale a Niuhila ma te Taupulega Fakafo ki he ata mo te vaka fou fakatahi ai ma he peleni mo te haogalemu o te fakaaogaga;
- iii) **malilie** ke kikila ki te fakatupega o te vaega tenei i te Iloiloga o te Tupe ka hohoko.

14. LIPOTI A SIR RONALD YOUNG

Ko te mamalu o te Fono Fakamua na:

- i) **matau** te lipoti e ve o na fakapipiki atu;
- ii) **malilie** ki te Kauhaga o te Tulafono, ma kafai e mafai, ke aofia ai foki ia Sir Ronald Young, ke tamilo ki na nuku e tolu ke fakatalanoa auiliili te lipoti ke fehoahoani ai ki he tautali aloakia ma he hao ki te lipoti ma ana fakatutuga.

15. FAKAATAATAGA O TE TULAFONO MO TE PUIPUIGA O NA FEHOKOTAKIGA I LUGA O TE INITANETI

Ko te mamalu o te Fono Fakamua na:

- i) **matau:**
 - a. ko te tulafono fakaataata e ve o na fakapipiki atu na tapena i he talohaga a te Fono Fakamua ke iei ni tulafono mo te puipuiga o na fehokotakiga i te initaneti;
 - e. ko te tulafono fakaataata kua tuku mai mo te faitauga muamua kae manakomia ke fakatalanoa kiei na nuku
- ii) **malilie** ke tamilo na mataeke e gafa ma te tulafono tenei ke fakatalanoa na nuku; ma
- iii) **malilie** ke iei he kikilaga a te Fono Fakamua i tana fonotaga ia Iuni 2019 ke pahia aloakia na tulafono ienei.

16. HIHITEMI O NA FALE TUPE I TOKELAU

Ko te mamalu o te Fono Fakamua na:

- i) **matau:**
 - a. na popolega o te Taupulega o Atafu ki te kehekehe o na hihitemi e fakatino i luga o na nuku;
 - e. ko he vaega o na mafuaga ko te kehekehega o na pulepulega i luga o na nuku, ko Atafu ei lalo o te kikilaga a te mataeke kae ko Nukunonu ma Fakaofo ei lalo o te kikilaga a na Taupulega;
 - i. e tumau te lagolago a te Taupulega o Fakaofo mo te hihitemi tenei ke fakaauau ki luga o na nuku
 - o. e galue nei te Mataeke o te Tupe ke mautinoa e fakatino te hihitemi tenei i luga o Fakaofo; ma
 - u. e fakaauau te galulue tafapili o te Mataeke o te Tupe ma te Taupulega o Nukunonu ke toe iei hana kikilaga ke toe fakaoga te hihitemi tenei.

17. HIKITIAGA O NA TAUTUAGA: TALOHAGA TUPE

Ko te mamalu o te Fono Fakamua na:

- i) **malilie** ki he taki \$60,000 a na nuku patino tonu mo na tapenaga mo te hikitiaga o na tautuaga ki Tokelau; ma
- ii) **malilie** ko te vaega tupe tenei e tipi mai te fakatupega e \$236,000 a te Fono Fakamua patino mo te hikitiaga.

18. LIPOTI TAKI KUATA A TE ULUFAKATONU MO FAIGA FAIVA I TE HONE

Ko te mamalu o te Fono Fakamua na:

- i) **matau:**
 - a. te Lipoti taki kuata a te Ulufakatonu mo Faiga Faiva e ve o na fakapipiki atu;
 - e. te tulaga fakapokepoke na fakahula e te Minihita o Faiga Faiva e tuha ko te tulaga o Tokelau i loto o te Maliliega i Nauru;
 - i. te fakafetai a te Minihita o Faiga Faiva kui atu i te Fono Fakamua ki te Ulufakatonu mo tana lagolago tumau ki te mataeke kui mai i te atiakega o te mafai o te kaufaigaluega vena ma leoleo ma talohaga ke fakaauau pea;
 - o. te fakafetai a te Minihita o Faiga Faiva ki te Ulufakatonu mo te fakahavaliga o na matakupu e ve ko te tuakoi o te hone i te va o Tokelau ma Samoa ma e kikila amanaki atu ki te fakatotoga o te vaega tenei ma te fakaauauga o na lipoti taki kuata.

19. IETAHİ MATAKUPU

19.1 TATALA ALOAKIA O NA LIHOHI MO NA AKOGA I TE GAGANA TOKELAU

Ko te mamalu o te Fono Fakamua na:

- i) **matau:**
 - a. te tatalaga aloakia o te kua iei o ni lihohi mo na akoga i te gagana Tokelau; ma
 - e. na mafai te vaega tenei ke fakataunuku i he fehoahoaniga fakatupega mai te Malo o Auhetalia.

19.2 NUHIPEPA

Na **matau** te fakaaliga e te Fono Fakamua e iei na nuhipepa mai Atafu ma Nukunonu e avanoa ko fakatau.

Fakamaonia e:

Esera Tuisano
Takitakifono

Scia Sophie Tyrell Saumani
Hui Takitakifono

Aho: 07/ Nov / 2018

HUI AUAI KI TE FONO FONO FAKAMUA 2018

| FAKAOFO | |
|--------------------------|-------------------------|
| Uhufono | |
| Pulenuku Mohe Pelasio | Faipule Afega Gaualofa |
| Tinielu Tuumuli | Taupati Peleni |
| Danny Faleasiu | Malia Pue |
| Mete Lui | |
| Hauatea | |
| Tinilau Gaualofa | Hafiti Vavega |
| Kaufaigaluega | |
| Iuliano Tinielu | Neta Teao |
| Aukuho Vavega | Bosco Penehe |
| Ake Puka-Mauga | Lise Suveinakama |
| Suia Pelasio | Aleta Aleta |
| Tiso Fiaola | Feleti Tulafono |
| NUKUNONU | |
| Uhufono | |
| Faipule Siopili Perez | Hui Pulenuku Lino Isaia |
| Lupe Kilino | Hefo Tuia |
| Savelio Tumua | Falaniko Alosio |
| Hauatea | |
| Faumui Iosefo | Mika Patelesio |
| Kaufaigaluega | |
| Asi Tumua | Ta'ase Perez |
| Elena Tumua | Aukusitino Vitale |
| Mika Perez | |
| ATAFU | |
| Uhufono | |
| Faipule Kelihiano Kalolo | Pulenuku Fano Fao |
| Famanuia Tamoa | Latu Lopa |
| Faaftai Taumanu | Dr Sirila Enosa |
| Tanu Filo | |
| Hauatea | |
| Tana Malaki | Leota Tavita |
| Kaufaigaluega | |
| Poasi Tuilotolava | Sesilia Aukuso |
| Hosea Fuimanu | Olita Isaako |
| Dr Lameka Sale | |
| Apia | |
| Alan Shaw | Casimilo Perez |
| Robin pene | Simona Mei |
| Fatu Tauafiafi | Litia Maiava |
| Kele Lui | Mika Perez |
| Tokelau Police | |
| Hegalo Vitale | Julie Lopa |
| Kitiona Ioane | John Nutuli |
| Anita Vitale | Tegei Halehio |

| | |
|--|----------------------|
| Viliamu Ioapo | Hafiti Gaualofa |
| Kovati Gasologa | Heo Peleni |
| Sione Siliga | Livi Kalolo |
| Niuhila | |
| Ulufakatonus o Tokelau, Ross Ardern | Maria Reynen-Clayton |
| Hui Fakalogologo, Taupulega Fakaofo | |
| Etuale Vavega | Puka Solomona |
| Hio Hio | Pahi Niko |
| Mino Tefono | Tufoua Poasa |
| Tala Lapana | Milo Niko |
| Fofo Tuisano, Takitakifono | |
| Sela Sophie Tyrell Saumani, Hui Takitakifono | |

PEPA FAKAPIPIKI 1

FONO FAKAMUA

5 – 9 Novema 2018

FAKAHOLOGA O NA MATAKUPU

- 1.** Fakatupega o te Hikimi Tauale a Tokelau (TPRS) – **Malo Fakaauau**
- 2.** Lipoti Tauhaga o te Teuga tuge Fakavaomalo a Tokelau 30 Iuni 2018
Malo Fakaauau
- 3.** Fakaataataga o te Tala o te Tupe mo te Tauhaga Tupe ki te aho 30 Iuni 2018 -
Malo Fakaauau
- 4.** Fakaataataga o te tala o te Tupe mo te 3 Mahina ki te aho 30 Hetema 2018 -
Malo Fakaauau
- 5.** Lipoti a te ERO – **Mataeke o Akoga**
- 6.** Fono lahi mo na akoakoga – **Mataeke o Akoga**
- 7.** E o ai te tiute ko te tau logologo te Ola Laulelei ma te Ola Malolo o tagata lautele o Tokelau – **Taupulega Atafu**
- 8.** Lipoti o na galuega Fakaauau – **Malo Fakaauau**
- 9.** Lipoti mo te 2017-18 (lipoti ote tauhaga to na lua (2) mo te Peleni Takiala a Tokelau 2016 - 2020) – **Malo Fakaauau**
- 10.** Huiga ma te Fakalahiga o te Atiakega Malohiaga Fakatenatula - **Malo Fakaauau**
- 11.** Lipoti o na hukega koloa o na falekoloa ma na faiatauga tuge a na ofiha tuge a te nuku i te fakaumaga o na tauhaga tuge takitahi **Taupulega Nukunonu**
- 12.** Lipoti a te Komiti Tulafono (huiga fakatu Tulafono) - **Malo Fakaauau**
- 13.** He Vaka fou mo te Akoga a Tialeniu – **Mataeke o Akoakoga**
- 14.** Lipoti tuku fakatahi a Sir Ronald Young – **Malo Fakaauau**
- 15.** Pepa fai fakatahi a te Teletok ma te Ofiha o te Malo Fakaauau (Faufautua Tulafono)- **Teletok**
- 16.** Hihitemi o na faletupe I Tokelau - **Taupulega Atafu**
- 17.** Hikitia o na Tautuaga I Apia ki Tokelau: Talohaga mo he vaega tuge
Malo Fakaauau
- 18.** Lipoti a te Ulu Fakatonu o Tokelau - **Ulufakatonu**

**PEPA FAKAPIPIKI 2: IKUGA FAKAATAATA MO TE TAUHAGA TUPE KI TE AHO
30 IUNI 2018**

Tau Galuega Mahani

| Nuku/Mataeke | Paketi | Fakafano | Ova (\$) | Ova (%) | Fakafitauli |
|------------------------|---------------|---------------|--------------|-----------|-------------|
| Atafu | 3,200 | 3,641 | 441 | 14 | Feoloolo |
| Fakaofo | 3,300 | 4,028 | 728 | 22 | POPOLEGA |
| Nukunonu | 3,000 | 3,076 | 76 | 3 | E he lahi |
| EDNRE | 1,000 | 1,451 | 451 | 45 | POPOLEGA |
| Huiga ki te Tau | 300 | 338 | 37 | 12 | Feoloolo |
| Akoakoga | 2,900 | 3,151 | 251 | 16 | Feoloolo |
| Malohiaga | 500 | 589 | 90 | 18 | Feoloolo |
| Tupe | 1,060 | 1,190 | 70 | 7 | E he lahi |
| Faiga Faiva | 838 | 552 | 0 | 0 | n/a |
| Ola Malolo | 2,150 | 2,741 | 591 | 27 | POPOLEGA |
| OCOG | 1,700 | 2,044 | 344 | 20 | POPOLEGA |
| Komehina Kaufaigaluega | 350 | 251 | 0 | 0 | n/a |
| Tautuaga Lagolago | 700 | 713 | 13 | 2 | E he lahi |
| Femalagaakiga | 6,800 | 6,351 | 0 | 0 | n/a |
| AOFAKI | 27,798 | 30,058 | 2,260 | 8% | |

Tau mo Atiakega Lalahi

1. Ko na polokalame atiakega na taukave mai te 2016 kua uma te fakaaoga vagana ai ia Atafu o na ko ni lave nae i tana galuega mo to na ofiha fou.
2. Ko na polokalame mo atiakega lalahi Capital mo te tauhaga 17-18 ko heki fakaaoga uma ma ko te fautuaga ki te Iloiloga o te Tupe, ke fakaaoga na vaega tupe ienei ke foia ai te hilia o na tupe fakafano i na nuku.
3. Ko te fakatupega na fakavahega mo polokalame i te atunuku e heki fakaaoga uma i te tauhaga tupe 2017/2018. E aofia ai te polokalame uaea toho ma te vaka-ki-gauta.

PEPA FAKAPIPIKI 3: IKUGA MO TE 3 MAHINA MUAMUA O TE FY2018/2019

Ko te tala o te tupe mo te 3 mahina muamua e venei:

| Tupe Maua | TUTUPU I TE MAHINA (\$'000) | PAKETI MO TE MAHINA(\$'000) | TUPE FAKAFANO MO TE TAUHAGA KI TE TAIMI NEI(\$'000) | PAKETI MO TE TAUHAGA KI TE TAIMI NEI (\$'000) | KEHEKEHEGA (\$'000) |
|------------------------------|-----------------------------|-----------------------------|---|---|---------------------|
| Tupe Tauhi | 0 | 0 | 6,750 | 6,750 | 0 |
| Faiga Faiva | 30 | 0 | 270 | 295 | (25) |
| Tiute | 11 | 90 | 222 | 270 | (48) |
| Pahehe vaka & Uta | 49 | 52 | 204 | 157 | 47 |
| Ietahi | 44 | 135 | 338 | 528 | (190) |
| AOFAKI O TE TUPE MAUA | 134 | 277 | 7,784 | 8,000 | (216) |

TUPE FAKAFANO

| TAUHAGA | TUTUPU I TE MAHINA (\$'000) | PAKETI MO TE MAHINA(\$'000) | TUPE FAKAFANO MO TE TAUHAGA KI TE TAIMI NEI(\$'000) | PAKETI MO TE TAUHAGA KI TE TAIMI NEI (\$'000) | KEHEKEHEGA (\$'000) |
|-----------------------------|-----------------------------|-----------------------------|---|---|---------------------|
| Atafu | 291 | 299 | 859 | 896 | (37) |
| Fakafo | 284 | 301 | 976 | 903 | 73 |
| Nukunonu | 194 | 261 | 647 | 783 | (136) |
| Huiga ki te Tau | 8 | 38 | 70 | 114 | (84) |
| EDNRE | 53 | 75 | 261 | 225 | 36 |
| Akoakoga | 273 | 243 | 897 | 730 | 167 |
| Malohiaga | 30 | 33 | 113 | 100 | 13 |
| Tupe | 64 | 79 | 256 | 238 | 18 |
| Faiga Faiva | 35 | 76 | 163 | 228 | (65) |
| Ola Malolo | 216 | 180 | 733 | 539 | 194 |
| OCOG | 151 | 118 | 493 | 355 | 138 |
| Komehina Kaufaigaluega | 15 | 25 | 63 | 76 | (13) |
| Tautuaga Lagolago | 45 | 55 | 191 | 166 | 25 |
| Femalagaakiga | 293 | 458 | 1,101 | 1,375 | (274) |
| AOFAKI TUPE FAKAFANO | 1,952 | 2,241 | 6,823 | 6,728 | 95 |

Kua kotokoto atu i lalo na tautuaga takitahi ki te aho 30 Hetema 2018;

| TAUTUAGA | FAKAMATALAGA | Mahina nei | Mahina kua teka |
|---------------------------|---|-------------|-----------------|
| Atafu | E heai ni vaega fakapopolegia | OK | OK |
| Nukunonu | E heai ni vaega fakapopolegia | OK | OK |
| Fakaofo | Kua i lalo ifo i te mahina nei. Kua toe foki ki he tulaga feololo kae koi ova lava mo te 3 mahina muamua. | OK | OK |
| Huiga ki te Tau | E heai ni vaega fakapopolegia | OK | OK |
| EDNRE | Kua i lalo ifo te tulaga o te tupe ova ma kafai e fakaauau te tulaga tenei e ono hologa lelei ai ma tana paketi mo te tauhaga. | OK | OK |
| Akoakoga | Ko te taigole o te kehekehega i te mahina nei e foliga mai ai ko te tupe ova e mafua mai i te heke o te fakavahegaga o tana paketi ki na mahina takitahi ma tana fakafanoga tupe. E tautuku tafapili pea ma e iloilo auiliili na tau fautuagia mo na hikolahipi mo na mahina koi totoe o te tauhaga. | Lapatakiga | Lapatakiga |
| Malohiaga | E heai ni vaega fakapopolegia | OK | OK |
| Tupe | E heai ni vaega fakapopolegia | OK | OK |
| Faiga Faiva | E heai ni vaega fakapopolegia | OK | OK |
| Ola Malolo | Ko te fanaifo ki lalo o te tupe ova mo te 3 mahina mo te mahina tenei i he matematega o na ko te taofiofi o te fakafanoga tupe mo ni etahi vaega. E kikila totoka te Fono Fakamua e loma nei ki te matakupu tenei ma te manakoga ke iei he fakatupega fakaopoopo ki te paketi a te Hikimi Tauale Hikitia. | Fakafitauli | Fakafitauli |
| OCOG | Ko te fakaauau pea te hilia o te tupe fakafano e nofo mai i te 20% e foliga mai e manakomia ke fakaauau he tautukuga tafapili. | Lapatakiga | Lapatakiga |
| Komehina Kaufaigaluega | E heai ni vaega fakapopolegia | OK | OK |
| Tautuaga Lagolago | E heai ni vaega fakapopolegia | OK | OK |
| Femalagaakiga | E heai ni vaega fakapopolegia | OK | OK |



Iloiloga o na Tautuaga
Fakateakoakoga i Tokelau
2018

Matakupu

| | |
|---|--------------|
| Talaaga o te Iloiloga..... | 3 |
| Lautelega o te Iloiloga..... | 3-4 |
| Aotelega..... | 4-5 |
| | |
| Na Fakamatalaga na Mauagia mai te Iloiloga | |
| Takitakiga..... | 5-7 |
| Hikomaga o na Akoakoga | |
| Ko na kope ma na meatotino a na akoga..... | 7 |
| Ko na kope fakatino ai na galuega fakatefaiakoga..... | 7-8 |
| | |
| Akoakoga in a Tulaga Muamua | |
| Fakatotokaga ma te Fakatelega o te Kalikalamu i na Tulaga Muamua.... | 8-10 |
| Ko na Ahehi ma na Lipotiga..... | 10 |
| | |
| Akoakoga Tulaga Lua | |
| Ko na tautuaga fakateakoakoga ma na vaega na auhia i te Tauhaga 12 ma te 13 | 10-11 |
| Akoakoga i na Vahega Pepe..... | 12-14 |
| Lua o na Gagana akoakogia..... | 14-15 |
| Na Komiti o na Akoakoga ma na Ahohi a na Matua ma Faiakoga..... | 15-16 |
| Ko na Tiute o te Mataeke o Akoakoga..... | 16-17 |
| Ko na Matakupu Tau te Ola Malolo ma te Haogalemu..... | 18 |
| Fakaikuga..... | 18 |
| Fakatutuga..... | 19-21 |
| Fakatinoga mo te Lumanaki..... | 21 |

Talaaga o te Iloiloga

I a Hetema o te 2013, i te valakaulia ai e te Fakatonu o Akoakoga ma te Fono Fakamua (te fono pulepule a te atunuku mai na hui tofia mai na nuku), te Ofiha o Iloiloga o na Akoakoga a Niu Hila (ERO), ke fakatino he iloiloga o na akoakoga i na vahega pepe ma na tautuaga fakateakoakoga i luga o Tokelau. Ko te fakamoemoe o tenei iloiloga ke hakilikili ma fakamautinoa pe ko he a te tulaga o te lelei e iei ai na tautuaga tau te akoakoga i Tokleau, i na tulaga o te lelei o na tautuaga fakateakoakoga e tuku atu ki fanau uma i na vahega pepe, na akoakoga tulaga muamua ma na akoakoga tulaga lua i te Tauhaga 9-11.

Na hakilikili e te ERO te tulaga o te aotelega o te totoka o na tautuaga fakateakoakoga i te mauagia e fanau uma ni akoakoga lelei ma na fakapatino ki te :

- tulaga lelei o te kikilaga o te kalikalamu ma tona fakatelega
- tulaga lelei o na ahehi ma te akoakogia
- fakatinoga fakatetakitaki ma na pulepulega i te lagolagogia ma te fakaleleiga o galuega fakatefaiakoga ma te akoakogia o fanau

Ko te Lipoti a te ERO i te 2014 na fakamanino mai ai e lahi ni galuega fakalelei fakavavevave e manakomia ke fakalelei ai te tulaga o na tautuaga fakateakoakoga i luga o Tokelau. Na fakamatea mai e te ERO te tulaga fakapokepoke e iei ai na akoakoga i Tokelau ma nae he mafai ke tuku atu ai ni avanoa fakateakoakoga lelei kina fanau uma fakatahi ai ma ni avanoa ke kilatou mafaia ai oi auhia he tulaga pito hili na lelei kafai e vefea e oatu ki ni ietahi hikomaga tauteakoakoga ma tua atu ona akoakoga.

I te mahina o Mati 2018 na toe valakaulia ai te ERO e te Fakatonu o te Mataeke ma te Fono Fakamua ke fakatino hetahi iloiloga fakapatino ki te tulaga o na taumafaiga talu mai te malaga atu a te ERO ia Hetema o te 2013.

Lautelega o te Iloiloga

Ko te iloiloga o te 2018 na fakapatino ki te tulaga totoka o na tautuaga fakateakoakoga i loto o na akoakoga a Tokelau i na tulaga o te lelei o na akoakoga mo fanau uma, mai na Vahega Pepe, Na Tulaga Muamua, ma na Tauhaga 9 ki te 13.

Na hakilikili e te ERO te tulaga kua iei ai te fakaleleiga ma te fakatumauga o na:

- fakatinoga Fakatetakitaki ma te Kikilaga
- totoka o na galuega fakatefaiakoga
- koleniga fakapitoa faifaipea mo te akoakogia ma te atiake o faiakoga
- totoka te malamalamaga o faiakoga ki te kalikalamu, fakatinoga o na ahehi ma na iloa ma na mafai fakatefaiakoga
- totoka te tulaga o na tautuaga ma na hini akoako i na Vahega Pepe
- totoka o te kaufaigaluega katoa ma vena ma te taofiofi mua pea ki na tino kaufaigaluega i na tautuaga
- totoka te tulaga o na lihohi ma na faleakoga, fakatahi ai ma na tulaga o na tekonomolihi

- totoka lelei o na hihitemi tau te pulepulega

I te fakatinoga o tenei iloiloga, ko te kauhaga na fakatinoga te iloiloga na tuku fakatahia na fakamatalaga kui mai i te:

- kikilaga ki na tokumeni (tuhituhiga kua fakamaumau) agai ki na Vahega Pepe ma na akoga
- fakatalatalanoaga/fetufaakiga ma na takitaki i loto o na Vahega pepe ma na akoga
- fakatalatalanoaga/fetufaakiga ma faiakoga,tino e iei te iloa ma te mafai kina akoakoga/ ma te kaufaigalueaga lagolago i loto o na vahega pepe ma na akoga
- onoonoga o na fakatinoga fakatefaiakoga ma fefaiakiga i loto o na potu akoga
- fetufaakiga ma matua, fanau, kaiga, na faipule, na pulenuku, na na Taupulega i luga o na fenua fakatahi ai ma te kaufaigaluega a te Mataeke o Akoakoga

I te fakaikuga o ienei fakatinoga i loto o na akoga mo na fenua e tolu, na toe talatalanoa, te kauhaga na fakatinoga te iloiloga, agai kina fakamatalaga na mauagia, fakatahi ma te puleakoga ma te Taupulega o na nuku takitahi. Ko te kauhaga foki tenei na fakatalanoagia e kilatou te Mataeke o Akoakoga ki te tulaga o na vaega na maua mai ina akoga takitahi. Ko te lipoti tenei e fakaatata mai ai te tulaga o na fakamatalaga na mauagia mai i tenei iloiloga ma e fakamatea mai ai ni fakatinoga ka haofia mai ai i te tulaga o te atiakega fakamoemoegia o na akoakoga i luga o Tokelau.

Aotelega

Ko te tamaiti ko te kautu o te matakupu

E ve lava ko te fakatinoga o te galuega i te 2013, i te iloiloga katoa, ko na matua ma na kaiga na manino lelei te tulaga na tuku mai ai olatou fakamoemoega mo na akoakoga, ma tonu taua ki te fauhia o ni avanoa totoka mo na fanau a Tokelau mo te lumanaki e nonofo i Tokelau pe ko Niu Hila foki. E iei na manakoga ki te tulaga o na akoakoga e tatau ke iei, ke:

- holo totoka, ma e tutuha te tulaga o te lelei , e ve ko na akoakoga i Niu Hila
- mafai e na fanau akoga ke auhia ni tulaga pito hili na lelei kae ke kilatou mafaia oi oatu ki ietahi hikomaga akoakoga e ve ko Niu Hila ma Auhetalia
- totoka o te tulaga o te tapenaga o na fanau mo na akoakoga i te lumanaki, koleniga ma te auhia o ni tuhi pahi maualuga vena ma te tulaga o te mauagia o ni galuega

Ko na tautuaga fakateakoakoga i Tokelau e agai ki he tulaga mo te auhiagia o na moemitiga ienei o matua ma te nuku katoa fakatahi ai ma na fanau a Tokelau fakatahi ai mo tolatou aia tatau ko ni hitiheni o Niu Hila, ki te mauagia o ni avanoa fakateakoakoga e pito hili na lelei. Kua lahi ni lakahaga lelei i te levolo Tulaga Muamua ma vena ma te Vahega Pepe.

Ko na polihi ma te tulaga o te fakatelega ke auhia ai ni fakaleleiga mo na akoakoga faifai pea kua totoka. Ko na atiakega ienei e lagolago ai ki te tulaga o te totoka o na fakatinoga hatala fakatetakitaki a na puleakoga. Maihe lava, kua matau te tulaga o te fanofano ki mua o na

tulaga fakatetakitaki i Matauala. Ko na fakaleleiga ienei e lagolago malohia i te hokotaga a te Taupulega ma te Mataeke o Akoakoga.

Talu mai te Iloiloga a te ERO i te 2018 ko te katoaga o te lelei o na akoakoga i te Tulaga Muamua, vena na fakatinoga fakatefaiakoga, kua fano ki mua i loto o na akoga uma e tolu. Kua tokalahi te numela o faiakoga kua matea te totoka o na fakatinoga fakatefaiakoga i te tulaga o na ahehi, ko te fakaaoga o na fakamaumauaga o na taumafaiga a fanau ke taki ai na peleniga, ke tautali kina manakoga o fanau, vena ma te fakaaogagia o he kalikalamu e talafeagai ma na nofonofoga vena ma na lihohi ke akoakogia ai ia fanau.

Ko ietahi vaega o na tautuaga i loto o na vahega pepe kua holoholo lelei foki. I na nuku e tolu ko faiakoga ma matua kua fakaholo lava oi kaufakatahi ki na tafaoga a na pepe, e fakaaoga ai ma he auala ke iloa ai e fanau ke hakilikili, fatufatu te iloa ma te akoakogia. Ko na fale o na vahega pepe fakatahi ma na kope kua lahi te huiga lelei kua iei. E ui i na vaega ienei, e manakomia ni fehoahoaniga fakapitoa mo na Vahega Pepe.

Ko te tulaga o te lelei o na tautuaga fakateakoakoga i luga o na Vahega Tulaga Lua e heki totoka lelei. Ko na avanoa ke akoakogia ai na fanau i ni matakupu e lahi, fakatahi ai ma na fakamoemoega mo te lelei o te tulaga o ni filifiliga o ni auala mo na galuega, vena ni ietahi fakamoemoe fakateakoakoga e he lahi. Ko te kalikalamu e taikole te tulaga o te kikilaga ki na matakupu akoakogia, ma, ko te tulaga o te akoakogia o fanau e lahi lava ki te pito a faiakoga. Ona ko na vaega ienei, kua taofiofi mai ai te mafai o na fanau ke tautali atu ai kina fakafitauli kae maihe ko ni ietahi auala fakateakoakoga e kilatou maua i tolatou akoakogia ma he auhia ai lava ma te tulaga e tatau ke papa kiei alatou taumafaiga.

E manakomia ni fehoahoaniga fakapitoa mai fafo ke taketi (taki ki ei) ma tautali kina manakoga o na puleakoga ma faiakoga ke fakamaututu, fakatumau ma fakalauaitele ai te totoka o te fakatinoga o na galuega. Ko te fakataua o te fakatu o ni fekuikuiakiga, e holotonu ma talafeagai, ka fehoahoani ki te tulaga o te holoholo lelei vena te mauagia o ni iloa fou.

Talu mai te iloiloga a te ERO i te 2013 ko te fauga o na faleakoga i Fakaofo, Nukunonu ma Atafu kua fakalelei atili ai te tulaga o te hikomaga e akoakogia ai na fanau i na akoga e tolu.

Ko na Fakamatalaga na Mauagia mai te Iloiloga

Takitakiga

I na nuku uma e tolu ko te tulaga o te lelei o te takitakiga o na akoga e na puleakoga ko he vaega pito hili na lahi tona hao ki te tulaga o te totoka o na tautuaga fakateakoakoga i na akoga takitahi.

I te akoga a Tialeniu e matau te holoholo totoka o te tulaga o te totoka o te takitakiga a te puleakoga. E lahi he hao o te puleakoga ki loto o te akoga ma vena ma te fakamalohiga o te hokotaga ma na matua ma te Taupulega. I te filifilgia o ni takitaki mo te akoga ma na vahega pepe, ko te puleakoga kua galue agai ki te fatuga o ni hihitemi totoka mo te kikilaga o te akoga ma te vahega pepe. Ko te manino o na takiala, na polihi ma na fekuikuiakiga e fai hao ki te totoka o te fakamakekega ona fakavae mo te lelei o na tautuaga fakateakoakoga ma te

akoakogia o fanau. Ko na vaega ienei o te tulaga fakatetakitaki e fai hao ki he hikomaga totoka fakateakoakoga ma e lagona ai e faiakoga ko kilatou e lagolago ma ko fanau akoga e amio pulea ma e hatala ki tolatou akoakogia.

Ko te puleakoga o te akoga i Matiti fatoa tofia ki tenei tofiaga. Ko te puleakoga fou e totoka tana tautali mai ki te tulaga e tuku atu ai na fehoahoaniga fakapitoa mai fafo, ma e tu malohi ki te fakamakekega o he kaufaigaluega hinia e galulue lelei fakatahi ma e iei ai ni takiala manino ma ni fauhaga totoka mo na galuega fakatetakitaki. Mai te taimi na filifilia ai te matua puleakoga, nae kavatu kiei na fehoahoaniga mai te kauhaga mai Massey ke fakalelei ma lagolago ki te atiakega o te tulaga o na hikili fakatetakitaki. E manakomia na koleniga fakapitoa ke fakaauau ke tautali atu ai kina manakoga ke lagolago ma fakamautinoa ko te tulaga o na atiakega ma na fakaleleiga e fakaauau pea

Ko te akoga a Matauala kua lahi lele ni huiga lelei i te tulaga o te atiakega o te mafai ma te iloa fakatetakitaki. Ko te tulaga o te hatala o faiakoga ma na takitaki vena te fakaleleiga o na tautuaga fakatefaikoga kua lahi te huiga lelei kiei, ma, kua totoka ai foki he hikomaga mo te akoakogia o fanau. E fai hao ki te tulaga o te lelei o na atiake te takitakiga a te puleakoga fakatahi ai ma na fehoahoaniga fakapitoa mai fafo mo te fakaleleiga o na tautuaga fakatefaikoga ma te akoakogia o fanau. Ko tona uiga, ko te akoga e tu i he tulaga totoka ke mafai ke fakaauau ai te tulaga o te fakalelei atili pea o te iloa ma te mafai o faiakoga ma ke tuku atu ai ma he hikomaga ke lagolago ai te lelei o na galuega a faiakoga mo te akoakogia o fanau.

I na akoga uma e tolu ko na fehoahoaniga mai fafo kua lagolago malohi ki te atiakega o ni hihitemi ma ni fekuikuiakiga mo te kikilaga totoka o na akoga ma ke fatu kiei ni fakavae lelei kiei mo ni leleiga faifai pea mo te atiakega o na akoga. Ko na vaega ienei e lavea ai:

- na hihitemi ma na takiala mo te lahiga o na fakatinoga o na galuega i loto o na akoga
- fakatatiaga o na fakamuamua mo na galuega peleni faifai pea vena te onoonoga o na akoga
- fakaaoga fakalelei na lihohi ke lagolagogia na fakamuamuaga a na akoga mo galuega a faiakoga ma te akoakogia o fanau
- ko te onoonoga haele o na fakatinoga a faiakoga
- Ko te makeke o na hokotaga ma na Taupulega taki fakamoemo mo ni atiakega o na akoakoga ma te auhia o ni leleiga e hili atu mo na akoga

Ke fakalelei atili te tulaga o te lelei o te takitakiga o na akoga, e tatau ke fakamatea ma fakapatino te tulaga o na fehoahoaniga e manakomia mo kilatou ke tautali ki na manakoga o na puleakoga takitahi.

Ko te Mataeke o Akoakoga e tatau ke fakamautinoa ko na akoga vena na takitaki i na vahega pepe, ma, faiakoga e kaufakatahi ki te tulaga o te lelei o he tulaga o te iloiloga o alatou tautuaga ma ke mafai ai ia faiakoga takitahi ke fai hao ma tuku mai ni lagona ke fehoahoani ki te tulaga o te iei ai o ni manakoga mo ni avanoa mo ni koleniga fakapitoa faifai pea

Ko te atiakega o te iloa ma te mafai ki te tulaga o te mafai ke Iloilo fakaauau pea fakalotoifale te tulaga o na akoakoga ko he vaega taua mo te atiakega o te mafai i loto o na hikomaga fakateakoakoga takitahi.

Hikomaga o na akoakoga

Ko na kope ma na meatotino a na akoga

Ko te hikomaga o na akoga e tolu kua lahi he huiga lelei kua iei. Ko na akoga uma e tolu kua iei ni alatou faleakoga fou mo te akoakogia ai o na fanau. Ko Atafu kua iei tona faleakoga fakapitoa mo te vahega pepe, ka ko Nukunonu kua iei ana peleni mo he faleakoga mo tana vahega pepe, e fakamoemoe ke totoka te fauga i te fakaikuga o tenei tauhaga. I te taimi nei la, ko te polokalame a na vahega pepe e fakatino i loto o he potu o na faleakoga fou o na vahega tulaga muamua, kae, e he iei he koga i fafo ke fakatino ai nei alatou galuega. I Fakaofo, ko te vahega pepe kua nofoia e kilatou te faletuhi o te aoga tuai ma kua vaelua nei ke fakatino ai na vahega a na pepe. Ko te koga tenei kua uma te tuku kiei o ni kope mo te fakaleleiga o fafo ke fakatino ai na tafaoga a na pepe. I te matauga totoka a te Taupulega e iei ni fakamoemoe ke iloilo lelei na fakatinoga i te akoga kae ke matau e ono iei he manakoga ke toe fakalelei he faleakoga lelei mo na fanau i na vahega pepe.

Ko na akoga takitahi kua iei na potu fakapatino mo te iei o na mahini komipiuta. E ono iei ni toe kikilaga mo te fakatotoka lelei o na potu ienei. Ko te peleni fakatu ke fakalelei na fehokotakiga tele vavave i te 2020 e ono mafai ai ke iei ni fehoahoaniga mo faiakoga ma fanau akoga ki te iei o ni tautuaga, kui i te neti ,ke maua ai ni lihohi ma ni ietahi kope ka ke iei ni ietahi avanoa ke fakalauaitele ai na matakupu e akoakogia ai ia fanau.

Ko na faleakoga mo na vahega tulaga lua e heki huia talu mai te 2013 ma e he maua ai ni hikomaga ke fakatutupu ake ai te initalehi ma te ola hatala o fanau i na vahega matutua. E fautua te ERO e tatau ke iei he kikilaga vave ke mafai ke tuku atu ai ni faleakoga lelei mo te akoakogia lelei o fanau i te Tauhaga 12 ma te 13 i na nuku uma e tolu ma vena foki i te Tauhaga 9-11 i na vahega tulaga lua i ni akoga i ni nuku e lua.

Ko na kope fakatino ai na galuega fakatefaiakoga

Ko te lahiga lava o na lihohi a na akoga e tolu e totoka. Kua iei ni heleni fakaopoopo kina akoga kua mafai ai e na akoga ke fakatau e kilatou ni lihohi kehekehe tenei kua mafai ke teu lelei ma faigofie ke maua e faiakoga ma fanau. I luga o Nukunonu, koi tatau ke iei ni ietahi mafaufauga ke fakatotoka lelei te tulaga o te mafai e faiakoga oi mauagia e kilatou na lihohi.

E manakomia e faiakoga ke fakaauau te tulaga o te fakaleleiga o te iloa ma te mafai ke fakaaoga lelei na lihohi ke fakalelei atili ai te akoakogia o te kalikalamu. Ko te tahi lakahaga ka iei ke fakamautinoa ai ko na vaega uma o te kalikalamu e ve ko na tuhiga ata, ola malolo, ma na takaloga, haienihi ma te tekonomolihi, e mafai e fanau akoga ona iei ni avanoa ke akoakogia ai ni lehona e fakaaogagia ai olatou lima ke fakatino ai alatou galuega.

Akoakoga i na Tulaga Muamua

Talu mai te iloiloga a te ERO i te 2013, ko te aotelega o te tulaga o te lelei o na akoakoga i na tulaga muamua kua holoholo ki mua i na nuku e tolu.

Ko na vahega taikokole e tatau ke maua ai e na fanau akoga ni avanoa ke kaufakatahi ai ki ni tulaga o ni polokalame akoakogia kehekehe pitohili te lelei ma ke mafai ai foki e faiakoga ke tautali totoka atu kina manakoga mo te akoakogia o na fanau takitahi taki ki olatou malohiaga ma olatou manakoga.

Kua tokalahi ia faiakoga kua matea i na fakatinoga te tulaga lelei o alatou tautuaga i te pito ki na ahehi, the fakaaogia o na fakamaumauga mai na taumafaiga a na fanau, fakatotokaga o na peleni ke tautali kina manakoga o fanau takitokatahi, vena ma te fakatelega o te akoakogia o te kalikalamu e fakaaoga kiei ni lihohi mai te hikomaga o Tokelau ke fakatino ai te akoakogia o fanau. Ko na faiakoga ienei e mafai ke kavea ma faiakoga ke taki e kilatou na fakatinoga o na galuega lelei fakatefaiakoga ke taki kiei olatou hoa faiakoga i te galuega.

Fakatotokaga ma te Fakatelega o te Kalikalamu i na Tulaga Muamua

Ko te tulaga o te fakatotokaga ma te fakatelega o te kalikalamu kua holoholo lelei i na tulaga muamua i na akoga e tolu.

I te akoga i Matauala ko na takitaki hinia e galulue fakatahi ke fakalelei atili te tulaga o na tautuaga ke fakanofotonu ai te kalikalamu mo te Tauhaga 1-8. Kua fatu e faiakoga he ata fakatakitaki e fofou ke auhia e fanau i te taimi ka o kehe ai ma na vehega ienei ma ke fakamatea ai na hikili, na iloa ma na vaega patino ki fanau takitahi e fofou ke akoakogia ai ia fanau. Ko na taumafaiga ienei e mafai ke tuku atu ai he avanoa ki na faiakoga ke fakalelei atili ai tolatou iloa ma te mafai ke fakalelei atili ai te malamalamaga o fanau ma ke atiake ai te ola hatala o fanau ki tolatou olaga akoakogia.

I te akoga i Matiti, ko na fehoahoaniga mai te kauhaga mai fafo(Massey) nae fakapatino ki te tulaga o te lagolago o te puleakoga fou ma te kaufaigaluega i na tulaga o te peleniga o te kalikalamu, ko na ahehi ma ni vaega o te tulaga o te kikilaga totoka kina fakatinoga i loto o na akoga. Kua iei he huiga lelei ki te tulaga o te fakamaoni o te kaufaigaluega ke talatalanoa i ni matakupu patino ki te tulaga o na taumafaiga a fanau ma te tulaga e ono auhia ai e kilatou ni tulaga lelei o alatou taumfaiga.

Ko te tulaga o fakatinoga o na galuega fakatetakitaki i Tialeniu e holoholo lelei pea ma e lagolago malohi ki te fehoahoaniga ki te kaufaigaluega ke malamalamaga ma peleni totoka na polokalame ke ologatahi ma te kalikalamu. E mautu ma malohi te hokotoga a te akoga ma te Taupulega, te Komiti o Akoakoga, na matua ma te nuku katoa. E matea te fakamaoni o te kaufaigaluega ke fakalelei pea na tautuaga ma ke tele ki mua te tulaga o tolatou iloa ma te mafai.

I na vahega tulaga muamua i na akoga uma e tolu, kua tokalahi ia faiakoga kua matea te tulaga totoka o na fakatinoga i te pito ki te kalikalamu. Maihe lava kina vaega ienei kua kitea ai te tokalahi o na faiakoga kua:

- mautu ma totoka te tulaga kua iei ni taumafaiga ke hukehuke lelei i ni metotia totoka ke vakilikili lelei na fakamaumauga kina taumafaiga a na fanau ma fakaaoga lelei na fakamaumauga ienei
- fakaleleiga atili o alatou taumafaiga ki te pito o na ahehi ma te fakaaoga o na maka ienei mai te fakatinoga o na ahehi a na fanau
- totoka te pleniga o na polokalame akoakogia a fanau ki te pito ki te faitau tuhi ma te numela
- akoakogia o he kalikalamu e fakatumaugia te tulaga o te holo totoka o na vaega o na matakupu fakaaoga kiei na iloa mahani ma na lihohi ma te hikomaga ke fakatino ai na akoga a na fanau
- kilatou fakamateagia na lehana ma te tulaga o na fakamoemoega o na lehana ienei ke lagolago ki te malamalamaga o fanau ma te kautu e fai ai tena lehana, fakatahi ai ma te tulaga o na aiaiga e fakamatea ai kua mauagia e na fanau na vaega nae fia tuku atu kiei kae ke iloa ai foki e fanau kua totoka te tulaga o tolou malamalamaga ki te lehana na fai
- tuku atuga o na avanoa ki na fanau ke galulue ma akoakogia fakatahi kui atu i te faifai mea fakatahi
- fakaaogagia o ni metotia kehekehe ke fehoahoani ki te akoakogia o fanau ma te tulaga o te kehekehe o na levolo e iei olatou malamalamaga
- fatuga o he kalikalamu e tautali mai kina manakoga fakamuamua ki te gagana Tokelau, tana aganuku ma tona hikomaga
- fakaleleiga atili o te tulaga o te holoholo atu o fanau i na levolo takitahi ma teia tauhaga ki teia tauhaga

Ko te tokalahiga o faiakoga e kaufakatahi i ni talatalanoaga faifai pea, fakahamahamanoa patino ki te tulaga o te fakaleleiga atili o te galuega fakafaiakoga agai kina polokalame akoako. Talu mai te iloiloga i te 2013, ko te fakamuamua kua tuku ki te fakaaogagia o te iloa fakaTokelau, na lihohi ma na faifaiga fakaTokelau ma kua matea te fakaaoga lahi i na vaega kehekehe o te kalikalamu. Ona ko te tuku fakatahiga o na vaega ienei, ki te gagana Tokelau ma tana aganuku, kua mafai ai ke tuku atu e faiakoga ni lehana e talafeagai ma fetaui lelei mo te akoakogia ai o fanau.

Ko te lipoti i te 2014 na matau ai ko na Takiala o te Kalikalamu ko heki totoka te faiga mo te ola malolo ma na takalogia, tuhiga ata ma na fakatinoga hiva ma na ata tifaga, ko te tekonomolihi vena ma te haienihi o te hikohikomaga, fakatahi ai ma ietahi matakupu kautu patino ki te gagana (Igilihi ma te Tokelau), numela, hohipolo haienihi ma te haienihi. Ko heki iei he huiga kina vaega ienei o te kalikalamu. Ko he manakoga vave ki te tulaga o te lagolagogia o na akoga ke fakatotoka loa ni Takiala fou o te kalikalamu i na levolo uma i te akoga.

Ko na Ahehi ma na Lipotiga

Na fakamatea i te iloiloga a te ERO i te 2013 te tulaga o na ahehi ko he vaega lahi e tatau ke fakalelei atili. Ko na akoga uma e tolu kua lahi ni huiga lelei i te fakaaogagia o ni metotia mo

na ahehi ma kua fatu ai ni takiala ke taki kiei te tulaga o te totoka o na ahehi i na Tauhaga 1-8. I te lahiga o na vaega na matau ko faiakoga kua kilatou tukufakatahia ni fakamatalaga totoka ki te tulaga o na taumafaiga a na fanau ma kua fakaaogia ke taki ma peleni kiei ni polokalame talafeagai ke fakalelei atili ai na tautuaga fakatefaiakoga. Ko ni ietahi fakatakitakiga ko na fakamatalaga kua fakaaoga e te kaufaigaluega ke peleni ai na lehona akoakogia a fanau takitokatahi.

Ko faiakoga kua fatufatu totoka tolatou malamalamaga ki te tulaga o te fakaaoga o na ahehi taki kina onooonoga ma na kikilaga ke toe tuku atu ai ni lipotiga ki fanau takitokatahi agai ki alatou taumafaiga. Ko tetahi lakahaga ka hohoko ko te fakamautinoa ko na lipotiga e fai ke manino ma totoka te tuku atuga ki fanau takitahi, olatou matua, agai ki na vaega e holo totoka ai na fanau fakatahi ai ma na fakamomoega mo ni vaega ke auhia i na taumafaiga a na fanau.

I na vaega kehekehe o te kalikalamu tenei ko heki iei ni takiala totoka ma e he lahi ni ahehi e tutupu ai. Ko te tuku fakatahiga ma te fakaaoagagia o na fakamatalaga mo te akoakogia o fanau e he lava ma lautele ke mafai ke fua ai te tulaga o na taumafaiga moni ma te tulaga holoholo lelei o na fanau mai teia tauhaga ki teia tauhaga.

I na nuku uma e tolu kua matau ko matua e kilatou mauagia fakalua i te tauhaga ni lipoti i te tauhaga i te taimi o na fakatalatalanoaga a matua ma faiakoga ma e tokalahi ia matua e kaufakatahi atu kiei. Ko te tulaga o te lelei o na fakamatalaga e lipoti ki matua e mafai ke fakalelei atili kui atu i te fakamatalaga o te tulaga o na vaega e malamalama kiei na fanau akoga ma na vaega e kilatou mafaia oi fai, ma, pe vefea ona fehoahoani na matua ki te akoakogia o alatou fanau.

Akoga Tulaga Lua

E tama kehe malie te tulaga e iei ai te lelei o na akoakoga i na tulaga lua (Tauhaga 9-13) ma e he totoka. Na matau e te ERO ko heki iei lava he tulaga kua fakaleleia ai ma totoka te tulaga o na akoakoga i na tulaga lua talu mai te 2013.

Ko na akoakoga i Tokelau i na tulaga lua e heki totoka te tulaga o te tapenaga o na fanau ke holo atu ai ki ni akoakoga i na nuku e ve ko Niu Hila mo ni ietahi akoakoga mo te luamanaki talu mai te iloiloga o te 2013.

E ui na matau e te ERO ni fakatakitakiga o fakatinoga a faiakoga kua lelei i na Tauhaga 9-11, e ve ko te atiakega o te mafai o fanau ke loto hatala lava kilatou, ko te fakaaoagagia o na maka o na taumafaiga a na fanau mo te peleniga o alatou lehona vena ma te fakaaoagagia o na fehili ke fakaohofia ai te mafai ke tautali mai o na fanau akoga, e matea, ko te tulaga e akoakogia ai te kalikalamu, e maualalo malie te tulaga e fakatino ai tenei galuega. Ko te lahiga o na lihohi kua leva malie ma e iei ni vaega o alatou polokalame akoako e fakamuamua lava na faiakoga i lo na fanau akoga.

Ko na Fakamuamua taua i na akoga Tulaga Lua (Tauhaga 9-11 lavea ai ma na Tauhaga Matutua Tauhaga 12-13)) ko te:

- fakatalanoa ma fanau akoga, na matua ma faiakoga vena ma te nuku katoa ke fakamatea na moemitiga o na fanau matutua ma ke Iloilo pea lava , ma tautali vena ke totoka na tautuaga i te taimi nei.
- hakilikili ni faiga ke fakalauaitele ai ni avanoa mo ni filifiliga e lahi mo na auala mo na matata kehekehe, fakatahi ai ma te mauagia o ni fakailoga ma ni avanoa ke galulue ai ki ni matakupu tau te matata kehekehe
- vakilikili pe ko he a te tulaga o te lelei e iei ai na polokalame i na vahega tulaga lua ke mafai ke auhia ai e na fanau ni avanoa akoakogia lelei maihe mo kilatou e filifili ke fakaauau i te Iunivehite o te Pahefika(USP), ma, pe vefea te tulaga totoka o te polokalame a te USP ke tautali atu kina manakoga fakalauaitele o na fanau ma olatou moemitiga
- fakalelei atili te tulaga o te fatuga ma te fauhaga o te kalikalamu i luga o na levolo tulaga lua ke fakamautinoa ko na polokalame akoakoga e mafai ke tuku mai ai ni avanoa e lahi , manino ma holo totoka mai te Tauhaga 9-13 ma ke tapena lelei ai na fanau mo te akoakoga maualuluga ma ni tuhi paahi maualuga
- tautali atu ki te tulaga o te fakaauau pea o te polokalame mo kilatou ei te polokalame fakaopoopo(kafai e he fano hako mai te Tauhaga 11 ki te USP), ona ko te tulaga o te he fakaohofia ai o te fia hatala o fanau ki na akoakoga
- fakalauaitele te tulaga o na matakupu ma te lelei o na fakamatatalaga e mauagia mo fanau akoga ma faiakoga i te Tauhaga 11-13.

Ko te Taupulega ma te Komiti o Akoakoga, fakatahi ai ma te puleakoga ma te kaufaigaluega, e tatau ke mafaufau totoka ki te tulaga o te tuku atuga o ni koleniga fakapitoa mo fakaiakoga patino ki te fakaleleiga o te kalikalamu ke fakatotoka ai na galuega akoako mo na fanau i na tulaga lua, ke fakalelei atili ai foki te tulaga o te lelei o na akoakoga i na tulaga lua.

Ko na tautuaga fakateakoakoga ma na vaega na auhia i te Tauhaga 12 ma te 13

E matua lahi ma manakomia vave ni huiga ke fakalelei ai te tulaga o na avanoa akoakogia i na vaega uma ke fakalelei atili ai na taumafaiga a na fanau vena ma he kikilaga ki ni avanoa mo na galuega e mafai ke oatu kie i na fanau akoga i luga o na tulaga lua(Tauhaga 12-13).

Ko te Polih i mo te Fakavaka o te Kalikalamu a te Atunuku e manino mai ai te vaega tenei e ve mai, “Ko te kikilaga mamao o te Mataeke o Akoakoga ke fakatu te Tauhaga 12 ma te Tauhaga 13 i loto o na nuku kae ke mafai na fanau ke holo tonu atu mai te Tauhaga 11 (ki loto o na vahega matutua)”. E fakatatia manino mai ai foki na fakamoemoega ke fatu ni takiala holo tutuha i te pito o na matata kehekehe ma te oatu kina univehite ke auhia ai ni fakamoemoega mo ni galuega i te lumanaki pe ko ni tuhi pahi foki, “kui atu i te iei o ni avanoa o ni matakupu e lahi i na levolo o na tamaiti matutua,ke tautali atu ai ki na “manakoga o te tokalahi o fanau akoga”. Ko heki iei ni huiga ki na fakamoemoega o na polih ienei.

Na matau i te lipoti o te 2014 ko te tulaga e taki ai na taumafaiga i te Tauhaga 12 ma te Tauhaga 13 na fatu fakamoemoe ki na avanoa ma na tuhi pahi nae mafai ke tuku mai e te USP, kae, nae he tautali atu kina fakamoemoega o na matua ma na Taupulega nae fofou ko alatou fanau ke iei ni avanoa ke maua ai e kilatou ni tuhi pahi e mafai ke tatala ake ai na avanoa ki te lalolaga ma na galuega. Ko te fakalelei atili o te tulaga o na kohi a te Univehite mo na Tauhaga 12 ma te Tauhaga 13 ko heki fakatotoka lava.

Ko te tulaga o te akoakoga o te kalikalamu i na akoga uma e tolu e he holo tonu mai te Tauhaga 9-13. E he lahi ni avanoa mo na koleniga e filifili mai ai, fakatakitakiga, ko na iloa ki na fotoaga ma na matata kehekehe, mo fanau e fofou ke kui atu ki na akoakoga maualuga pe ko kilatou foki e heki totoka lelei na taumafaiga i te akoga.

Ko heki iei ni fehoahoaniga mai fafo ke lagolago ai te tulaga o te holoholo lelei ma te totoka o na akoakoga i luga i na vahega matutua.

Ko te iloiloga ma te toe fatuga o na fehoahoaniga mo vahega matutua e tatau ke mafaufau kiei ko te

- fakanofotonuga o te kalikalamu mai te Tauhaga 9-13.
- fakalautele o na avanoa akoakogia ma na auala kehekehe e avanoa mo fanau
- mauagia o ni avanoa ki ni tuhi pahi e lahi kui atu , fakatakitakiga,i te Kalikalamu mo na akoga i Niu Hila (NZCEA).

Ko na moemitiga o tenei galuega e tatau ke mafai ai e te Mataeke ke auhia na fakamoemoega o te Polihi o te Kalikalamu a te Atunuku. Ko na peleni mo te fakaleleiga o fehokotakiga televavave i te 2020 e tatau ke lagolago ki te atiakega o na hokotaga mo te fakaleleiga o na tautuaga vena te tulaga o te fakaleleiga o na matata kehekehe ma na polokalame akoakogia. Ko te iloa ma te mafai o te kaufaigaluega e manakomia ke fakatino ai na huiga lelei ienei e tatau ke matau lelei.

Ko he tino e iei te mafai ma te iloa ma talafeagai e tatau ke iei ina vahega matutua ke fakatonutonua ma takitaki na huiga ienei i na vahega matutua.

Akoakoga i na Vahega Pepe

E ui e lahi na huiga lelei e kitea i na vahega pepe, ko te tulaga o na galuega ko heki pa lava ki he levolo pitohili na lelei.

Ko na kope ma na fale o na vahega pepe ma ietahi vaega o te polokalame a na vahega pepe kua holoholo lelei talu mai te iloiloga muamua. E ui ina vaega ienei ko na akoga uma e manakomia ni fehoahoani fakapitoa i na vahega pepe.

Ko te Polihi o te Kalikalamu a te Atunuku e fakamatea mai ai te tulaga o te taua o te atiake o na vahega pepe. E fakamatala mai ai na takiala lalahi e fatufatu mai ai te atiakega ma te fakatelega o te kalikalamu., ma te taua o te iei o ni muna mo te tautaliga manino ma magafagafa ki te akoakogia o fanau. Ko te fakavaka mo te tulaga o na akoakoga i na vahega pepe e taki mai te “Te Whariki”(te kalikalamu mo na Vahega Pepe a Niu Hila). E ui i na

vaega ienei, ko te kikilaga mamao ma na takiala o Te Whariki ko heki totoka te fakatatiaga ki loto o na akoakoga ma te akoakogia o fanau. E fakatu mai e te ERO ke fakaoga te Te Whariki fou (2017), ke taki ai ni huiga lelei mo na vahega pepe.

Kua iei te tino e iei na iloa fakapitoa i na ECE mo na nuku e tolu ma e nofo i Fakaofa ma kua fakagalue nei e te Mataeke. Ko na fehoahoaniga mai fafo fatoa uma foki te filifili o halatou tino fakapitoa i na matakupu ki na vahega pepe. Ko na tofiga ienei kua lahi ai ni huiga lelei ki te fakatinoga o na tautuaga i na vahega pepe ma e fehoahoani ki faiakoga ki te fakaleleiga ma te malamalama ki te fakatinoga o na galuega peleni, ahehi ma te vakilikiliga, fakatahi ai ma te kikilaga o te lelei lauaitele o na galuega fakatefaiakoga ma te akoakogia o fanau.

Ko na koleniga fakapitoa mo te akoakogia ma te fakaleleiga o na tautuaga kua fehoahoani lahi ki faiakoga ke:

- malamalama atili ki te tulaga o na fakafitauli o te akoakogia fakatahi o na fanau fakakulupu, ki te atiakega o na fanau ke lelei ma mataola, ma iloa pe aihea te taua ai ke laka atu ki te peleniga o ni polekalame e lahi kiei na avanoa e tafafao ai na fanau.
- kikila totoka ki na auala kehekehe ke ahehi ai na fanau ma te tulaga o tolatou akoakogia ma te atiakega ma na avanoa e mafai ke fakaoga ai na meafaigaluega e ve ko te akoakogia ke matau na tala ma ni olatou lekoti o na galuega ke fehoahoaniga ki te akoakogia ai o fanau
- malamalama lelei ki te taua o te fakamaumauga o na galuega kae maihe ko te iloiloga o na polokalame akoakogia ma te fakaogagia o na lekoti ienei ke taki ai na polokalame akoako a fanau
- fakatotoka ni hikomaga akoakogia totoka e fakamaututu ai te tulaga o te hatala o na mafaufau o fanau ma ke kilatou iloa galulue lava kilatou
- poupuaki ma fakaoga lelei na lihohi mai te hikomaga mo na polokalame akoakogia a fanau

Na kitea e te ERO te tulaga holoholo lelei o na metotia akoako a faiakoga, maihe lava i Tialeniu e iei ai na faiakoga e mafai ke kaufakatahi ki na koleniga fakapitoa mo na faiakoga o na vahega pepe, ma, kua kamata ai oi fatufatu ni polokalame akoako e tautali atu ki na initalehi o na fanau ma talafeagai ma te levolo o tolatou tuputupu ake. I na nuku uma e tolu ko faiakoga ma matua kua fakaholoholo lava oi kaufakatahi ki na tafaoga a na pepe, fakaoga ai na vaega ienei ke hatala ai ia fanau, ke mataala ma hatala ki tolatou akoakogia.

Ko te holoholo lelei o na lihohi e fehoahoani lahi kina polokalame akoako. Ko na lihohi ienei e mafai ai e na faiakoga fakalelei atili te tulaga o te akoakogia o te gagana, matematika, haienihi, na galuega tuhiga ata, muhika, akoakoga o te gagana vena ma na takaloga i fafo. Kua iei he lahiga o te fakaogagia o te hikohikomaga ma na lihohi e maua ai ke tuku atu ai ni avanoa ke hatala kiei na fanau ma te fakalauaitele ai te akoakogia o te gagana a na fanau, te aganuku ma te mataala o na mafaufauga.

E manakomia ona kaufakatahi ia faiakoga ki ni koleniga fakapitoa mo tolatou atiakega ma te fakaleleiga o na tautuaga i na levolo o na vahega pepe. E tatau ke lavea ki loto na koleniga mo te fakaleleiga fakapitoa mo na takitaki i loto o na vahega pepe, iloa ki te atiakega o na

kalikalamu taki ki te fakaaoga o na takaloga ke fakalelei atili ai na filifiliga ma te hatala o fanau, na fakatinoga totoka o na ahehi, ma te fakaaoga o te iloiloga fakatino fakalotoifale ke fakalelei ai te teletele ki mua o na tautuaga.

I te levolo o na polihi ma te malo, ko ietahi vaega o na tautuaga i te levelo o te ECE e tatau ke toe kikila totoka kie i na manakoga ke:

- fakalelei ma fakamautino a ko na galuega mo te kalikalamu mo na vahega pepe a Tokelau, *He Tifa Ola*, e fakaauau ke mafai ke tuku atili atu ai ni takiala mo faiakoga ki te tulaga o te gagana Tokelau, aganuku ma fakahinomaga e tuku fakatahi ki loto o na polokalame akoakogia i na vahega pepe.
- fakamautino a ko faiakoga uma i na vahega pepe e fakauma ma hikihiki ai ki luga te tulaga oalatou tuhi pahi i na vahega pepe; e fehoahoani lahi te vaega tenei ke fakanofotonu ai te tulaga o na fakatinoga a faiakoga ma te poto fakaonaponei kina iloa mo te akoakogia i na vahega pepe, e ve ona fakahula mai i te Te Whariki (2017) fou, ma te Kalikalamu mo na Vahega Pepe,” He Tifa Ola”
- fakamanino ma fakamautino a eiei he faiga fakateatunuku mo te hikitaga o fanau mai te Tauhaga 0/ 1 kae ke totoka ma hologatahi te hikitaga tenei ki na nuku uma e tolu.
- mafaufau pe talafeagai te loa o te aho mo te akoakogia o na fanau i te vahega pepe mo te fakatinoga o alatou polokalame.

Lua o na Gagana akoakogia

Ko te Kalikalamu a Tokelau e fakatatia mai ai te tulaga o na levolo e tatau ke auhia e fanau akoga ma ke fakamautino a ko te fakaaogagia o na gagana e lua, i te Tokelau ma te fakapeletania, ko he fakamoemoe taua o na akoakoga i Tokelau. Ke mafai ke iloa o na gagana e lua ko te mafai foki ia ke mafai ke tuhituhi ma tautala i na gagana e lua. Ko te Kalikalamu a Tokelau e tuhia ai te fakamoemoe mo fanau uma ke kilatou iloa oi tautala ma faitau i te gagana Tokelau ma ke iloa ai oi fakaaoga i na nofonofoga, faka te aganuku ma loto o na akoakogia.

Ko te fakatelega o te akoakogia o na gagana e lua kua lahi lele te huiga lelei kua ie. Ko na akoga e tolu kua totoka lelei te tulaga o te fakaaogagia o faiakoga ma faiakoga lagolago e totoka i te gagana Tokelau. Ko na polokalame i te gagana Tokelau kua lahi lele te huiga lelei ki te tuku fakatahiga o te Tokelau ma te Igilihi. Na kitea e te ERO te fakaaoga katoa o te gagana Tokelau i lalo o na vahega pepe i na nuku uma e tolu. Ko te fakaaoga katoa o te gagana Tokelau i te Tauhaga 1-2 ma na huiga kua tatia mo te akoakogia o na gagana e lua i te Tauhaga 4-11. Kua holoholo lelei te fakaaogagia o na lihohi i na gagana e lua i te Tokela ma te Igilihi ke fehoahoani ki te fakatelega o te fakatinoga lelei o te polihi mo te akoakogia o na gagana e lua.

I te akoga i Tialeniu ko te tokalahiga o faiakoga ko ni Tokelau ma kua kilatou tuku tonu lelei te fakaaogagia o te gagana Tokelau ma te Igilihi. I Matiti ma Mataualala e lahi na faiakoga konekalate kae he ko ni Tokelau. Ko na faiakoga ienei e he ko ni Tokelau e hatala ki te akoakogia ma te fakaaogagia o te gagana Tokelau, ki te mea e gata mai ai te mafai, i loto o

ietahi polokalame akoako. Kua mafai ai na avanoa ienei ke maua e fanau ni avanoa ke fakalogo ma fakaaoga ai te gagana Tokelau.

Ke fakamautinoa ko na fanau e totoka alatou taumafaiga fakateakoakoga kui atu i ni polokalame totoka e fakaaoga ai na gagana e lua, e taua mo faiakoga ke totoka uma i te fakaaogagia o te Igilihi ma te Tokelau.

Ko faiakoga ko heki totoka lelei te fakaaogagia o te mafai ke iloilo ai te afaina o fanau i te fakaaogia o na gagana e lua i na vaega kehekehe o te kalikalamu. Ke mafai ke fakatotoka ma fakalelei atili te fakaaogagia o na metotia mo na gagana e lua i loto o na polokalame akoakoga, e tatau ke iei ni avanoa e lahi ke mafai ke fakahoa fakatahi ai te tulaga o te fakaaogagia o na fekuikuiakiga mo te fakaaogaga o na gagana, fakalelei te tulaga o na manakoga ma matua ke fakamalohia ai te tulaga o te tali fiafia ma malamalama ki na penefiti o te akoakogia i na gagana e lua.

Talu mai te iloiloga o te 2014, ko te ERO na lipotia te tulaga o te kaufakatahi atu o na matua ki te lagolagogia o na fanau ma tolatou akoakogia o te gagana. Ko te holoholo lelei o te faiga paaga a na matua ma faiakoga e fai hao foki ki te atiakega o te mafai o te nuku ke malamalama ki te taua o te akoakogia i na gagana e lua.

Ke fakamautinoa e tutumau pea na huiga lelei ienei, e manakomia ni ietahi fehoahoani ke mafai ke iei ni faiakoga fakapitoa vena ni lihohi mai na akoga vena ni koleniga fakapitoa i te pito a na vahega pepe mo faiakoga ma matua ke fakaauau pea.

Na Komiti Akoakoga ma na Fakalapotopotoga a Matua ma Faiakoga

Ko na Taupulega uma i na nuku e tolu e matau fakatahi e ko na akoakoga ko he fakamuamuaga. Talu mai te lipoti o te iloiloga o te 2014 a te ERO, ko te tonu a na Taupulega ke fakatotoka te fauga o na faleakoga, kua mafai ai e na takitaki o te akoga ma faiakoga ke fitoi tonu ki te tulaga o te fakaleleiga o na galuega fakatefaiakoga vena te fakatelega o te kalikalamu.

Ko na Komiti o Akoakoga ma na Fakalapotopotoga a Matua ma Faiakoga kua leva te fakatutu i luga o na nuku takitahi. E ui i na vaega ienei, ko heki manino lelei na fakalapotopoga ienei ki olatou tiute ki te tulaga o tolatou faiga paaga ai ma na akoga ma e he manino lelei.

E tatau ke iei ni takiala o na fakatinoga ma tiute ke taki ai na galuega a na Komiti o Akoakoga ma ke lavea ai ki loto te tulaga o alatou fehoahoaniga ke taki ai te fakatelega o na akoga ma te tulaga o na fekuikuiakiga o na fehokotakiga i te va ma te Taupulega ma te akoga.

I luga o Fakaofo ma Nukunonu ko na komiti o akoakoga e totoka lelei te tulaga o kilatou e i loto ma kua kamata oi holoholo totoka alatou galuega. E ui i na vaega ienei, ko te takiala mo na alatou fakatinoga ko heki aloakia lelei i na nuku takitahi. Maihe lava i luga o Atafu, ko heki iei lava he maninoga ki te tulaga o te fakamoemoe, na tiute ma te fakatelega o te Komiti o Akoakoga vena ma na fakatinoga a te Ahohi a Matua ma Faiakoga.

Ko na Takiala o na Galuega Fakatino mo na komiti o akoakoga ma na komiti a Matua ma Faiakoga e tatau ke fakamautinoa ma aloakia, i he taimi vave lava, kae ke mafai na komiti e lua ienei ke fakatino totoka alatou galuega. E fehoahoani lahi na vaega ienei ki te fakaleleiga o na fehoahoaniga ki na akoga ma matua ma ke fakamakeke ai te faiga paaga faifai pea a te nuku ma te akoga.

Ko te matauga eiei e tatau na akoga ke lipoti te Komiti o Akoakoga i loto o te tauhaga katoa ma kafai eiei he manakoga. E taua ke tautali atu na Taupulega ma na Komiti o Akoakoga kina lipoti a na puleakoga ma ke fakaaoga ienei fakamatalaga ke fatu kiei ni tonu ki te tulaga o te lelei eiei ai na fanau ma alatou akoakoga. Vena foki la, ko na akoga e tatau ke toe ahia e kilatou ni auala ke fakahaga hikihiki ai pea ki luga o te kaufakatahi atu o na ahohi a matua ma faiakoga, ma, ke fatu ai foki ma te malamalamaga o matua ki te tulaga pe vefea ona galulue fakatahi ma na akoga ki te lagolagogia o na akoga a na fanau ma ke totoka ai foki te peleniga o na fakamoemoega mo na aho fakapitoa ma fakamanatu a te akoga.

Ko na Tiute o te Mataeke o Akoakoga

Ko te Mataeke o Akoakoga e matua taua lava tona tiute ki na fakaleleiga e manakomia ke fakalelei ai na akoakoga i Tokelau.

Talu mai te fakahekega o na tiute mo te pulepulega o na akoakoga kina Taupulega i na nuku takitahi, ko te Mataeke o Akoakoga kua fakatino e kilatou he polokalame mo te atiakega o na polihi ke fatu kiei te tulaga o na tautuaga fakateakoakoga i luga o Tokelau. Ko tana mihiona, “Ke hiki ki luga e tulaga o na taumafaiga a na fanau, fakalelei atili te tulaga o na avanoa ma na fakamoemoega mo fanau uma ke fakalelei te tulaga o na tautuaga fakateakoakoga.

Ko te Mataeke o Akoakoga ko heki mafaia lava oi fakatotoka lelei te tulaga o na peleni ienei mo te fakaleleiga o na akoakoga.

Na maua e te ERO te tulaga e manakomia ai ni takitaki totoka mo te kikilaga, ma te fakatonutonuga o na taumafaiga ke fakalelei ai na tautuaga i na levolo uma. Ko te manino i te hokotaga o na hihiemi ma na fekuikuiakiga, ko te tulaga o te tautali atu vena ma tiute ma na galuega taua mo te fakatelega o te Mataeke e manakomia.

Ko na Taupulega i luga o na fenau na fakaho Mai te tulaga o na manakoga ke fakalelei atili na tautuaga fakateakoakoga. E ui i na vaega ienei, i na motu uma e tolu e heki totoka te tulaga o te lelei o te fehokotakiga a te Mataeke o Akoakoga ma na akoga. Eiei ni lagona o na akoga ko kilatou e he totoka te fehoahoani mai kiei o te Mataeke.

E lahi ni fakafitauli e fakafeagai ma Tokelau i te tuku fakatahiga o ni faiga holo totoka ke fakalelei ai na hihiemi. Ko te mea e tu ai nei na meatotino a te Mataeke ma te kaufaigaluega(fakatakakiga ko te Mataeke ei Samoa ma ko te Minihita o Akoakoga, te Fakatonu ma te Hui Fakatonu ei Atafu. Fakaopoopo atu kiei ko te mamao o na va o na fenua, ko na fakafitauli ki na fehokotakiga televavave i te neti ma te tulaga o te fai lava e te fenua o ana galuega e fai hao uma ki te tulaga o te he totoka o na fehokotakiga i te va o te Mataeke o Akoakoga, na Taupulega ma na puleakoga.

Ko te Mataeke e he totoka te tulaga o te holotonu o te tulaga o te takitakiga ma e he totoka lelei ke fehoahoani ki te fakaleleiga o na tautuaga fakateakoakoga. E manakomia vave ke tautali atu ki na fakafitauli ienei:

- he totoka o te takitakiga ma te kikilaga
- he manino na tiute ma galuega patino a te kaufaigaluega
- he totoka te tulaga o na fehokotakiga ma te tautali atuga kina manakoga ma na popolega o na akoga
- he lava te mafai ma te iloa ke fakalelei atili ai na taumafaiga mo na akoakoga
- he lava te lagolago ki te tulaga o te lelei o na pulepulega ma na takitakiga
- he lava te tulaga o te onoonoga ma ke fakamautinoa ko na akoga ma na vahega pepe e tautali ki te tulaga o te auhia o na fakamoemoega o te kalikalamu ma vena ona toe lipoti atu ai kina fakamoemoega ienei
- ko te he fakahoa atua i he taimi vave o na maka mai na hukega fakamua vena ma na maka mai na taumafaiga a na fanau i te USP
- he totoka o te tulaga o te kikilaga ma te onoonoga o kilatou e fakagaluegia ma filifili kina galuega fakafaiakoga
- he mafai ke onoono totoka ma vakilikili lelei te tulaga o te lelei o alatou lava taumafaiga

Ko he Mataeke o Akoakoga lelei e manakomia lahi ke fakalelei atili ai na akoakoga i Tokelau.

E manakomia he peleni galuega ke fakalelei atili ai na galuega a te Mataeke ke fakatino vave ma e manakomia ni fehoahoaniga mai fafo ke fehoahoani ke fakalelei atili te tulaga o te takitakiga ma te fakatelega o na galuega fai.

Ko hetahi fehoahoaniga mai fafo ki te fakaleleiga o na akoakoga i Tokelau e tatau lave ke lavea ai he kikilaga fakapitoa ki te pito a te Mataeke ma te tulaga e mafai ke tautali ai ki na fakafitauli kua fakamatea.

Ko te Ola Malolo ma na matakupu mo te Haogalemu

Na fakamatea e te ERO ni matakupu agai ki te haogalemu ma te ola malolo o fanau. E lavea ai:

- na fakafitauli patino ki te gaholofaki o fanau i te koga tenei e fau ai te faleakoga fou vena ma te fauga vave o ni tukutua kehekehe o fanau ma tagata matutua i te akoga i Matiti
- ni manakoga mo hi fakatinoga mo te malupuipua o fanau i luga o na vaka i te akoga i Fakafo e malaga ai ia fanau i aho uma ki te akoga
- he manakoga ke fakatotoka he hihitemi mo te lihiga o na koga fakapokepoke mo te matau kae maihe mo te fakaleleiga mo na vaega uma patino ki te ola malolo ma te haogalemu o fanau i na faleakoga uma e fakaaoga, vena na malae, na koga e tafafao ai na fanau vena ma te pa e puipui ai te akoga

Fakaikuga

Ko te tulaga o te lelei ma te totoka o na akoakoga i Tokelau kua holoholo lelei talu mai te iloiloga i te 2013.

Ko te totoka o na faleakoga fou kua lahi tona hao ki te fakaleleiga o na hikohikomaga mo te akoakoga i na vahega tulaga muamua ma na Vahega Pepe. Kua faigofie te mauagia o na lihohi mo faiakoga.

I na vahega muamua ko faiakoga kua fatufatu lelei te tulaga o tolatou malamalamaga o na ahehi fakatino i loto o na potu, ma kua mauagia ni kope mo na ahehi e lahi ke fakaaoga i ni alatou taumafaiga kamata ke fatufatu ni polokalame akoako e mafai ke tautali kina manakoga mo te akoakogia o fanau akoga.

Ko te mauagia o na fehoahoaniga mai fafo kua lahi hona hao ki te holoholo lelei ma ko na akoga kua i he tulaga lelei e fehoahoani ki te tulaga o te tolatou atiake totoka fakateakoakoga. E ui i na vaega ienei, ko ni polokalame fakapitoa patino e manakomia pea ke tautali atu ai kina manakoga mo na vaega in a tulaga muamua kae ke mafai e na motu takitahi oi atiake atili ma fakatotoka ni fakatinoga lelei mo te akoakogia ma na tautuaga fakatefaiakoga.

Ko te iei o ni fehoahoaniga mai fafo ke fehoahoani ki te iloa ma te mafai ke fakalelei atili ai na tautuaga i na Vahega Pepe e tatau ke fakaauau.

E ui na fakamatea e te ERO te tulaga o te iei o na iloa mo na takitaki kehekehe i Tokelau, ko na poto fakapitoa ma te iloa i na nuku e tolu, ko te aotelega o te lelei ma te totoka o na takitakiga i loto o na akoakoga kua lahi hona hao lelei ki na avanoa kua maua e fanau ke akoakogia ai i na vahega muamua ma na vahega pepe. Ko ni avanoa kehekehe vena ma ni avanoa ke tautali atu ai na takitaki ke fatufatu ki te holoholo lelei kua iei nei e tatau lava ke avanoa mo kilatou.

Kua holoholo totoka foki te fakaaogagia o te polihi mo na gagana e lua mo te fakaaoga i loto o na potu ma e vena foki te holoholo lelei o te fakaaoga o te gagana Tokelau oioti i loto o te Tauhaga 1 ma te 2.

Ke taunuku na fakamoemoega mo te fakaaogagia o na gagana e lua i loto o na akoga, e ve ona tatia mai ai i te Kalikalamu a Tokelau, e manakomia ke fakatatia tonu he takiala manino ma te totoka vena ma te taoga mo te fakaaogagia o na gagana e lua. E tatau ke iloilona polihi mo te fakahalalauga, filifiliga, tofiaga ma te fakamahaniga kina galuega fai o na faiakoga konekalate. Ko te atiakega totoka ma te taoga o te fakaaogagia o na gagana e lua e manakomia kiei ni faiga totoka ki te hatalaga mo te fakahalalauga ma te koleniga o faiakoga e lelei i te fakaaogagia o na gagana e lua te fakapeletania ma te Tokelau.

Na kitea e te ERO te tulaga o te heai o he lelei i te aotelega ma te tulaga lelei o na galuega i luga o na levolo o na Vahega Matutua. Ko te tulaga o te fakatotokaga o te kalikalamu i na akoga e tolu e he holo tonu. Ko te iei o ni auala kehekehe mo te akoakogia o fanau ma te mauagia e fanau o ni avanoa mo ni ietahi tuhi pahi e he lahi.

Ko te iloiloga ma te toe falite o te tulaga o na tautuaga mo na akoakoga i na Vahega Matutua e tatau ke kave kiei he fakamuamua. E tatau ke iei he toe kikilaga mo te tulaga o he kalikalamu ma ni auala mo te mauagia o ni tuhi pahi. Ko te poto ma te iloa fakapitoa vena na lihohi a te Pulaga mo na Tuhi Pahi a Niu Hila(NZQA) ma te Matagaluega o Akoakoga e tatau ke mafaufau kiei mo ni taumafaiga ke atiake ni ietahi taumafaiga mo ni ietahi auala mo te auhia o ni ietahi tuhi pahi. E tatau ke iei foki ni mafaufauga ke fatufatu ni polokalame fakahoa ma ni akoga vahega matutua e mauluga na akoakoga, i Niu Hila, ke mafai ke fakamatuku mai ai ni avabnoa mo ni kikilaga mamao vena ma te fehoahoani ke lagolago ki te fatuga o he kalikalamu e totoka ma e mafai ke akoakogia lelei, ma ke iei ai ni avanoa akoakogia totoka i na vahega matutua.

Ko te Mataeke o Akoakoga e lahi tona tiute taua ki te fakaleleiga o na akoakoga i Tokelau. Ko te lipoti tenei e fakamatea mai ai na manakoga mo te manakomia lahi ke lelei o te takitakiga, kikilaga ma fakatonutonuga o na taumafaiga ke fakalelei atili na akoakoga kae ke auhia ai te mihiona a te Mataeke o Akoakoga.

Ko na atiakega taua mo te fakamuamua e lavea ai te: fakatotokaga o te kalikalamu vena ma lihohi fakafaiakoga ke fehoahoani ki te fakatelega totoka o te Kalikalamu a te Atunuku i na vahega tulaga muamua, te iloiloga ma te toe falitega o na tautuaga fakateakoakoga i na vahega matutua; vena ma te fakatelega o he takiala mo te fakaaogagia o na gagana e lua i na akoga.

Ko te iei o he holoholo lelei e ono taofiofi mai kafai e he totoka na taumafaiga a te Mataeke ke fakalelei atili ana taumafaiga. E tatau ke iei he kikila mo ni takiala mo te onoonoga o na akoga ke mafai ai te Mataeke ma na akoga ke iei ni auala manino ke tautali atu ai ki ana taumafaiga ma ke manino ma tuku mai ai he takiala totoka mo te onoonoga haele ma te fakaleleiga atili.

Fakatutuga

E fakatu atu e te ERO mo:

1. Te Mataeke o Akoakoga ma na Taupulega ke fakaauau te tulaga o te fatufatu ki luga o te tulaga o na vaega kua holoholo lelei ke fakamautinoa e iei ni faiga taoga ki te tulaga o na tautuaga fakateakoakoga i Tokelau kui atu i na
 - Fehoahoaniga patino fatu ki na malohiaga kehekehe ke fehoahoani ai ki puleakoga kafai e fakatino na onoonoga o alatou fakatinoga ma galuega patino
 - Fakaauauga o na atiakega ma te fakatelega o te totoka o te kalikalamu mo na levolo uma e akoakogia ai ia fanau i na levolo o na vahega tulaga muamua
 - Fatufatuga o ni ahehi a na fanau akoga ma tolatou akoakogia ke fakalelei atili olatou mafai
 - Ko ni koleniga fakapitoa faifai pea mo te kaufaigaluega te fakaleleiga o te kalikalamu ma te iloa i na matakupu kehekehe, ke iei ni faifaiga mo te

fakaaogagia o na gagana e lua, totoka na fakatinoga mo na ahehi ma na metotia akoako fakafaiakoga i loto o na levolo uma

- Ko ni atiakega fakapatino ki te atiake o te mafai ke iloa oi iloilo ma onoono te tulaga o te lelei o na taumafaiga i na levolo uma i te hihitemi
2. Ko te fakamuamua e tuku atu ki te iloiloga ma te toe falietega o na akoakoga i luga o na vahega matutua fakatahi ai ma ni mafaufauga mo:
- Ko te fakanofotonuga o te Kalikalamu i na Tauhaga 9-13 ma te lautele o na avanoa mo na akoakoga e mafai ke maua
 - Ke mauagia ni avanoa ki ni ietahi fakavaka o ni ietahi tuhi pahi e ve ko te tuhi pahi a na vahega matutua i Niu Hila te NZCEA(New Zealand National Certificate of Educational Achievement)
 - Ko te iei o ni fehoahoaniga fakapitoa mo te fakaleleiga atili o faiakoga mo te fakaleleiga o te kalikalamu, na fakatinoga o na ahehi ma na galuega fakafaiakoga
 - Ko te iei o ni hikomaga talafeagai ma lelei mo na fanau i te Tauhaga 9-13
 - Ko ni koleniga faifai pea o kilatou e iei ni iloa fakapitoa fakatetakitaki vena ma te kikilaga o na tautuaga i na vahega matutua
 - Ko te fakatu o he tofiaga Fakatonu mo na Vahega Matutua kae ke iei ni tino talafeagai ma iei na iloa ma te mafai fakatakitaki ke feke e ia na huiga ma na fakaleleiga e manakomia.
3. I he tulaga vave lava, mo Tokelau ke iloailoa ma fakamanino
- Na tiute ma na galuega patino a te Mataeke o Akoakoga
 - Na iloa ma na mafai e manakomia i na tulaga tau takitaki vena na tofiaga e kikila e kilatou na akoga ma
 - Te aotelega o te mafai e manakomia ke mafai ke tuku mai ni akoakoga totoka in a levolo uma, totoka te tulaga o na hihitemi mo te tautaliga atu vena na fekuikuiakiga mo te iloiloga ma onoono na fakatinoga ma na hini ke auhia; ko te iei o ni faifaiga taoga mo te fakaleleiga atili pea o na iloa ma na mafai; vena ma hihitemi totoka mo te fakaleleiga o na tautuaga fakatakitaki vena ma tiute taukikila.

Ko na hitepu ienei e mafai ai e Tokelau ke fatufatu ni akoakoga e:

- Nofo tonu, ma e levolo tutuha e ve ko na tautuaga akoakoga i Niu Hila
- Mafai ai e na fanau ke kilatou auhia ni tulaga maualuga i na akoakoga ma ke mafai ai ke oatu ki ni ietahi akoakoga e ve ko Niu Hila ma Auhetalia
- Hauni totoka ai ia fanau akoga mo ni akoakoga i te lumanaki, koleniga pe ko ni ietahi avanoa mo ni akoakoga vena ma te mauagia o ni galuega
- Fakataunuku ai na fakamoemoega o na matua Tokelau kae maihe kilatou e akoakogia.

Fakatinoga mo te Lumanaki

Kua uma o te tuku atu o na tuhi e te ERO ki na akoga a Tialeniu, Matiti ma Mataualala ma alatou Taupulega mo te fakamateaga o na vaega e holo totoka ma na vaega ke ono fai vave kiei ni fakaleleiga, e ve ona fakatalanoagi ma na puleakoga ma na Taupulega i te fakaikuga o te galuega i luga o na fenua(Kikila ki te Pepa Fakaopoopo 1).

E tuku atu foki e te ERO te lipoti tenei ki na Minihita i te Malo o Niu Hila e i fia fai hao ki na akoakoga ki Tokelau.

E fakafetai atu te ERO ki te Fakatonu o te Mataeke ma te Fono Fakamua mo te avanoa ke fakatino ai tenei iloiloga fakaauau o na akoakoga i Tokelau.

| FAKATUTUGA MAI TE LIPOTI A TE ERO | E VEFEA NA FOLIGA E HOLO TOTOKA TE GALUEGA? | FAKATINOGA | FAKATINO E AI | TAIMI | TAU |
|--|---|---|--|------------------------------------|---------------------------------------|
| 1. Hini Ke Auhia-Takitakiga ma te Pulepulega | | | | | |
| Galuega fakatetakitaki mo puleakoga ma te kaufaigaluega a te Mataeke | Kui mai na ahiahiga ma na talatalanoaga e mafai ke kitea ai na fakafitauli kae maihe na vaega e totoka ke fehoahoani ki na peleniga mo ni fakaleleiga mo te lumanaki. Teu lelei na minute o na fonotaga | Ahiahia ki na akoga ma ke tumau te fakamatea o na fakamoemoega mo te fakatotokaga o na tiute fakatetakitaki o puleakoga Fehili takiala? Ni a ta koe nae fai? He a te lahi o au galuega nae fakatino? He a te tulaga o te lelei o au galuega nae fakatino? | Kaufaigaluega a te Mataeke ma na akoga | Fakatino takitahi i na Teemi Akoga | Fatu ki loto o te paketi a te Mataeke |
| | Manino na akoga ma te Mataeke i te fakatonutonuga ma te holo totoka o na polokalame kae ke na he iei ni afainaga o na polokalame akoako | Fatu he kalena tauhaga mo na aho o na ahiahiga kina akoga | | | |
| | Mafai ke iloa e te kaufaigaluega te tulaga o holo lelei o na peleni ma matau ai foki e kilatou na vaega o te fonotaga e gafa ma kilatou ma ke holotonu ai na fonotaga | Fakatino na fonotaga taki vaaho a te kaufaigaluega ke onoono totoka te peleni tenei. Fakamatea na vaega e holotonu ma na fakafitauli kae maihe ni vaifofo ke fakatotoka ai na galuega a na akoga ma te Mataeke | | | |

| | | | | | |
|--|--|---|---------|---|--|
| | Fakamautinoa na tulaga o na matakupu ka talanoagia ma ke tapena kilatou ka gafa ma ienei koleniga mo te fakahologa totoka o te fonotaga | Peleni lelei mo te fonotaga a puleakoga e fakatino i a Ianuali 2019 ma logo ia Massey ma na akoga ki te tulaga o na matakupu e fia talanoagia | | | |
| | Ke fakamatea pea te taua o na akoakoga i a tekilatou e pulepule Totoka te tautaliga kina fakafitauli tulaki mai i na akoga | Fakatino ni fehokotakiga ma na Taupulega i te taimi o na ahiahiga kina akoga ke fakalelei atili ai te mafutaga kae maihe ko te fakatumau pea o te tulaga o te fakamuamua o na akoakoga | | | |
| | Takimua pea te Minihita i te takiga o na fakaleleiga mo na akoakoga | Fakaauau na hokotaga faifai pea ma te Minihita ke taki mua e ia na manakoga o na akoga ma te fakaleleiga o na akoakoga i Tokelau | | | |
| Atiakega o na tiute pulepule mo na Taupulega ma na Komiti Akoakoga | Totoka te tulaga o te tautali mai a na Taupulega mana Komiti Akoakoga ki te fakamuamua o na akoakoga | Fakaaoga na ahiahiga kina akoga ke feiloaki ai ma na Taupulega ke tuku atu kiei te tulaga o na lipoti o na galuega e fai i na akoga kae maihe na vaega nae gafa ma te Mataeke-Kua iei ni huiga kina taumafaiga a na fanau? Ni a ni peleni ke fakatotoka kafai e iei ni fakafitauli? | | | |
| 2. Mataeke o Akoakoga | | | | | |
| Fakagalue ni kaufaigaluega talafeagai mo te Mataeke | Ke totoka te tulaga o te kaufaigaluega ke tautali atu kina fakamuamuaga ma na manakoga o na akoga ma e fai hao ki te fakaleleiga o na taumafaiga a fanau | Fakatino te polokalame fakamahani a na kaufaigaluega fou ki te Mataeke Tapena lelei na Fakamatatalaga o na Tiute Patino a tagata faigaluega uma Toe fakamanino te tulaga o te fauhaga o te Mataeke ma ke matea na hokotaga Falite he tuhi taki e fakamanino ai na | Mataeke | Totoka mo te taimi nei kae matau na fekuikuiakiga mo te faiga filifilia o ni tofiaga fou ke na he ova atu ma te tolu mahina | |

| | | | | | |
|---|---|---|---------------------|---|--|
| | | tiute o te Mataeke kae maihe na fekuikuiakiga ma na hihitemi mo te fakatelega o na galuega a te Mataeke | | | |
| 3. Hihitemi ma na polihī | | | | | |
| Fakatotokaga o na koleniga mo te hihitemi fakatekonolohi mo te fakamaumauga o na fakamatalaga ki fanau akoga vena alatou maka | Totoka te tulaga o te fakamaumauga o na ahehi kae maihe foki na fakamatalaga ki fanau takitokatahi. | Ke ahia e te kaufaigaluega na akoga ke fehoahoani ki te koleniga o faiakoga mo te fakaaogagia o te Hihitemi o te eTAP Fakatotoka na pepa fakatumu ke fakaaoga e te kaufaigaluega mo te lekotiga o na fuainumela ka ko heki tukua kite eTAP | | | |
| Fakatotokaga o te Hihitemi mo na Ahehi | Ko he koga e fakamaumau ai na fakamatalaga ki fanau ma ke iei ai ma ni fakamatalaga e mafai ke taki kiei ni fakatutuga pe ko ni huiga o na polihī fakateakoakoga. Totoka ai foki ma he ata o te tulaga o te holoholo lelei o na taumafaiga mo te fakaleleiga | Fakatotoka te Kalena mo te fakatinoga o na ahehi fakamua kae maihe te tuku fakatahiga o na fakamaumauga mai na akoga uma Toe ililo na pepa hukega mo te TAPA Ko na ahehi mo na Tauhaga 9-11 kua fakatotoka ma tufa kina akoga Fakatotoka te fakatinoga o te Peleni mo na Ahehi mo te tauhaga 2019-fakatotoka te peleni ke aofia ai na vahega pepe ma na Tauhaga 9-11 | Mataeke ma na akoga | Ianuali 2019 i te fonotaga a puleakoga Ianuali 2019 Tehema 2018 Apelila 2019 | |

| | | | | | |
|--|--|--|---------------------|---|--|
| Fakatotoga o te polihi mo Opotiaga o Tagata Uma ki na Akoakoga | Malamala uma ia tagata ki te fakatelega o te polihi ma ke fakamalohia ai na fanau eiei na manakoga fakapitoa ke oatou kina akoga kae ke vena ma te tapenaga o te kaufaigaluega ka gafa ma te akoakogia o fanau ienei | Ke fakatotoka ma pahia te polihi tenei kua totoka i te tulaga fakaataata i te fonotaga a faiakoga ka hohoko(ke toe ahia i te fonotaga a puleakoga ma te kaufaigaluega hinia i a Ianuali) | Mataeke ma na akoga | Fonotaga a Faiakoga fakatu mo te tukuaga Teemi 3, | |
| Fatuga o ni hihitemi mo na peleniga ma te lipotiga mo te Mataeke ma na akoga | Manino na Taupulega ma na nuku ki te tulaga o te holoholo lelei o na akoakoga. Mafai ai foki ke peleni te kaufaigaluega ki te fakaleleiga atili pe tautaliga ki ni fakafitauli e hula mai | Fakaaoga na fuainumela mai te eTAP mai te 2017ke mafai ke maua ai ni fakamatatalaga fakavae kina taumafaiga a na fanau i loto o na akoga kae maihe ko he ata fakateatunuku ki te tulaga o na taumafaiga a na fanau akoga | Mataeke | Fonotaga a puleakoga i a Ianuali 2019 | |
| 4 Ko na Tautuaga Fakatefaikoga | | | | | |

| | | | | | |
|--|--|--|--|---------------------|--|
| <p>Fakatotokaga o na iloiloga o na taumafaiga a te kaufaigaluega a te Mataeke, na puleakoga, faiakoga ma te kaufaigaluega lagolago</p> | <p>Lelei te fakatinoga o na galuega a faiakoga ma puleakoga vena ma te kaufaigaluega a te Mataeke Mafai ke auhia na hini kautu mo te fakaleleiga o na akoakoga Manino na Taupulega ma na nuku i na fekuikuiakiga e gafa i te onoonoga o na taumafaiga a faiakoga ma na puleakoga Fehoahoani ki te fakataikole o na fakafitauli ona ko te he maina i na takiala o na hihitemi onono venei</p> | <p>Fakataunuku na iloiloga o na puleakoga uma e tuha ai na ma te polihi mo na takiala ma na fekuikuiakiga mo te fakatinoga o te iloiloga a puleakoga</p> <p>Toe lipoti ki na Komiti Akoakoga ma na Taupulega te tulaga o te fakatinoga o te iloiloga o na puleakoga ma fakatotoka ai ma na faiga maliliega mo alatou tiute fakatino</p> <p>Fehokotaki ma na akoga ki te fakataunukuga o na iloiloga o na fakatinoga a faiakoga uma</p> | <p>Mataeke ma na akoga</p> | <p>Tehema 2018</p> | |
| <p>Fakatotokaga o na totogi o faiakoga ki te fakavaka fou o te Haye Group mo na totogi</p> | <p>Maua te agaga fafia e te kaufaigaluega e tuha ai ma te fakatotokaga o na totogi Hikitia ai ma te fia fakaauau pea i na tautuaga fakafaiakoga ma tautali atu ai kina fakafitauli o te taofiofiga mai o te kaufaigaluega</p> | <p>Ke toe ahia te tulaga o te polihi mo te fakatotokaga o na totogi o faiakoga kae maihe na vaega ki te tulaga o tautaliga atu kina manakomga mo na hikitaga taki agai ki te polihi mo te iloiloga o na taumafaiga a faiakoga ma puleakoga</p> | <p>Mataeke ma na akoga, na HR a na nuku ma te malo</p> | <p>Ianuali 2019</p> | |

| | | | | | |
|-------------------------|--|--|-------------------------|--------------|--|
| Fakagaluegia o Faiakoga | Hihitemi totoka ma te manino mo te filifiliga o te kaufaigaluega i he taimi vave | Toe iloilo totoka na fekuikuiakiga mo te filifiliga o kilatou e fakagalue fakafaiakoga, fakatahi ai ma te fakatotokaga o alatou konekalate ke ogatahi ma na polihi a te Mataeke vena te kaufaigaluega tautua. | Mataeke | Ianuali 2019 | |
| | Faiakoga uma ma te kaufaigaluega e lima takitakia e na tulafono. Maua te fakatuatuagia e tagata nuku kae maihe na matua | Fakatotoka te Polihi mo te Fakatonutonuga o na Amioga a te kaufaigaluega ma ke ologatahi ma na takiala a tagata tautua ma na takiala a puleakoga ma faiakoga | Mataeke ma faiakoga | Ianuali 2019 | |
| | Totoka na fekuikuiakiga mo te hakiliga vave o te kaufaigaluega mo na akoga | Fakatonutonu ia puleakoga ma faiakoga hinia i na akoga e tolu ke fakaataata te tulaga o na manakoga o na kaufaigaluega e manakomia mo tauhaga fou uma ma vena ma fai ni malilienga ma puleakoga kina galuega e fia fakahalalau | Mataeke ma na puleakoga | Tehema 2018 | |

| | | | | | |
|---|--|--|-------------------------|--------------------------|--|
| | Totoka te kaufaigaluega mo te tauhaga fou ka havalia ke tautali ki manakoga o fanau ma te akoga | Fakahalalau e te Mataeke na avanoa kae fakatino fakatahi ma na puleakoga pe ko ni hui komiti akoakoga ki te tulaga o te fakatinoga o te faiga filifiliga o faiakoga ma ke fakagalulue loa i he aloakiaga mai na Taupulega pe ko te Fakatonu | Mataeke ma na puleakoga | Tehema 2018 | |
| 5. Na Fakatinoga a Faiakoga | | | | | |
| Atiakega o te iloa ma te mafai o faiakoga | Totoka te tautaliga atu o faiakoga kina koleniga e fakatino kui atu i te totoka o te fakatelega o te kalikalamu ma te hikihiki ki luga o na taumafaiga a fanau | Tulituli te tulaga o te fakatinoga o na peleni galue a na akoga. Kikila totoka kina vaega kua fakatino, pe kua fia foki ni vaega ko heki fakatino, ma matau te tulaga o te lelei na fakatino ai kae maihe kite hao ki te fakaleleiga o na taumafaiga a fanau. Fakailoa kina Komiti Akoakoga te tulaga o na vaega o na fakamatalaga e maua mai na akoga | Mataeke ma na akoga | Temi 1 ma te Temi 3 2019 | |
| | | Fakaauau te iloiloga o te Kalikalamu a na Vahega Pepe, TE TIFA OLA, ma ke kamata na peleni mo te fakatinoga o ni koleniga fakapitoa mo faiakoga ECE ke tautali kite fakatelega o na manakoga | Mataeke | Ianuali 2019 | |

| | | | | | |
|--|--|---|---------|-----------|--|
| | | Fakaaoga na iunite o na galuega ke tufa kina akoga ke fakatino ai te polokalame o te transition | Mataeke | Iuni 2019 | |
|--|--|---|---------|-----------|--|

| 6. Tuhi Pahi mo Faiakoga | | | | | |
|--|---|--|---------|-------------------------------|--|
| Faiga paaga ma ni iunivehite pe ko ni fakalapotopotoga e mafai ke fehoahoani ke maua ni fakailoga o faiakoga | Totoka he takiala manino mo te koleniga o faiakoga ma vena ma te ulu atu ki ni ietahi avanoa ke akoakogia ai ma maua ni tuhi pahi. Totoka ai foki na manakoga mo te kaufaigaluega mo te lumanaki | Fatu ki luga kina taumafaiga ke fakaaoga na faiakoga fehoahoani Tokelau ma fakaaoga kiei ni avanoa ke kui atu ai i te USP ma Massey pe ko hetahi iunivehite talafeagai. Mafai ke fakaaoga kiei te hikimi hikolahipmo ni avanoa akoga ma ke fakamalohia pea kilatou e iei na tuhi pahi ke hikihihi ki luga na tuhi pahi Onoono te iei o ni taumafaiga fakapitoa ke fakatohina mai na faiakoga Tokelau i Niu Hila ma Auhetalia | Mataeke | Ianuali 2019 | |
| 7. Na Lihohi | | | | | |
| Fatuga o na lihohi i te gagana Tokelau ke fakaaoga e na akoga | Totoka ni lihohi i te gagana Tokelau ke fehoahoani ki te akoakogia o te kalikalamau ma vena ona fakamaututu ni faiga ke fatufatu ma fakalauefa ai te hapalai o na lihohi Tokelau mo na akoga | Galulue fakaauau ma te Lift Education mo te fakaliliuga o na tuhi ki te gagana Tokelau Tapena he Takiala mo te Falitega o na Lihohi i te Gagana Tokelau.toe fakafou na lihohi tuai a te Mataeke, fakafehokotaki ia tagata nuku mo ni alatou tuhituhiga pe ko ni hao ki te falitega o ni lihohi i te gagana Tokelau | Mataeke | Novema 2018 | |
| Iloiloga o na lihohi i te gagana Tokelau e talafeagai mo te fakatelega o te kalikalamu mo na vahega pepe, tulaga muamua ma na vahega matutua | Fakamaututu te tulaga o te iei o ni lihohi i te gagana Tokelau ke fakataunuku ai te Polih i mo te fakaaogagia o na gagana e lua kae maihe ko te atiakega o te gagana Tokelau i na vahega pepe ki te Tauhaga 2 | Ke galulue na fakatonutonu o na vahega pepe, tulaga muamua ma na vahega matua ke toe kikila ki te kalikalamu | Mataeke | Fonotaga Faiakoga Temi 3 2019 | |

| 8. Na Hokotaga | | | | | |
|---|---|---|---|---|--|
| Fakamakekega o na hokotaga a na akoga ma na matua | Manino ia matua i na galuega mo te fakaleleiga o na akoakoga | Fehoahoani kina Ahohi a matua ma faiakoga ke fakamanino ni olatou tiute kae maihe ko ni vaega e mafai ke fehoahoani ai kina akoga | Mataeke, na akoga ma na matua | Ahiahiga kina akoga i te Teemi 1 2019 | |
| Fakamakekega o na mafutaga a te Mataeke ma na akoga ma komiti o Akoakoga | Ke tau fai tutuha te tulaga o te tautaliga atu o te mataeke, na komiti akoakoga ki na manakoga o na akoga, tutuha na malamalamaga ma manino na mea e tutupu i loto o na akoga | Ke ahia na Komiti o Akoakoga ma na akoga ma lipoti te tulaga o na fakatinoga i loto o na akoga Fakamanino te tulaga o na tiute patino o na komiti akoakoga ke galulue fakatahi ma te mataeke mataeke ki te fehoahoaniga kina akoga | Mataeke, na akoga ma na Komiti o Akoakoga | Na ahiahiga i na Temi 1 ma te Temi 3 ma ho he avanoa e mafai ke fakatahi atu ki luga o na fenua | |
| 9. Na Akoakoga i na Vahega Matutua | | | | | |
| Fatufatuga o ni faiga paaga maututu ke ke maua ni fehoahoaniga fakapitoa ma ni fehoahoaniga kui i te neti mo na fanau i na vahega matutua | Fakalauaitele ni avanoa akoakogia e mafai ke maua mai i toe falitega o te kalikalamu Mauagia o ni ietahi auala ke fakalauaitele ai na matakupu akoakogia mo na fanau | Fakatino te tulaga o te fehokotakiga o he iunivehite pe ko he fakalapotopotoga e mafai ke tuku mai ni fehoahoaniga fakapitoa mo te fakaleleiga o na akoakoga i na vahega matutua I te totoka ai o te tau o te neti, ke kamata oi fatu ni fehokotakiga ma kilatou e mafai ke tuku mai ni ietahi avanoa mo te fakalauaitelega o na matakupu e akoakogia, te tulaga oalatou kalikalamu e fakaaoga ma te fakatotoka o ni koleniga fakapitoa mo kilatou ka taukavea ienei galuega | Mataeke ma na akoga | Ianuali 2019 Lipoti Mai i te Fonotaga a Faiakoga Temi 3 | |
| Toe kikila totoka ki te kalikalamu ma na ahehi | Fakatotoka he kalikalamu e mafai ke tautali kina manakoga kehekehe o fanau ma ke maua ai ma ni avanoa ke oatu ai mo ni ietahi avanoa akoga | Ke kamata te galuega a te fakatonutonu mo na Vahega matutua ki te kikilaga totoka ki te kalikalamu ma na tulaga o na ahehi Tuku atu ni koleniga fakapitoa mo kilatou e gafa ma na vahega matutua | Kikilaga mamao 2-4 tauhaga | | |
| Koleniga o te kaufaigaluega i ni metotia fou ke tautali atu kina manakoga o fanau i na | | | | | |

| | | | | | |
|---|--|--|--|-------------------|--|
| vahega matutua | | | | | |
| Toe iloilo na galuega fakatino a te Mataeke | Toe onoono te peleni galue a te Mataeke ma toe falite ke tautali kina manakoga fou mo te atiakega o na akoga | Peleni mo he Fono Lahi mo na Akoakoga ke fakahoa te atunuku ki ni vaega ke fakaleeli atili ai na akoakoga kae maihe ko te tautali atuga kina fakamuamua mai te Lipoti a te ERO | | Fepualu-Mati 2019 | Manakoga mo he heleni mai te Malo kafai e totoka te falitega o he peleni fou mo te fakatelega o na akoakoga mo tetahi 4-5 tauhaga ki mua |



PEPA FAKAPIPIKI 5

LIPOTI O GALUEGA FAKAAUAU

FONO FAKAMUA

Novema 2018

Fakaofo

TOKELAU

| | MATAKUPU | PAHINA |
|----|---|---------------|
| | Fakatomuaga | 3 |
| I. | Ikugafono lulai - 2018 A. 17 lulai, Fakaofo B. 19 Aukuho kui i te telefoni C. 19 Hetema kui i te telefoni D. 12 Oketopa kui i te telefoni | |
| II | Lipoti: A. Fonotaga a te Malo Fakaauau i Niuhila, 9 – 13 Hetema B. Fakamatalaga lata mai ki te Polokalame Vaka-ki-Gauta C. Fakamatalaga lata mai ki te Ofiha Fou o Tokelau i Apia D. Tulaga o Galuega i na Mataeke <ul style="list-style-type: none"> • Femalagaakiga • Tautuaga Lagolago | |

FAKATOMUAGA

E tuha ai ma te Vaega 6(7) o te Tulafono Fakavae a Tokelau e manakomia te Malo Fakaauau ke lipoti ki te Fono Fakamua I tana fonotaga ka hohoko, ana fakatinoga ki na galuega e fakatino ai te pule a te Fono Fakamua.

Ko te kautu o te lipoti tenei e fakailoa atu ai ki te Fono Fakamua na ikugafono a te malo na fai e te Malo Fakaauau i te taimi e he nofoia ai te Fono Fakamua.

Ofiha o te Fono a te Malo Fakaauau

I. IKUGAFONO A TE MALO FAKAAUUAU, IULAI - 2018

A. 17 Iulai, Fakaofo

1. PAKETI 2018/2019

Na **matau** e te Malo Fakaauau te fautuaga a te Mataeke o te Tupe ma matau e fakatalanoa auiliili i te Komiti Tupe. Ma na **matau** foki te talohaga tupe mo na Takaloga i te va o fenua vena foki ma te talohaga mai te Teletok.

2. MATAKUPU NA FAKATONUGIA E TE FONO FAKAMUA O MATI

I ni tapenaga mo te Fono Fakamua, na **matau** e te Malo Fakaauau na pepa mo na matakupu ienei kua tuku atu ki te Ofiha Failautuhi ki te Fono Fakamua mo te tufatufaga ki na uhufono:

Polihi Tino Matua
Alauni e totogi i Tokelau
Alauni mo te Tino e he katoatoa te Malohi
Iloiloga o te tau o te nofo i na fale i Lelata
Iloiloga o te tau o na pahehe vaka ma te uta
Tau o te fale e nofo ai i Tokelau mo he taimi e he tumau; ma
Iloiloga o te Takiala Hikimi Hikolahipu

Ma, na **matau** e te Malo Fakaauau kua iei ni talatalanoaga a na Taupulega agai ki na pepa kua tuku atu i luga ma e talanoa auiliili i te Fono Fakamua.

3. IETAHI MATAKUPU MO TE FONO FAKAMUA

Na **matau** ma **lagolago** e te Malo Fakaauau ke tuku atu ki he kikilaga ma te Fono Fakamua na pepa ienei mai na tautuaga i te atunuku:

- 3.1 Hikitiaga ki Tokelau ma te toe tukutonuga o te tautuaga o te Ulu o Tokelau, Fono a te Malo Fakaauau, Fono Fakamua & Taupulega mo te lelei atili o te pulepule
- 3.2 Fakatuga o he Unite mo tautuaga tau tulafono
- 3.3 Fakamatalaga lata mai agai ki te Matagaluega fou mo Huiga o te Tau, Moana ma te *Resilience*
- 3.4 Lipoti ki na Galuega Fakaauau a te Malo
- 3.5 Peleni mo te Pulepulega o Faiga Faiva: Huiga kautu e fautuagia mo te 2019
- 3.6 Unite mo Lihohi Fakatenatula, Fenua ma Fuaga Fenua i loto o te Mataeke o te EDNRE
- 3.7 Tau i Apia mo te Pulepulega o te Otaota mai na Nuku
- 3.8 Kavea ma hui ki te Fakalapotopotoga a te Pahefika i Haute mo Matamataga (*South Pacific Tourism Organisation - SPTO*)
- 3.9 Lipoti Taki Tauhaga o Fakamahinoga
- 3.10 Lipoti mai na Fakatalanoaga a te Mataeke o Femalagaakiga & Tautuaga
- 3.11 Fakamatalaga lata mai ki te Polokalame Vaka-ki-Gauta
- 3.12 Lipoti mai te Vakai o te Ati Tamaokaiga

4 FAKAHOLOGA O NA MATAKUPU A TE FONO FAKAMUA

I ni talanoaga ma te Takitakifono o te Fono Fakamua, ko te Malo Fakaauau na **malilie** ki te fakahologa e ve o na fakapipiki atu.

5. TUHI MAI TE KOMEHINA MAUALUGA O AUHETALIA: FAKALAUEFAGA O TE MALILIEGA FAIFAKATAHI (*DELEGATED COOPERATION ARRANGEMENT - DCA*)

Na **matau** te **toe fakaauau** ma te fakalauefa o te DCA ke afia ai ni fehoahoaniga ki te Ola Malolo.

6. TUHI APALAI KE NOFO TUMAU

Na kikila te Malo Fakaauau ki ni tuhi apalai ke nofo tumai mai te kilatou kua takua i lalo:

- a. Richard Lal ma te kaiga (Lite ma Alice)
- b. Tenali Iosefa

a. *Richard Lal ma te kaiga*

I ni talanoaga lautele, i he matauga o ni huiga mulinei ki na Tulafono o Femalagaakiga fakavaomalo e tuha ai ko na tino e he ni Tokelau kua auhia na tukutukuga o te tulafono nae iei o na ko ni tautuaga. Ko te Malo Fakaauau na:

- i) **matau** na auhia ma fakamaliegia na tukutukuga i lalo o te Tulafono ka ko heki fakamaonia na huiga kua iei nei ki te tulafono;
- ii) **fakatonu** ke ahia ia Professor Tony Angelo mo he fautuaga ka ko heki fakatotoka he tonu ma te Malo Fakaauau.

b. *Tenali Iosefa*

I he matauga ko te tino apalai ko he Tokelau kae kua apalai o na na fanau i Fiji. I he matauga foki ko te tino apalai kua hilia te 30 tauhaga talu te nofo i Nukunonu, ko te Malo Fakaauau na:

- i) **matau** kua fakamaliegia na tukutukuga uma i lalo o te tulafono;
- ii) **talia** ke kavea ma tino nofo tumau;
- iii) **matau** e tuku atu he pemita kafai kua totogi te tau o te pemita.

7. LIPOTI

Na **matau** e te Malo Fakaauau na lipoti ienei:

- i) Fakahetonu o te Eletihe

- ii) Lipoti mai te auai a te Ulu o Tokelau ki te 8 o Fonotaga o te Fakalapotopotoga o Takitaki o Polinehia

Pepa Fakapipiki 1

KOMITI O TE TUPE

18 Iulai 2018

FAKAHOLOGA O NA MATAKUPU

1. Fakatu mo te Paketi 2018/2019 e afia ai:

- 1.1 Takaloga 2018
- 1.2 Talohaga Tupe mai te Teletok

FONO FAKAMUA

19 – 20 Iulai 2018

FAKAHOLOGA O NA MATAKUPU

1. Lipoti o na galuega fakaauau a te Malo - *Malo Fakaauau*
2. Lipoti o fagotaga - *Ulu Fakatonu*
3. Tupe Fakaopoopo mo te fenua lihi ma te tupe tino matua - *Taupulega Atafu*
4. Iloiloga o na tau o na fale I Lelata - *Mataeke o Femalagakiga & Tautaga Lagolago*
5. Iloiloga o na tau Pahehe Vaka ma na Uta - *Mataeke o Femalagakiga & Tautaga Lagolago*
6. Iloiloga o na tau o na fale nonofo I Tokelau - *Mataeke o Femalagakiga & Tautaga Lagolago*
7. Fehoahoaniga mo kilatou e he katoatoa te malohi – *Mataeke o te Ola Malolo*
8. Toe fakaheke o na tautuaga I Lomaloma - *Taupulega Atafu*
9. Peleni a Tokelau mo te Pulepulega o na fagotaga o te Hone: Fakafouga o te Peleni 2019 - *Mataeke o Pulepulega o Fagotaga*
10. Paketi Tupe 2018/2019 – *Komiti o te Tupe*
11. Polihii Hikolahipii - *Mataeke o Akoakoga*
12. Polihii e totogi ai te Penihione & Fakatagaga - *Mataeke o te Tupe*
13. Alauni e totogi I Tokelau - *Malo Fakaauau*
14. Vaevaega o te Paketi Tupe a Tokelau - *Taupulega Atafu*
15. Komiti Tupe - *Taupulega Nukunonu*
16. Fakaheke te tauhaga litaea o na tino faigaluega ki te 60 tauhaga - *Taupulega Fakaofo*
17. Feagaiga Fakavaomalo I te Fakahaaga o na mea taua Faka Niukilia - *Malo Fakaauau*
18. Fonotaga a te Komiti o te Tulafono - *Malo Fakaauau*
19. Tapunia o he Fenua - *Taupulega Nukunonu*
20. Hikitiaga o te kaufaigaluega tautua Apia ki Tokelau - *Komehina o te Kaufaigaluega*
21. Fauga o na Tautuaga ki te Ulu, Malo Fakaauau, Fono Fakamua ma na Taupulega mo te Pulepule Lelei Atili – *Komehina o te Kaufaigaluega*
22. Fakavaega o he Ofiha o Loia mo Tokelau - *Komehina o te Kaufaigaluega Tautua*
23. Fakatulaga fou-Minihiteli o te Tau,Moana ma Malohiaga ma na Mafai(Nafatiaga Tologa)MiCORE Tokelau-*Minihita o te MiCORE e aofia ai ni talatalanoaga vavalalata ma te ofiha o te Komihii*
24. Lala o te Koa o te Natula - *Mataeke EDNRE*
25. Pule Fakahoa mo te Ofiha o te Malo Fakaauau - *Taupulega Atafu*

26. Tokelau ke kavea ma hui ki loto o te Fakalapotopotoga mo Tulihi a te Pahefika Sautē - *Mataeke EDNRE*
27. Na tau mo te Pulepulega o te Lapihi - *Mataeke EDNRE*
28. Lipoti Tauhaga mo na Fakamahinoga a Tokelau - *Malo Fakaauau*
29. Lipoti mai te Polokalame Vaka-Ki Gauta - *Mataeke Femalagakiga*
30. Lipoti ma te Vakai o te Ati Tamaokaiga muamua a Tokelau - *Mataeke EDNRE*
31. Fale Meataulima Tokelau i Apia ma te komiti aoao a Tokelau mo na Meataulima - *Mataeke EDNRE*
32. Lipoti o te Hitati mo te fakaaogaga o he fenua i Samoa mo te atiakega o te tamaokaiga - *Mataeke EDNRE*



B. 19 Akuho 2018

1. TALOHAGA MO HE FAKATUPEGA: TAVALE FOU MA NA TAUTUAGA TAU OLA MALOLO I APIA

Matakupu: Talohaga mo he NZ\$60,000 mai te fakatupega NZ\$600k mo galuega lalahi e ve o na fakavahega e te Fono Fakamua ki te kikilaga a te Malo Fakaauau. Ko te mafuaga o te talohagaga tupe ke toe fakafou te *van* e fakaaoga e na tautuaga tau ola malolo i Apia o na ko te *van* e iei nei kua hilia i te 10 tauhaga te matua.

Na **matau** e te Malo Fakaauau:

- i) ko te *van* e iei nei kua hilia i te 10 tauhaga te matua;
- ii) ko te tau matemate o he tavale fou e tuha pe ST\$80,000;
- iii) e ono i lalo ifo i te aofaki kua talohaga te tau kafai e mafai ke fakatau kae he totogia he tiute;
- iv) pe hea lava he tupe e maua i te toe fakatau kehe o te tavale e iei nei e opotia lava ki loto o te tupe maua a te malo; ma
- v) ko te itukaiga tavale fou e fakatau ko he *van* lava.

I he matauga o na vaega kua takua i luga, ko te Malo Fakaauau na:

- i) **matau** te manakoga lahi ke fakafou te *van* e iei nei mo te haogalemu o na tauale vena foki ma te kaufaigaluega e tautua kiei;
- ii) **malilie** ke fakatupe he *van* fou i he tau matemate e ST\$80,000 (NZ\$50k);
- iii) **fakatonu** te
 - a. OCOG ma te Tupe ke fehoahoani ki na fefaiakiga ke heai he tiute e totogia;
 - b. Tautuaga Lagolago ke fehoahoani i te fefaiakiga o te toe fakatau kehe o te *van* e iei nei.
- iv) **toe fakamalohia** ko te tavale mo tautuaga tau ola malolo i Apia e patino ki te fekavefakiga o na tauale.

2. KAVEA IA TOKELAU MA HUI KI LOTO O TE FAKALAPOTOPOTOGA MO TULIHI A TE PAHEFIKA I HAUTE (SPTO)

Matakupu: Hakili fakatagaga mai te Malo Fakaauau ke kavea ia Tokelau ma hui ki loto o te SPTO.

I he kikilaga ki te matakupu na fakahula ai ni popolega o ni hui o na ko te matakupu tenei kua patino kiei he tonu fai a te Fono Fakamua talu ai ke fakatalanoa na nuku ka ko heki fakamautu he tonu a te Fono Fakamua.

Ko te Malo Fakaauau na:

- i) **matau** na manino te fakatonuga a te Minihita ki te fakatonu ke fakatalanoa muamua na nuku;
- ii) **tolo** te matakupu ke fakataunuku te ikuga fono a te Fono Fakamua; ma
- iii) **fakatonu** te kaufaigaluega ke fakamautinoa e he toe tutupu he tulaga venei i te lumanaki.

3. VALAKAULIA KE MALAGA KI NIUHILA

Matakupu: Pe malaga uma na hui i te Malo Fakaauau ki Niuhila i te valakaulia a te Ulufakatonu ki te Ulu o Tokelau ma o na hoa Faipule.

Na **matau** e te Malo Fakaauau:

- i) te valakaulia ma te ofo a te Ulufakatonu ke tukufakatahi e ia he malaga ki Niuhila kautu ki te fakamakekega atili o te hokotaga i te va o Niuhila ma Tokelau ma ke iei ni talatalanoaga a na takitaki o Tokelau ma na fakalapotopotoga ma na matagaluega a Niuhila e fakamakeke e te Ulufakatonu ke hokotakuau ma Tokelau;
- ii) e afia i te ofo te fakatupegaga o te malaga a te Ulu o Tokelau ma ni o na hoa i e toka lua mai te Malo Fakaauau;
- iii) e afia foki i te malaga tenei ni fonotaga ma ni matagaluega ma ni minihita kehekehe o te malo ma e ono maua foki he avanoa pukupuku ma te Palemia; ma
- iv) i he tagaki ki te Kalena, vagana ai te Fonotaga a na Fenua o te Pahefika i te kamataga o te mahina ma na tafaoga a te kautafafao i te fakaikuga o te mahina, e avanoa te mahina o Hetema mo na hui i te loto o te Malo Fakaauau.

Na **malilie** te Malo Fakaauau ke talia te valakaulia ma te ofo mai te Ulufakatonu ma ke fakataunuku te vaega tenei i te vaiaho o te aho 10 Hetema.

Fakatahi ai, i he matauga manino ko te Malo Fakaauau e toka 6 e ui e he he tulaga faigofie te tokehea ho o na Pulenuku mai luga o fenua, na **malilie** te Malo Fakaauau ke malaga uma na hui; ma **fakatonu** ke tapena ma tuku atu he tuhi i he taimi vave ki na Taupulega ke fakailoa te mafuaga o te malaga.

Na **matau** foki e te Malo Fakaauau ko na tau e he fakatupegia e Niuhila e afaina ai te paketi o galuega mo te OCOG.

4. TAUTUKUGA O TE FAKATAUNUKUGA O NA TONU FAI A TE FONO FAKAMUA

Na **matau** e te Malo Fakaauau te tulaga kua iei ai na galuega mo te fakataunukuga o na ikuga fono a te Fono Fakmua 2018 ma i he tulaga venei, na **fakaleo** te agaga fakamalo ki na Minihita ma te kaufaigaluega. Fakatahi ai ma he **toe fakamakeke** a te Malo Fakaauau ki na Minihita ma te kaufaigaluega ke fakamautinoa e fakaauau pea te fakataunukuga.

5. TALOHAGA KE KAVEA MA TINO NOFO TUMAU I TOKELAU I LALO O TE TULAFONO O FEMALAAKIGA 1991

Matakupu: Hakili pahiaga ke kavea ma tino nofo tumau i te kua maua o he fautuaga, e ve o na talohaga kiei, mai a Professor Tony Angelo.

Ko te Malo Fakaauau na:

- i) **matau** te fautuaga mai a Prof Angelo na auhia e te tino apalai na tukutukuga o te tulafono i mua atu o na huiga mulinei ki te Tulafono o Femalaakiga;
- ii) **talia** te apalai a Richard Lal, to na tokalua kia Lite Lal ma te la afafine kia Alice Lal ke kavea ma tino nofo tumau; ma
- iii) **malilie** ke tuku atu kiei ni pepa fakamaonia.

Fakatahi ai, i he matauga e iei foki ietahi kaiga venei i luga o na nuku kua auhia e latou na tukutukuga nae iei o te tulafono ma i mua atu foki o na huiga ki te tulafono, ko te Malo Fakaauau na:

- i) **malilie** ke fakamalohia na nuku ke tuliloa ki latou ienei ke tuku atu kiei he avanoa ke fakataunuku foki he vaega venei ka ko heki pa atu ki te fakaikuga o Iuni 2019

6. KAVEA MA HUI I LOTO O TE FAKALAPOTOPOTOGA A AHIA-PAHEFIKA MO TE OLA MALOLO MA TE HIKOHIKOMAGA

Matakupu: Hakili fakatagaga ke kavea ia Tokelau ma hui ki loto o te Fakalapotopotoga a Ahia-Pahefika mo te Ola Malolo ma te Hikohikomaga.

Ko te Malo Fakaauau na:

- i) **matau** e heki kuia na auala mahani ma e heki fakatalanoa ia Niuhila ki te vaega tenei e ve o na manakomia e na Taki mo te Faigapaaga; ma
- ii) **fakatonu** ke mulimuli taki ki na auala mahani ma ke galulue fakatahi te Faufautua Tulafono ma na mataeke o te Ola Malolo ma te Hikohikomaga i te fakatotokaga o te vaega tenei.

7. TUHI MAI TE ULUFAKATONU: TUPE TAUHI 2018/2019

I te kua maua o te tuhi e fakailoa ai te levolo o te tupe tauhi, ko te Malo Fakaauau na:

- i) **matau** te tuhi; ma
- ii) **malilie** ke toe fakatalanoa na vaega e takua i te tuhi ma te Ulufakatonu i te malaga a te Malo Fakaauau e loma nei mo Niuhila.

C. 19 Hetema 2018

1.1 TAKALOGA A TE VA O FENUA & TUHI MAI TE TAUPULEGA O ATAFU

I he matauga ko na takaloga e peleni nei ke fakataunuku i Fakaofo i te aho 25 Hetema ki te aho 3 Oketopa, na tuku atu ai e te Minihita e gafa ma na takaloga ni fakamatalaga e tuha ai ko na tapenapenaga kua iei e aofia ai te fakafanoga o te paketi na maua mai te Fono Fakamua mo na takaloga.

I he matauga o te vaega kua takua i luga, na kavea foki te avanoa e te Malo Fakaauau ke talia aloakia ai he tuhi mai te Taupulega o Atafu e fakailoa mai ai tana tonu fai ke he auai ki na takaloga o na ko ni popolega tau ki te ola malolo.

Ko te Malo Fakaauau na:

- i) **matau:**
 - a. ko te fakatupega mai te Fono Fakamua mo na takaloga kua uma te fakaaoga;
 - b. ko te malaga a te vaka e tautua ai na takaloga e peleni nei ke teka kehe i te taeao nei;
 - c. kua lahi foki na fakatupega ma te taimi o na nuku kua fano ki na tapenapenaga mo te vaega tenei; ma
 - d. e heki fakailoa pe fakahula e te Mataeke o te Ola Malolo ni popolega e iei he famai e peehi.
- ii) **matau:**
 - a. e fakaaloalogia pea na tonu fai a te Taupulega; ma
 - b. e manakomia ke fakamautinoa e iei he lagolago pe he fehoahoaniga ki na Taupulega e tolu mo he faiga tonu fakatahi
- iii) **malilie:**
 - a. ke fakaauau pea na peleni mo na takaloga i te va o fenua; ma
 - b. ke kave he tuhi ki te Taupulega o Atafu mai te Malo Fakaauau, i te haini o Ulu o Tokelau, e atafia ai te tonu a te Malo Fakaauau ma hakili atu kiei hana fakamanuiaga.

D. 12 Oketopa 2018

1. LIPOTI MAI NA TALATALANOAGA A TE MALO FAKAAUUAU I TANA MALAGA KI NIUHILA

Na kikila te Malo Fakaauau ki he fakaataataga o he lipoti mai ana talatalanoaga i Niuhila, 10 – 11 Hetema. I ni talanoaga lautele, na **malilie** te Malo Fakaauau ke tuku atu te lipoti, e ve o na fakapipiki atu i tua, ki te Taupulega ma te Fono Fakamua mo he matauga.

2. LIPOTI A SIR RONALD YOUNG REPORT

Na matau aloakia e te Malo Fakaauau te kua maua he kopi o te lipoti a Sir Ronald Young e ve o na fakatonugia e te Fakamahino Hili o Tokelau. E aofia i te lipoti, fakatahi ai ma ni etahi vaega, he iloiloga lautele o na manakoga o te hihitemi o fakamahinoga i Tokelau. I ni talatalanoaga mulinei i te va o te Malo Fakaauau ma Sir Ronald Young i Niuhila i te kamataga o Hetema, na fakailoa ai e te Malo Fakaauau e tuku atu kia teia ni lagona o Tokelau e tuha ai ko tana lipoti ma ana fautuaga kafai kua totoka ni talanoaga fakalotoifale a Tokelau.

I ni talanoaga lautele, ko te Malo Fakaauau na:

- i) **matau** ko:
 - a. heki tuku atua aloakia kia Sir Ronald Young ni lagona mo Tokelau e tuha ai ko tana lipoti;
 - b. ko heki tukua aloakia foki te lipoti ki te Taupulega pe ko te Fono Fakamua ma ko heki iei foki he avanoa e tuku kiei ke tuku mai ai ni lagona agai ki na vaega e hula i te lipoti;
 - c. na auai atu ia Sir Ronald Young ki he fakatahiga fakaakoakoga o Fakamahinoga a Tokelau [na nofoia i Fakafo] kae e heki malaga atu ki Atafu pe ko Nukunonu;
 - d. ko na matakupu e manakomia ai he lagona mai te Taupulega ma te Fono Fakamua e lahi kaiga ki te fautuaga ke hui na igoa o na tofi Komehina o te Tulafono ma te fakatapula e iei ai o latu mafai ma e aofia ai te levolo o na fakahalaga;
 - e. e ono he talafeagai mo Tokelau ni vaega o na fautuaga o te lipoti ma hove ko he vaega tenei e mafua mai i te he lahi o he malamalamo o Sir Young agai ki Tokelau
 - f. ni vaega kua tutupu pe ni fakamatalaga patino ki he nuku, i he matematega ko na fakamatalaga ienei na maua e ia kui mai i na Lipoti Takitauhaga o Fakamahinoa a Tokelau;
 - g. ko ni akoakoga fakaauau mo te atiakega o te mafai o na Komehina Tulafono ko he galuega fakaauau; ma
 - h. ko ietahi fautuaga a te lipoti e ve ko he polokalame fai hoa (*mentoring*) i he fehoahoaniga mai Niuhila ma te toe ahia te *Bench Book* mo na Komehina o te Tulafono ko ni vaega kua i loto o te Polokalame Galue a Fakamahinoga a Tokelau mo te lua tauhaga e fakahavali nei.
- ii) **malilie** ke tuku atu te lipoti tenei ki te Taupulega ma te Fono Fakamua mo ni lagona aloakia, e tuha ai ko na vaega kua hula i te lipoti ma e afia ai na fautuaga e mafai ke fakataunuku ma na fautuaga e he talafeagai mo Tokelau.

3. NA AHO O TE FONO FAKAMUA KA HOHOKO

I he matauga ko na nuku nae taomia i na mahina nei i na tapenapenaga mo na tafaoga i te va o fenua, te ahiahiga a Minihita Faafoi vena foki ma te Aho Ha Paepae o Fanau ma i he matauga foki

i te Kalena o Galuega 2018 ko te Fono Fakamua ka hohoko na tuku e nofoia i te fakaikuga o Oketopa, na **malilie** te Malo Fakaauau ke tolo te Fono Fakamua ki te vaiaho o te aho 5 Novema.

4. TUHI MAI TE OFIHA O TE ULUFAKATONU: *OPERATION CALYPSO*

Na **matau** e Malo Fakaauau he tuhi mai te Ofiha o te Ulufakatonu e fakailoa mai ai ko te HMNZ Otago e eva i loto o te Hone o Tokelau mai te aho 14 – 18 Oketopa mo te tautukuga o te Hone. Ko te galuega tenei ko he vaega o te *Operation Calypso*.

Ma na **matau** foki e te Malo Fakaauau kua iei foki he tuhi kua tuku atu ki na Taupulega e hakili fakatagaga ai mo te HMNZ Otago ke hao atu ki loto o te Tai Takamilo o Tokelau (*Tokelau Territorial Seas*) i tana galuega lava ma te piliota kua takua i luga.

5. AHIAHIGA A TE KAIGA TUPU KI NIUHILA – VALAKAULIA KE AUAI ATU KIEI IA TOKELAU

Na fakaoga te avanoa e te Ulu o Tokelau ke fakailoa ki te Malo Fakaauau he valakaulia kui mai i he imeli mai te Ulufakatonu ke auai he hui mo Tokelau ki te talia aloakiaga o te malaga a te *Duke and Duchess of Sussex [Prince Harry ma to na tokalua]* ki Niuhila. Ko te vaega tenei e loma nei mo te Aho Ha, 28 Oketopa i Ueligitone.

I he matauga ko te vaega tenei e tutupu tonu i te taimi o tapenapenaga mo te Fono Fakamua ka hohoko, i ni talanoaga lautele, na **malilie** te Malo Fakaauau ke fakatalanoa te Toeaina Pio Tuia, meamanu ei Niuhila i te taimi nei, pe avanoa ke kavea ma hui o Tokelau. Ma na **malilie** foki, kafai e vehea e he avanoa te toeaina, ke toe fakailoa mai ki te Malo Fakaauau mo hetahi kikilaga.

6. PEPA FAKAMATALAGA

Na kavea te avanoa e te Malo Fakaauau ke matau na pepa fakamatalaga ienei mai te Minihita mo na Huiga ki te Tau:

- 6.1 Fale patino mo te Tautukuga o te Tau (*Automatic Weather Station - AWS*); ma
- 6.2 Hapalai mo na Fakalavelave Fakafuaheki.

Ma na **matau** e te Malo Fakaauau:

- i) kua iei he tonu fai ma te Taupulega o Nukunonu pe fakatu kifea te pou e manakomia i Nukunonu mo te AWS;
- ii) te talohaga mo he fehoahoaniga mai na hui ki te Malo Fakaauau mai Atafu ma Fakaofo mo te fakatotokaga o he tonu a na Taupulega o Atafu ma Fakaofo pe fakatu ifea a latou pou; ma
- iii) ko na puha hapalai mo na fakalavelave fakafuaheki mo Atafu ei Apia nei e fakatalitali mo te momoli maiga ki luga o fenua.

II. LIPOTI

A. FONOTAGA A TE MALO FAKAAUAU I NIUHILA, 9 – 13 HETEMA

I tua mai o te tuhi a te Ulu o Tokelau ki na Taupulega ke fakailoa ai he malaga a te Malo Fakaaauau mo ni fonotaga ma ni matagaluega kehekehe a te Malo o Niuhila, o na ko ni mafuaga e he makalohia, na ko na hui ienei na fai malaga:

Ulu o Tokelau, Faipule Afega Gualofa
Faipule Keli Kalolo
Pulenuku Fano Mativa
Faipule Siopili Perez
Pulenuku Petelo Patelesio

Na kautu te malaga ke fakaatili makeke te hokoga i te va o Niuhila ma Tokelau kui i ni hokotaga fakaaauau i na levolo uma – pulepulega, taukilaga ma fakatinoga – o te malo. E fakapipiki atu i tua he kopi o te polokalame o na fonotaga.

Kua tuku atu i lalo he kotokotoga o na fonotaga takitahi:

PM JACINDA ARDERN & MINIHITA KRIS FAAFOI

E ui na pukupuku te fonotaga, nae he fonotaga fakafiafia loto. Na kavea te avanoa ke fakahula ni matakupu e ve ko femalagaakiga i he vakalele; na galuega faifakatahi ma na tautuaga a Niuhila mo akoakoga, ola malolo ma leoleo; ma te manakoga ke toe ahia na Taki o te Faigapaaga (*Principles of Partnership - PoP*).

Na fakaali te agaga fiafia ma te lagolago a PM Ardern mo na galuega kua fakatino i na vaega kehekehe ienei. I hana matauga kua leva te he toe iei o he hao mo te fakalapotopotoga a te VSA i Tokelau, na iei ai hana fakatonuga ke toe fakaolaola te tautuaga tenei i luga o fenua. Ma, na fakahula foki e ia e fia ia kitea ni hui fakaopoopo mo te itupa o fafine i loto o te Fono Fakamua ma na fakahula foki e ia e ono iei he hihitemi mo he fehoahoaniga venei.

Na iei foki he ofo a PM Ardern ke ahiahi atu ia ki Tokelau. E ui ko he vaega venei e fuafua lava pe avanoa na aheta a Niuhila e ve ko na manuao, i te kua fakahula he malaga venei ma ia e te Palemia, e talitonu ko na matagaluega talafeagai uma a te malo o Niuhila kua kamata a latou peleniga ke fakataunuku te malaga tenei.

Na fakahula foki e Minihita Faafoi ko ia e kikila fiafia ki tana malaga ki Tokelau. Na fakahula foki e te Palemia kua katoa nei he 14 tauhaga fatoa toe iei he malaga a he minihita ki Tokelau.

Ke matau: He faiga gali ke kamata kikila ki ni galuega pe ni vaega o na atiakega – i na nuku takitahi pe ko te atunuku foki – e mafai ke fakamatea pe fakailoga ai te malaga a te Palemia.

TALANOAGA I HE TULAGA MAUALUGA I TE VA O TOKELAU & NIUHILA

Na patino na talanoaga pe hea he tulaga pito hili o na lelei ke galulue fakapaaga ai ia Niuhila ma Tokelau ke fakataunuku ai na manakoga ma na fakamuamuaga. Na takua e Niuhila e manakomia ke manino te lea a Tokelau pe hea tonu te manakomia mai Niuhila ke tautali ai na fakamuamuaga.

I na talanoaga lautele, na fakaleo e Niuhila ko na vaega e fia kikila patino kiei, i tana kikila ma ko na vaega ia na fakavae kiei na fonotaga o te vaiaho nei ko te pulepule lelei, akoakoga, ola malolo

ma na matakupu ko heki totoka ma te Huketuhi Hili. I te itu ki te pulepule lelei, na toe fakaleo te takutinoga a Niuhila ke lagolago ki na galuega i te vaega tenei mae ko te tulaga maualuga e manakomia e ia mo Tokelau, ko te tulaga foki ia e manakomia mo Niuhila foki lava. Ko na vaega taua mo akoakoga ma te ola malolo e afia ai te fakaleleiga atili o te tulaga o na itukaiga koohi kamata e mafai e he fanau nofo akoga ke kave i Tokelau ma te manakoga ke fakalelei atili te kikilaga o te Hikimi Tauale Hikitia.

Na toe fakaleo e Niuhila tana takutinoga ki Tokelau e tuha ai ko te tautaliga o na huiga ki te tau. E fakaauau pea te tautuaga a Niuhila ke fakamautinoa e iei he leo mo Tokelau i na fonotaga a te lalolagi kui i ni avanoa ke iei ni hui mo Tokelau i na kaufono a Niuhila ki na fonotaga talafeagai. Na fakailoa foki, e peleni nei he fakahalalauga a te Palemia e tuha ai ko he fakatupega e NZ\$9m kua fakavahega patino mo na Huiga ki te Tau. Ko he manakoga mo na fehoahoaniga tau tupe uma, e manakomia ke iei he tuhituhiga fakapihinihi (*business case*) e malohi, e manino ma e katoa ai he kikilaga pe tatau pe he tatau o na iei he fehoahoaniga. I he tulaga venei, e fiafia lahi ia Niuhila ke fehoahoani ki Tokelau ki te falitega ma te tukufakatahiga o he fakatu o ana fakamuamuaga ma na tau o na fakamuamuaga ienei ki te vaega heleni tenei.

Na fakaleo e Tokelau e he lava te kaufaigaluega ma na lihohi e maua e te mataeke mo na huiga ki te tau. E manakomia i he taimi vave ke atiake te mafai. I te itu ki te pulepulega, e manakomia ke kikila patino ki na vaega e katoa ai te 'lelei' o te pulepule lelei. He vaega taua e atafia, fakaolaola ma e taofi mau ki na tu ma na aga ma e manakomia ai he taki mai na tamana ma na matua matutua.

Na fakaaoga te avanoa e Niuhila ke tuku mai ai ni fakamatalaga lata mai e tuha ai ko tana *Polihi mo na Fenua i te Kaiga o Fenua o Niuhila* (*Realm Policy*) e tuha ai ko tana takiala e takua ko te *Pacific Reset* (toe tuku tonu ana hokotaga ma te Pahefika). I he tulaga venei, e galulue nei ki he pepa mo te kapineta a Niuhila e afia ai he fautuaga ke toe fakafou tana fakatonuga ki na minihita ma matagaluega uma i Niuhila ke galulue fakatahi i te tukuatuga o na fehoahoaniga ki na fenua i loto o te kaiga o fenua ma Niuhila ft. Tokelau, Niue, Atu Kuki. Ko he avanoa foki tenei ke atiake ai te iloa lautele ma atili malamalamā ai foki o na matagaluega a Niuhila ki te tiute o Niuhila ki na fenua ienei. I he tulaga venei, e ono fakavae ai foki he fakatupega fakapitoa ke fehoahoani ki na matagaluega a Niuhila ke fakatino ni fehoahoaniga, e afia ai ni koleniga o ni hui o te kaufaigaluega a Tokelau i loto o na matagaluega a Niuhila. Na takutino foki e Niuhila ke toe kikila ia ke toe fakaolaola tana hihitēmi nae iei mo fanau Tokelau e faigaluega mo te malo o Niuhila ke omamai tautua ki Tokelau kae avanoa pea a latou galuega i Niuhila kafai e toe foki atu te fanau ki Niuhila.

I te itu ki na fehoahoaniga tau tupe ki Tokelau, ko te matematega e iei nei mo te 3 tauhaga kua fakahavali nei e tuha e NZ\$57.64m ma e aofia ai na fehoahoaniga kui i na fakalapotopotoga i fafo o na malo e lua. Fakaopoopo ki te aofaki tenei ko he fakatupega fakapitoa e NZ\$29.06m kua fakavahega mo te uea toho i te moana ma te polokalame vaka-ki-gauta. Kua fakapipiki atu he kotokotoga o te teutuhi kua matemate mo te 3 tauhaga tenei. Mo te tauhaga tupe tenei, 2018/2019, kua fakavahega kie i he vaega o te teutuhi e venei:

- | | |
|---|---------|
| • Tupe tauhi: | \$11.0m |
| • Konekalate ft Massey (akoakoga), faiga faiva, mtm | \$ 2.6m |
| • Fakamuamuaga kua fakamatea ma malilie na itu e lua kie: | \$ 2.6m |

Na matau e na talatalanoaga ko te teutuhi katoa ei he tulaga matemate. E ui ko te manatu ke fakaaoga te lahiga i na tauhaga muamua o te 3 tauhaga, na matau foki e na talatalanoaga kafai kua tali pa ki te fakaikuga o te 3 tauhaga e foliga mai e ono he uma, e iei lava te avanoa ke talatalanoa pe vehea he faiga ke mautinoa ai e maua e Tokelau te aofaki tenei.

Mo Tokelau, na lahi he malamala na maua o na ko te lahi o na aofaki matemate nae fakalele. Lautele, e foliga mai ko he tulaga lelei te iei ai nei na fehoahoaniga ma kua atili manino ai foki ki na mafaufauga o Niuhila e tuha ai ko tana fooki. Ko he manatau, ko he taimi lelei tenei ke iei ni talatalanoaga fakalotoifale pe ko nia na atiakega lalahi ke fakamuamua mo te 4 tauhaga e fakahavali nei ma malilie ki te fakataunukuga. Na logotonu ma fakafafia loto foki e tuha ai ko te fakailoa mai e iei lava te avanoa ke toe tukutonu he vaega o te fakatupega tafapili ki te fakaikuga o te 3 tauhaga kae ke auhia pea e Tokelau te aofaki o te teutuhi kua iei nei mo te 3 tauhaga.

Na fakaaoga e Tokelau te avanoa ke fakafehili ki Niuhila pe hea he lagona kafai ia Tokelau e apalai ke kavea ma hui katoatoa ki te Fakalapotopotoga o na Fenua o te Pahefika (*Pacific Island Forum*). Ko te tali mai a Niuhila, ko te tonu e gafa ma te fakalapotopotoga kae e nofo tapena ia Niuhila ke lagolago kafai ia Tokelau kua tapena. E taua lahi ke auai ia Tokelau ki na fonotaga a te fakalapotopotoga, ke kitea ma atili fakamakeke ana hokotaga ma latou e auai – fenua ma fakalapotopotoga.

Na fakaleo i na talatalanoaga te manakoga ke fakavae aloakia ni talanoaga i he tulaga mauluga venei (Malo Fakaauau) ke fakatino taki 3 tauhaga. I loto o te 3 tauhaga, ke fakaauau pea na talanoaga i te va o te kaufaigaluega ma / pe ko te Ulu o Tokelau ma na minihita takitahi. Ma, na fakaleo foki e na talanoaga te fakamoemoe ke toe ahia te Takiala mo te Faigapaaga ma ke fakaliliu ki te gagana Tokelau.

PULEPULEGA

Na fakailoa e Niuhila na iei ni talanoaga mulinei ma ia te Pule o te UNDP i Apia. Na fakailoa ai e te UNDP ko latou e nofo tapena ke takitahi te nuku ma he tino ke fehoahoani ki na galuega mo te pulepulega.

Na matau e na talatalanoaga te iviivinaki ma te manakoga ke galulue fakatahi ia Niuhila, UNDP ma Tokelau i te fakatinoga o na galuega mo te pulepule lelei. Na matau foki e na talatalanoaga e taua lahi ke fakamautinoa e hologa lelei te fakafoega o te galuega tenei.

I ni talanoaga patino ki na vaega kehekehe o te pulepulega o na tautuaga fakamua ma te fakatinoga o na galuega, na fakamatea ai na vaega ienei:

Tautuaga Fakamua

- He polokalame fehoahoani mo te Komehina o te Kaufaigaluega ma te Kaufaigaluega Hinia;
- Ke iei he galuega ma te Komehina ke iei ni fauhaga manino mo na mataeke takitahi e fakamatea mai ai foki te hokotaga o na mataeke ma te fakataunukuga o na tautuaga
- Ko na nuku ko te fakavae ia mo te fakataunukuga o na tautuaga
- Ko na fakatonu ke i luga o fenua ke faufautua ki na Taupulega, te Pulenuku ke patino hako hana kikilaga ki na atiakega a te nuku kae ko te Faipule ke kikila patino ki te va ki fafo
- Matakupu tau ki te malohiaga o te kaufaigaluega – ke fakataunuku te lahiga o na koleniga i luga o te galuega i lo te kave ki fafo
- Toe fakaolaola na hokotaga ma na tautuaga a te VSA

I he kikilaga lautele, na matau e ui e iei na fauhaga i Tokelau, e manakomia ke fakalei atili. E manakomia ke taki e Tokelau te galuega tenei ma mo he agai ki mua, e iei te avanoa ke fakakaiga na manatu pe ko na lagona uma kafai e putiputi ma fakalei atili na galuega kua fakatino nei e te UNDP.

I te itu ki te tupe ma te lipotiga, na fakamakeke e na talanoaga ke matau ko te lahiga o na takutinoga na fai i te Fono Fakamua e ve ko te toe teuteuga o na paketi ma te lipotiga kua

fakatino nei. Na galuega na fakatonu e te Fono Fakamua e ve ko he polihi mo na alauni, mtm kua fakahavali foki. Na matau foki e na talatalanoaga hove he lihohi gali kafai e tagaki te komiti ki na itukaiga alauni e totogi i na fenua i te Pahefika e tuha ai ko te galuega a te komiti mo na alauni e totogi i Tokelau.

HUKETUHI HILI

Na tuku mai he kotokotoga o na lagona e iei nei i te Huketuhi Hili e tuha ko o na popolega. Na mafai e Tokelau o na tautali lelei ki na popolega ma na matau foki ma te agaga fakafetai e te Huketuhi na galuega kua fakatino. Na katoatoa he malamalamaga ki te Malo Fakaauau e tuha ai ko te tulaga kua iei ai na galuega mo te hukegatuhi. E foliga mai e ono iei he tuhi e kaumau hako mai te Huketuhi Hili ki te Malo Fakaauau ma ko na fakaataataga o na fakakupuga o he tuhi kua kitea e te kaufaigaluega e afia ai “...*Na lagona e matou te loto fiafia lahi i a tatou talanoaga ma e kitea e matou ko he lakahaga mooni ma lelei ia matou galuega ma Tokelau...kua atili fakamakeke mai kia te kimatou na galuega kua fakailoa mai kua fai ma te takutinoga ke galulue ke auhia he tulaga pito hili o na lelei i te tautali ...*”

E fakaauau pea na galuega kua peleni a te Mataeke o te Tupe ma e patino pea he kikilaga ke totoka na hukega tuhi.

TEUGA TUPE FAKAVAOMALO A TOKELAU (TEUGA TUPE)

E ui ko te Ulu o Tokelau ko te hui ia o Tokelau ki te Komiti Fakafoe o te Teuga Tupe, na mafai e na hui o te Malo Fakaauau ke fakalogologo i te fonotaga tenei a te komiti. I te fonotaga tenei, na fakatotoka ai e te komiti hetahi o ana hini kua leva te tauivi kie (he matakupu na kamata fakatalanoa i te fakaikuga o te 2015), ko te pahiaga o ni huiga ki te *Trust Deed*. I te kua totoka o te vaega tenei, ka galulue te Takitakifono ma te Failautuhi ke fakaauau te galuega ki he SIPO (*Statement of Investment Policies and Objectives – Taki mo na Polihi ma na Hini Kautu mo te Fakagalue o te Heleni*) i he kikilaga ke iei hetahi fonotaga ka ko heki pa atu ki te fakaikuga o Novema. E tapena ni fakamatalaga ki te galuega tenei mo te Fono Fakamua ma e afia ai te lipoti taki tauhaga e ve o na pahia e te fonotaga tenei.

MATAGALUEGA O FEMALAGAAKIGA FAKAVAOMALO (NZ IMMIGRATION - NZI) & MATAEKE MO MATAKUPU FAKALOTOIFALE (INTERNAL AFFAIRS)

Na afia i na matakupu na fakatalanoa na popolega ki na tino kehe e galulue fakakonekalate e Tokelau e ono fakaoga e latou te mataloa o te latou faigaluega mo Tokelau ke maua ai he latou hitiheni Niuhila i he taimi vave. Na matau e na talatalanoaga kua iei ni huiga mulinei ki na tulafono a Tokelau ke fofo ai na popolega ienei.

E iei te polokalame e fakahavali nei ke kikilaga ki na hihitemi o femalagaakiga fakavaomalo e afia ai na tulafono ma te atiakega o te mafai i ni fenua e 7 i te Pahefika. E peleni nei he ahiahiga a te vaega tenei ki Tokelau i he taimi o te tauhaga nei. E fakaauau pea te galulue fakatahi o te NZI ma Tokelau, kui i te Mateke o Tautuaga Lagolago, ke kikila totoka ki he taimi talafeagai mo te malaga tenei.

OFIHA O ILOILOGA O AKOAKOGA (ERO)

Na matau e na talanoaga te lipoti mai te iloiloga fatoa maea atu nei. E ui kua maua e na nuku takitahi he kotokotoga o te galuega patino ki a latou akoga, ko heki tuku aloakia atu te katoaga o te lipoti ki te Fono Fakamua ma te Taupulega.

Na matau foki e na talanoaga te tulaga kua iei ai na galuega a te mataeke i te tukufakatahiga o he peleni galue ke fakataunuku na fofo na fautuagia. Ko te fakamoemoe ko te peleni galue tenei e fakaliliu ki te gagana Tokelau ma tuku atu ai ki te Malo Fakaauau ke fakafoe he pahiaga aloakia mai te Fono Fakamua. Na fakailoa e Niuhila ma te ERO e nofo tapena ki latu ke tukufakatahi he

fakatahiga a na fakalapotopotoga kehekehe ma Tokelau ke lagolago ma fehoahoani ki te fakataunukuga o te peleni galue.

VAKA-KI-GAUTA

E ui ni lave nae iei, e tumau pea te fakahavaliga o te galuega fuafua ki te polokalame ma e lahi na lehona mo te fakataunukuga o te galuega i Nukunonu ma Fakafo mai te fakatinoga o te polokalame i Atafu. I te taimi nei ko te lagona mai teia kua fakakonekalate mo te galuega, ke fakatino na vaega o te galuega e mafai i na mahina mahani mo afa. Na fakaleo e Tokelau ko he tulaga pito hili ke iei ni talanoaga i te va o te kamupani konekalate ma na Taupulega o Nukunonu ma Fakafo ka ko heki kamata na galuega i kina. Ko he tulaga venei e mautinoa ai e nofo malama na itu uma ki na manakoga o tetahi, e iei ai foki he malamalamaga o na tulafono a na nuku takitahi e tatau o na atafia i loto o na peleni a te kamupani konekalate, mtm.

Na fakamatea e na talanoaga e manakomia na levolo uma o na nuku ke katoa he malamalamaga ki te taugata e iei nei kafai e tuai te fakahologa o te galuega – ko te tau mo he aho e fokotahi mo na mahini e NZ\$13,500 pe i luga ake foki mo he aho e fokotahi.

LEOLEO (NZP)

Na fakaaoga te avanoa e Leoleo a Niuhila ke toe fakamatea te vaega e kautu kiei ana galuega i te itulagi ko te *prevention (puipui mai na he tutupu)*, tautali o te tino kafai kua holitulafono ma fehoahoani kia te ki latou kua afaina i he holitulafono a hetahi (*victim*). Na fakamatea te manakoga ke fakamate na matakupu pe ko na vaega e lahi fano kiei te taimi o na leoleo. Kafai e fakatino he vaega venei, i te lahiga o na taimi e matea ai foki na mafuaaga e tatau ke fai kiei he fofo. I he tulaga venei, e tatau o na matau ko he fofo e talafeagai i hetahi fenua e he veake e talafeagai mo fenua uma. E fiafia lahi ia Leoleo o Niuhila ke fehoahoani ki Tokelau ke tukufakatahi he moteli mo galuega a leoleo e talafeagai mo Tokelau.

Na matau e na talanoaga e tatau ia leoleo ke tutokatahi ma fakatino o latou tiute i taimi uma aunoa ma te matataku pe ko te memeki e fakalave ake e te pito a te malo pe ko te Taupulega foki. Ma, na matau foki e ui e iei te hao o na fakahalaga ma hihitemi fakaaganuku; e tatau lava o na malamalamaga katoatoa ia tagata nuku kiei.

SIR RONALD YOUNG

Ko na talanoaga ienei ko he avanoa gali mo Sir Ronald Young ke fakailoa na vaega na tau kiei tana galuega fakatahi ai ma ana fautuaga.

I he tautali, na fakailo e te Malo Fakaauau e ui kua maua te lipoti, ko heki tuku aloakiagia ki te Taupulega ma ko heki iei ni talanoaga agai kiei. E tuku atu ni lagona e tuha ai ko na fautuaga a te lipoti ka maea na talatalanoaga fakalotoifale.

CAPITAL & COAST DISTRICT HEALTH BOARD (Kikilaga o na Tauale Hikitia ki Niuhila)

Ko he avanoa tenei ke fakalogo ai ki na itukaiga tautuaga ma te levolo o na tautuaga e tuku atu ki na tauale i lalo o te Hikimi Tauale Hikitia, na lukitau ma pe vehea foki o na i he tulaga pito hili lelei na fehoahoaniga e maua e na tauale. Na fakaaoga foki te avanoa ke fakailoa ki te Malo Fakaauau e nofoia he fakatahiga mo te Ola Malolo o te Pahefika (*Pacific Health Corridors Dialogue*) i te aho 4 – 5 Oketopa ma kua tuku atu he tuhi valakaulia ki te Mataeke o te Ola Malolo ke auai atu kiei.

He vaega taua mai na talanoaga ienei, kua fakailoa mai ki Tokelau, kui mai te Malo Fakaauau te tulaga kua iei ai te galuega mo te Iloiloga o Tautuaga tau Ola Malolo e ve o na iei ai he tonu fai a te Fono Fakamua. Na toka 7 ia tuhi apalai ki te fakahalalauga. Ko te peleni e iei nei, e pa atu ki te aho 1 Oketopa kua filifilia he tino ma fakatotoka he konekalate i te aho 10 Oketopa. E fuafua nei ko te galuega e kamata ka ko heki pa atu ki te kamataga o Novema kae ko te lipoti ke tuku

aloakia ki te fonotaga muamua a te Fono Fakamua 2019. Ko te vaega taua i te taimi nei ke filifilia loa e Fakaofo hona hui ki te Komiti Galue mo te Iloiloga.

KIWIBANK - IAN FITZGERALD

Na fehoahoani lahi te talanoaga tenei ke fakamatala hako ki te Malo Fakaauau te auala ma te tulaga na fakataunuku ai he faletupe (*KiwiBank*) i Niue. Ko he hini tenei e ono taunuku kiei ia Tokelau kafai kua totoka na galuega ke maua katoatoa na paleni o na tuhi tipe i na aho takitahi. Ko te hihitemi eiei nei e mafai ai na *cards* ke fakaaoga i luga o fenua ka totoka uma na tapenaga. Ko hetahi vaega foki na tau kiei na talanoaga e ono mafai foki ke fakaaoga na *debit cards* (*tuhi tipe i he fale tipe i fafo kae mafai ke fakaaoga te card i luga o fenua*). Ko na filifiliga uma ienei mo te lumanaki e tatau o na kikila totoka kiei kafai kua totoka te tulaga o te hihitemi e fakaaoga nei.

Pepa Fakaopoopo 1: Polokalame o na Talatalanoaga

Aho Gafua 10 Hetema

| | |
|-------------|---|
| 0900 | Feiloaki ma Talatalanoa ma Palemia Ardern, e auai foki ia Minihita Faafoi Tokelau: Malo Fakaauau & fokotahi te tino faigaluega MFAT: Ulufakatonu, Katja Ackerley <i>Beehive</i> |
| 0945 - 1030 | Feiloakiga ma ti o te taeao Tokelau: Malo Fakaauau, Kaufaigaluega MFAT: PACPF, Waiata group |
| 1030 - 1230 | Talanoaga a Niuhila ma Tokelau Tokelau: Malo Fakaauau, Kaufaigaluega MFAT: Ulufakatonu, Jonathan Kings, Jackie Frizelle, Katja Ackerley, Maria Reynen-Clayton, Mary Llewellyn-Fowler |
| 1230 - 1330 | Katiga o te aoauli |
| 1330 - 1500 | Talanoaga ki na galuega tau ki te pulepule |

| | |
|-------------|--|
| | Tokelau: Malo Fakaauau, Kaufaigaluega |
| | MFAT: Ulufakatonu, Katja Ackerley, Maria Reynen-Clayton, , Mary Llewellyn-Fowler |
| 1530 - 1700 | Talanoaga ma te Huketahi Hili |
| | Tokelau: Malo Fakaauau, Kaufaigaluega |
| | MFAT: Ulufakatonu, Katja Ackerley, Maria Reynen-Clayton, , Mary Llewellyn-Fowler |
| | Ofiha o te Huketahi: Auditor General John Ryan, Sarah Mackey, others TBD |

Aho Lua 11 Hetema

| | |
|-------------|--|
| 0900 - 1000 | Fonotaga a te Teuga Tupe Fakavaomalo a Tokelau |
| | Tokelau: Ulu of Tokelau, Minhita o te Tupe, Hui Fakatonu o te Tupe |
| | MFAT: Katja Ackerley |
| | Ietahi: Trevor Janes (takitakifono) |
| 0930 - 1030 | Talanoaga ma te Ofiha o Femalagaakiga Fakavaomalo (<i>Immigration New Zealand</i>) ma te Mataeke o Matakupu Fakalotoifale |
| | Tokelau: Minihita o Tautuaga Lagolago, Fakatonu o Tautuaga Lagolago |
| | MFAT: Ulufakatonu, Maria Reynen-Clayton, Mary Llewellyn-Fowler, Chris Day |
| | INZ: Rebecca White, Kevin Kneebone, Henrietta NcNeill |
| | DIA: Joseph Tuohy |

| | |
|-------------|--|
| 1030 - 1200 | Talanoaga ma te Ofiha o Iloiloga o Akoakoga |
| | Tokelau: Malo Fakaauau, Kaufaigaluega |
| | MFAT: Ulufakatonu, Maria Reynen-Clayton |
| 1200 - 1300 | Katiga o te aoauli |
| 1300 - 1330 | Talanoaga mo te Polokalame Vaka-ki-Gauta |
| | Tokelau: Malo Fakaauau, Kaufaigaluega |
| | MFAT: Ulufakatonu, Maria Reynen-Clayton |
| | Calibre: Peter Olivier |
| 1330 - 1430 | Talanoaga ma Leoleo o Niuhila |
| | Tokelau: Malo Fakaauau, Kaufaigaluega |
| | MFAT: Ulufakatonu, Maria Reynen-Clayton, Mary Llewellyn-Fowler, Chris Day |
| | New Zealand Police: Steve Dunn, Brett Kane |
| 1430 - 1530 | Talanoaga ma Sir Ronald Young |
| | Tokelau: Malo Fakaauau, Kaufaigaluega |
| | MFAT: Ulufakatonu, Maria Reynen-Clayton, Mary Llewellyn-Fowler, Chris Day |
| 1530 - 1630 | Talanoaga ma te <i>Capital and Coast District Health Board – Ola Malolo</i> |

Tokelau: Malo Fakaauau, Kaufaigaluega

MFAT: Ulufakatonu, Maria Reynen-Clayton, Sumi Subramaniaum, Ryan McLane

CCDHB: Savali Lapana, Bredon Bowkett, Vaiola Ha'unga, Taima Fagaloa

1630 - 1730

Talanoaga ki te Kiwibank - Ian Fitzgerald

Tokelau: Malo Fakaauau, Kaufaigaluega

MFAT: Ulufakatonu

MFAT 13.16

Aho Lulu 12 Hetema

1130

Talanoaga ma te Icon Brands (fauga o te vaka mo te va-o-fenua)

Tokelau: Ulu/Minihita o Femalagaakiga, Minihita o Tautuaga Lagolago/Pulenuku o Nukunonu, Fakatonu o Femalagaakiga

MFAT: Ulufakatonu

Icon Brands, Rangiora

PEPA FAKAPIPIKI 2: MATEMATEGA O TE TEUTUHI MO TOKELAU 2018/2019 – 2020/2021

Matau: 'Matematega' e manakomia he fakatagaga aloakia a te Minihita o te Va ki Fafo

| Kamata | 2018/19 | 2019/20 | 2020/21 | 3 Tauhaga |
|---|-------------------|-------------------|-------------------|-------------------|
| Matematega | | | | Aofaki |
| Tupe Tauhi matemate | 13,500,000 | 13,500,000 | 13,500,000 | 40,500,000 |
| Pulepulega & Tau kikilaga | 1,000,000 | 1,000,000 | 1,000,000 | 3,000,000 |
| Fakalelei atili te tulaga o Akoakoga | 800,000 | 700,000 | 600,000 | 2,100,000 |
| Fehoahoani Iloa Fakapitoa | 300,000 | 300,000 | 400,000 | 1,000,000 |
| Fakaleleiga o ni Galuega Lalahi pito hili o na Taus | 500,000 | 500,000 | 500,000 | 1,500,000 |
| Aofaki | 16,100,000 | 16,000,000 | 16,000,000 | 48,100,000 |
| Matematega o fehoahoani kui i ni polokalame/fakalapotopotoga a Niuhila ma te Itulagi | | | | |
| Hikolahipi mo he taimi pukupuku | | | | 700,000 |
| Polokalame mo te Fakamakekega o Fakamahinoga | | | | 300,000 |
| Faiga paaga (Leoleo, Local Government New Zealand, Biosecurity) | | | | 900,000 |
| Haogalemu i te Moana (Pacific Maritime Safety) | | | | 800,000 |
| Polokalame o Faiga faiva i te itulagi | | | | 400,000 |
| Aofaki | | | | 3,100,000 |
| Matematega mo na Huiga ki te Tau | | | | |
| Coastal Resilience | | | | 6,042,000 |
| Haogalemu o te Huavai (SPC) | | | | 400,000 |
| Aofaki | | | | 6,442,000 |
| Aofaki kamata | | | | 57,642,000 |

| Mo he taimi e fokotahi (Polokalame Fakapitoa) | | | | |
|--|------------|-----------|--|-------------------|
| Vaka-ki-Gauta | 5,800,000 | 752,500 | | 6,552,500 |
| Uaea toho i te Moana | 13,800,000 | 5,900,000 | | 19,700,000 |
| Faiga faiva (fehoahoaniga a te MPI) | 130,000 | 30,000 | | 160,000 |
| <i>Coastal Resilience</i> | | | | 2,647,500 |
| Aofaki | | | | 29,060,000 |

| | |
|-----------------------------------|------------|
| Aofaki Fakatupega Matemate | 86,702,000 |
|-----------------------------------|------------|

B. FAMATALAGA LATA MAI KI TE POLOKALAME VAKA-KI-GAUTA

1. KAUTU

Ko te kautu o te pepa tenei ko he tukuatuga o he fakamainaga ki te mamalu o koulua i na galuega kua fakatino i lalo o te Polokalame Vaka ki Gauta.

2. TALAAGA O TE MATAKUPU

2.1 Ko na galuega ienei kua fakatino mo te fakaleleia o na uafu ma na ava-ofi i luga o na fenua e tolu ko he polokalame pitohili te lahi tenei kua taukave i luga o Tokelau ma e manakomia he tahi 15 mahina ke fakataunuku ma fakauma na galuega.

2.2 Ko te poloketi tenei e fakatupe e Niu Hila kui mai i he Maliliega na Hainia mo ni Fakatupega ke fakatino ai te galuega tenei. Kae ko te konekalate mo te fakatinoga o na galuega ei te va o te Malo o Tokelau ma te Kamupani mo na Galuega Lalahi e takua ko *Hall Contracting Pty Ltd*. Ko na hokotaga taua i na fefaiakiga ienei e aofia ai te Fakatonu o te Femalagaakiga ma Tautuaga Lagolago. Ko ia tenei ko te hokotaga taua i te itu o te Malo o Tokelau. Ko te Kamupani Faufautua ki na galuega lalahi venei ko te *Calibre Consulting Ltd* e gafa ma te tuku maiga o ni fehoahoaniga fakapitoa tau ki na matata kehekehe ma te taukikilaga o te konekalate tenei. E iei foki te inihinia poto fakapitoa ei luga o fenua i te taimi e fai ai na galuega ke fakamautinoa e lelei te tulaga o na galuega e fai.

2.3 E iei te Komiti Fakafoe mo te Poloketi tenei. Ko te Komiti Fakafoe tenei e aofia ai na Pulenuku o na fenua e tolu, na Pule Fakahoa o na Motu, te Hui o te MFAT mo Tokelau, Te Fakatonu o Femalagakiga (Takitaki Fono) ma Calibre (Lagolago). Ka gafa te Komiti tenei ma te tautukuga o na galuega kua fakatino i lalo o te Konekalate i fonotaga taki mahina a ia.

3. POLOKALAME

3.1 Ko te polokalame lava na fakatatia i te tau kimataga o tenei galuega lahi, na tuku atu ai he manakoga ko na galuega i luga o Atafu ma Nukunonu ke fakauma ka ko heki pa atu ki te Kilihimahi o te 2018. I loto o tenei fakatatiaga, ko na galuega i Fakafo ke kimataga ia Apelila o te 2019 kua teka atu ai na mahina matagi. Ko te fakamoemoega o na galuega i Fakafo e uma ia Novema o te 2019. Kae kua lahi lele te huiga ma te ata tenei na fakamoemoe ai ke fakataunuku na galuega ienei ona ai ko na tama lave na tolo ai na galuega. Ke tau fakafetaui ki na fakatatiaga na omai ai, ka tonu te Hall ka fakaauau pea a latou galuega i vaitau tenei o matagi e veia ona takua. Ko na galuega e fakamoemoe ka toe fakaauau i 21 Ianuali 2019 kafai kua uma te malologa o te Kilihimahi.

3.2 E iei he kikilaga ki na popolega e ono mafai ke tutupu e uiga ki te he hafia o te tau, ma e fia fakatalatalanoa e te Hall ma te Pulenuku ma te Taupulega o Nukunonu te matakupu tenei i na fakatalatalanoaga aloakia e loma nei. Ko te polokalame fou tenei kua fakatutu e heai he avanoa mo he galuega ke toe tolo ai ma e taua ke galulue fakatahi ia tagata uma mo te fakatelega o na galuega e manakomia ke fakatino, kae mautinoa ai e he toe lave na galuega, kae hologa manuia ki te fakaumaga.

3.3 Ko na fakatalatalanoaga alokia na peleni ke fakataunuku i luga o Nukunonu na tolopo ona ai ko ni huiga ki te polokalame o na vaka. E taua lahi lele ko te fakatalatalanoaga tenei, ke fakataunuku i he taimi vave kafai kua mafai. Ko tenei la kua fuafuagia mo te aho 19-21 o Hetema 2018.

3.4 Ko tenei e fakaauau pea na galuega mo te tautukuga ma te taukikilaga o na galuega fakatino ki te keliga ma te fakalahiga o na ava ma te uafu, ma e he kitea ni afainaga tumau ki na ika ma te lauakau. E taua lahi lele ke fakamautinoa ko na galuega mo te fakalahiga/fakaleleiga o na ava ke fakatino muamua ka ko heki taunuku mai te Vaka o te Vaifenua.

4. POPOLEGA KI NI AFAINAGA

4.1 Ko te tulaga o te lahi o te galuega tenei kua fakatino e manakomia ai pea te fakaitiitia pe ko te taukikilaga o na afainaga ei la ono tutupu mai, ma kavea ma fakafitali ki te taimi, te tulaga o na galuega, ma te fakahoahoaga o te heleni mo tenei poloketi lahi. Kua iei he fauhaga pe ko he

Lehitala e patino ki te fakamaumauga o na Afainaga ienei, mae ka lahi to na fehoahoani ki te taukikilaga ma te fakaitiitia ai o na vaega iena:

- Fakamautinoa e maua e te kaufaigaluega ni avanoa i luga o na vaka e malaga atu mo Tokelau i na aho kua fakatalohagagia
- Ko te fakaauaugia o na fehoahoaniga kui atu i te malohi o na Nuku, mo ni leipa mo na galuega fakatino
- Ko te tuku vave atu o ni fautuaga mo he mainaga ki na aho malolo pe ko ni aho fakamanatu e ono kavea ai ma lave ki te fakatelega o te galuega
- Ko te fakaauau pea o te lagolago malohi mai o na Nuku e tolu ki te tuku maiga o ni fautuaga ma ni fehoahoaniga ke fakaleleia ai te galuega. Ko na Nuku ko ni itutino taua i te Konekalate tenei.

E fakaauau pea na galuega a te Komiti Fakafoe mo te taukikilaga o na afainaga e ono lave ai na galuega ma te Lehitala tenei mo Afainaga.

4.2 Kafai te galuega kua lave ma tolo ai na galuega, e lahi lele te heleni ma na tau fakaopoopo ka gafa ma te Malo o Tokelau ona ko na tukutukuga o te konekalate. Ko te tau fakaataata o te galuega kua lave ma he mafai ai ke fai ni galuega e tutuha ma te NZD \$13, 515/aho. Ko te afainaga lautele o na tau ienei e manakomia lahi lele ke fakamaina ai kilatou e fai tonu i na levolo kehekehe.

LEHONA KUA MAUA





5.1 E taua lahi lele ke vave fakatino na fakatalatalanoa kae ke fakamatala ma auiliili na vaega kehekehe o te galuega tenei ke nofo maina na fenua e tolu ki te taua oa latou hao i loto o te poloketi tenei. E vena foki ke nofo maina te kaufaigaluega a te Hall ki na nofonofoga i loto o na fenua ma na tulafono. Ko te fakaleleia atili o na hokotaga i te va o kilatou uma e aofia i te poloketi tenei e taua lahi lele i te tulaga ke fakagaholo manuia na galuega ke na he iei ni lave, pe toe tupu foki he fakafitauli ve ko te tulaga na pa ki ei te galuega i luga o Atafu

5.2 E iei te manakoga ke filifili he hui mai i luga o na Nuku kua fakamatuku atu ki ei te mafai, ke fai ai ni tonu e taoga ma lelei ki te fakatinoga o te poloketi tenei. Ko te hui foki tenei ka galue tafapili ma Hall fakatahi ai ma te Calibre. Ko te fakatapulaaga o na mafai ienei e taua ke fakamaoti mai i loto o na Peleni Taki mo na Pulepulega ke fakatino ai loa na galuega.

5.3 Kua iei te maliliega ka fakamatuku atu e na Nuku ni leipa ke fehoahoani ki na galuega a te Hall e fakatino, kae e he gafa ma te Hall te totogiga. Ona ai e fakaamanakia te tulaga ki te he tokalahi o te kaufaigaluega i luga o na motu, fakatahi ai ma ietahi tiute e gafa ma kilatou ienei, e taua lahi lele ke fakaauau pea te leipa ke na he toe iei ni lave pe tolo foki na galuega, ona ko te taugata e aofia ai.

5.4 Ko te polihia e tatia ai nei ki te fakamautinoagia ai o na avanoa i luga o na vaka, i he faiga e tuku atu ai te avanoa ki te “tino e totogi muamua i te taimi lava tena” kua fai ma fakafitauli ki te Hall ma te kaufaigaluega a ia. Ka galue te Calibre ma te Fakatonu o Femalagaakiga ke hakili ni auala ke tuku atu ai he lagolago ki te Hall mo ni avanoa vaka a te kaufaigaluega a ia.

Ni ata o te galuega i te taimi nei



C. FAMATALAGA LATA MAI KI TE OFIHA FOU O TOKELAU I APIA

1. KAUTU

Ko te kautu o te pepa tenei ko he tukuatuga o he fakamainaga ki te mamalu o te Fono i na galuega kua uma te fakatino i lalo o te poloketi a te Malo ki te galuega o te Ofiha o Tokelau i Apia.

2. TALAAGA O TE MATAKUPU

2.1 Ko te galuega tenei e fakatino i te taimi nei ko he faiga ke fakanofotonu te kaufaigaluega o Apia ki he ofiha fou i Matautu.

2.2 Ko te poloketi tenei e fakatupe e Tokelau ma ko te konekalate faufale ei te va o te kamupani Steel Young ma te Malo o Tokelau. Ko te Fakatonu o te Femalagaakiga ma Tautuaga Lagolago ko te hokotaga ia a te itu o te Malo o Tokelau, kae gafa ma Fata Levi te taukililaga ma te tukuatuga o te iloa ki na matata kehekehe i lalo o te konekalate. Ko te tamana foki tenei ko ia te inihinia ei te fakatinoga o te galuega ke fakamautinoa ko te tulaga o na galuega e katoatoa ma hologa lelei.

3. POLOKALAME

3.1 *Galuega ki te Fakavae:* Ko na vaega lalahi o paluga o te fakavae kua uma te fakatino.

3.2 *Paluga o te foloa:* Ko te 80% o te foloa kua uma te palu ma fakatino. Na ko he tama vaega o te lototonuga o te fale ko heki palua kua fakaatea ke faigofie na fekuikuiakiga a te hiligi e fakaaoga mo te fakatutuga o na ukamea o te tino o te fale. Kua fakatatia ke palu te vaega tenei kafai kua totoka na iviivi ukamea o te fale.

3.3 *Galuega tau Piliki:* Kua fakatoka atu ki luga o te fenua na piliki ke ati ai puipui o te fale. Kua peleni te Konekalate ke kamata ati na puipui ienei kafai kua totoka na iviivi ukamea ma te tino o te fale.

3.4 *Galuega tau Palama:* Kua totoka ma maea te tohoga o na laina mo te fakafanoga o te otaota mai na tukutua fakatahi ai ma na fale takele i te levolo pito ki lalo o te fale. Ko tenei kua kamata na galuega a te Konekalate ke taki na laina ki te tane tukutua ma kamata na galuega ki te fauga o te tane tukutua.

3.5 *Galuega tau Eletihe:* Ko na uaea eletihe uma ma ietahi totoga taua mo te galuega tenei kua uma te ota ifo, kae ei la ono tuai pa ifo ki te galuega.

3.6 *Galuega tau Ukamea ki te Tino o te Fale:* Ko na ukamea uma mo te fakatotoga o te fale tenei kua i luga o Hamoa. Ko te 90% o na iviivi kua uma te fau. Ko na pou foki o te fale kua i te koga e fai ai te galuega. Ko na fakatautau o na pito-iviivi ienei koi gaohi ke fetaui ma ni manakoga fakapitoa ki te ata o te fale. Kua fuafua e te Konekalate e tatau keina fakatu na iviivi ukamea ma te tino o te fale i he taimi o te mahina o Oketopa.

3.7 *Galuega ki te teuga o te kogafenua e hiko ai te Fale:* Ko tenei kua fakatotoka na toe galuega ki te paluga o te hima mo te fakatamilomiloga o te fenua ke fai ai na auala havali ma na auala tavale. Ko tenei foki e taufakatotoka atu he koga lelei ke tuku ki ei na alavai ke fakatafe kehe mai ai te vai mai luga o te fenua.

4. POPOLEGA KI NA AFAINAGA E MAFAI KE TUTUPU

4.1 Kua matau e te Konekalate tenei e fakatino e kilatou te galuega te iei ai o he pilivai ko heki totogia mai he taimi kua teka ma e manakomia ke totogi muamua ka ko heki apalai atu kilatou ki te hokoga fou o te vai ki te fenua tenei. Ko te taimi nei, ko na galuega e fakatino i te fakaaoga ai o he tane vai.

Ko te tau ne i Hamoa kua matau kua fakalata atu ki te taimi e lahi ai te huavai pe ko na uaga i te tauhaga. E manakomia e te Konekalate ke fakamautinoa ko te fale kua tu ma fakamalu ka ko heki afaina lahi na galuega i uaga.

Ni ata o te galuega i te taimi nei



Image showing reinforcement placement for the outer office floorslab.



Image showing reinforcement placement for the inner office floor slab and intermediate strip footing for the internal block wall.



Image of the completed concrete pour for the warehouse slab.



Image showing completed concrete works for the floor slabs. A small portion is left in the middle to allow for the crane to maneuver in place when erecting the structural steel.



Image showing structural steel fabrication for the rafters. All plates are tackwelded in place and final structural weld to be carried out.



Image showing completed rafter being prepared for paint.



Image showing completed rafter to be transported to site.



Image of overhang rafters in the fabrication shop awaiting final fabrication.

D. TULAGA O GALUEGA I NA MATAEKE

FEMALAGAAKIGA

1. KAUTU

Ko te kautu o te pepa tenei ko he tukuatuga o he fakamainaga ki te mamalu o te Fono i na galuega kehekehe kua fakataunuku i lalo o te fakamalumaluga o Femalagaakiga e veia ona tofia ai i te Mataeke.

2. FEMALAGAAKIGA

2.1 Ko te fakahekega o na Pulepulega o te Kauvaka ma na Matakupu Taupihinihi ki lalo o Tokelau na fakatunuku i te aho 31 o Aukuho 2018. Ko na galuega ienei kua gafa nei ma te TRANSTOK oi na kamata aloakia i te aho 1 o Hetema 2018. Kua totoka manofotonu na konekalate o te kauvaka, ma e ologatahi ma na manakoga tau ki te tulafono e pulea ai na femalagaakiga i luga o na vaka. Kua iei foki ni fakaataataga o na tulaga o na totogi o kilatou ienei. Kae ka fakaauau pea te fehoahoaniga a te TML ki na matakupu kehekehe ke pa ki he taimi kua taukave tautahi ai e te TRANSTOK na vaega ienei. Ko tenei ko fakagaholo na galuega e manakomia ke fakatino ke fakamautinoagia ko te fakahekega e hao ma manuia.

2.2 Na fakataunuku he ahiahiga mo na matakupu tau ki te fakagaluegia o te kauvaka i luga o te Kalopaga. Ko te ahiahiga tenei na fakataunuku ia Iulai o te 2018 e te tamana Kapiteni Hugh Munro (Ko he Tino Hukehuke i lalo o na tukutukuga o te lalolagi ki te fakagaluegia o na heila i luga o vaka). Na fehoahoani atu foki ki ei te tamana kia Stephen Cribb ma te Mataeke. Ko te lahiga o na fakamaumauga i luga o vaka nae katoatoa. Ko na vaega na matau e heki katoatoa ai te galuega tenei, kua uma te fakatotoka ma fakamautu.

2.3 Na fakataunuku foki he ahiahiga mo te Mataliki ma te Ofiha o te TRANSTOK e te tamana foki lava tenei ko Hugh Munro (Ko he Tino Hukehuke i lalo o na tukutukuga o te lalolagi ki te fakamautinoagia ai te haogalemu o na hihitemi ma na fakatinoga) Ko te ahiahiga foki lava tenei na fakataunuku ia Aokuho 2018. Na fehoahoani ifo ki ei te tamana kia Mike Pearson (faufautua mo na matakupu tau femalagaakiga i luga o vaka), na kauvaka o te Mataliki fakatahi ai ma na kautautua o te Mataeke. Na fakamatuku mai he fakatagaga fakavaitaimi ma he pepa ke fakamaonia ai ko na fefaiakiga i luga o vaka ma loto o te ofiha e ologatahi ma na tukutukuga mo te haogalemu. Na fakamatuku atu e te tamana tenei he laihene fakapitoa e fakamaonia ai ko te Mataliki kua fakamaliegia e ia na vaega ienei ki te haogalemu i luga o te moana. Ko he tala fiafia tenei, aua kua auhia e Tokelau he tulaga e kehe foki i te kavea ai o ia ma Pulega o te kaufaigaluega i luga o vaka fakatahi ai ma na matakupu taupihinihi o na vaka e lua. Ko te ahiahiga katoa e loma nei ia Tehema kia Fepuali o te tauhaga fou. Ko na vaega nae he matua katoatoa ai to tatou pito ko ienei kua galuega ki ei te Mataeke ke fakatotoka ma fakamautu.

2.4 Ko te na matakupu taupihini e veia ona taukua i luga e aofia ai ni fakatalatalanoaga kua fakatatia ke totogi fakavaitaimi na vaka e lua o Tokelau ke fakaaoga mo he taimi pukupuku eo tatou tuakoi i te Pahefika. Ko na polokalame vaka mo na malaga ienei e totogi fakavaitaimi, ka fatu mai lava ki luga o na manakoga mo femalagaakiga o Tokelau. Kua fakagaholo foki ni fefaiakiga mo te fakafetauakiga o ni tau e talafeagai ke tauva ai ia Tokelau i te maketi tenei, ma e fakamoemoe ko te malaga muamua o na avanoa ienei e peleni mo te 2019.

2.5 Ko tenei e hologa manuia lava na galuega o te Kamupani Fau Uafu tenei ko te Hall i poloketi i luga o Atafu. E ui lava kua 3 ia vaiaho e tuai malie ai ona ko ietahi mafuaaga, iko tenei kua galulue malohi te Konekalate tenei ma te Taupulega o Atafu, fakatahi ai ma te Mataeke ke fakaitiitia na lave ienei. Ko tenei koi fakaauau pea na galuega mo te onoonoga o na galuega ki te ava ma te keliga o na uafu ma ko he tala fafia e he iei ni afainaga tumau ki te lauakau ma na ika. Ko te fakatauaga lahi , ko te fakamautinoa ko na galuega ienei kua fakatino mo te fakaleleia o te ava ma te uafu e maea ka ko heki pa ifo te Vaka o te Vaifenua. I te taimi nei, ko na galuega i luga o Nukunonu e fakamoemoe ke kamata i fakaumaga o te 2018. Ko te onoonoga o te tulaga o na galuega e fakafoe e te Komiti mo na Poloketi.

2.6 Ko te Vaka o te Vaifenua ei Christchurch i te taimi nei e talia ai na galuega tau fakauma. E taua lahi lele, ko na galuega i na uafu ma na ava e fakatotoka muamua ka ko heki tukuifo te vaka tenei a koulua ke fakamautinoa ai e haogalemu te vaka ma te pahehe. I he malaga talu ai nei, na maua ai he avanoa mo Tokelau ke ahiahi te vaka ma kikila ki te tulaga kua pa ki ei te galuega. Ko tenei e fakaauau pea ni fakatalatalanoaga ki na manakoga ke fakatino ni koleniga fakapitoa mo kilatou ka faoa te vaka ma fakatino na galuega ka ko heki tukuifo te vaka ia Oketopa. Ko na fakatalatalanoaga ma te Taupulega o Nukunonu koi fakaauau lava.

2.7 I lalo o te Poloketi mo te Haogalemu i te Tai fakatahi ai ma na peleni a te Mataeke ke fatufatu ma atiake te iloa a te kaufaigaluega, kua iei ai he avanoa mo he akoakoga/koleniga ke kaufakatahi atu ki ei te Ofiha o te Tulafono o te Mataeke ke fakagalue i loto o te NZ Maritime mo ni koleniga ke fakamahani atili ki na matakupu tau femalagaakiga i luga o vaka. Ko te akoakoga tenei koi fakatalatalanoa. I te fakaikuga o Novema, ka kaufakatahi atu te Pule Fakahoa o na Matakupu Vaka, Na Galuega Fakatino i Gauta ma te Ofiha o te Tulafono ki he akoakoga ka fakatino i Ueligitone. Ko te agaga o tenei koleniga ko te fakamaunu o te iloa ma te mafai o te kaufaigaluega ke fakataunuku na manakoga o Tokelau ki te pulepulega o na vaka a ia.

2.8 E iei te fuafuaaga ma te Mataeke ko te vaka ke toho ki gauta i te 2020. Ko tenei e fakagaholo na fakatalatalanoaga ma te TML ki ni tau fakatutu ke mautinoa ai e maua e Tokelau he tau e pitohili ona lelei. Ko te galuega tenei ka fakatino, ko he faiga muamua tenei ke toho ake ki gauta te vaka taluga te kamata o na kaukaunaga o te Mataliki ki Tokelau. Ko te mafuaaga tonu lava ia e taua ai ke fakataunuku te vaega tenei. Ko te taimi kua fakaataata ke fakatino ai te galuega tenei ko he 3-4 vaiaho oi ka taumafai te Mataeke ke tuku atu he polokalame vaka e talafeagai mo na manakoga o Tokelau. E ono iei he vaka totogi vaitaimi kafai kua iei he manakoga i te taimi tenei e fakalelei ai te vaka.

2.9 I te fonotaga mammalua ia, na malilie ai te Fono Fakamua ke hiki te tau o na pahehe o na vaka mo tagata-nuku Tokelau. (Tino Matutua: NZ70 malaga hako & NZ140 fano toe foki mai; Tamaiti: NZ35 malaga hako & NZ70 fano toe foki mai). Ko te Iloiloga o na Pahehe o kilatou e he ko ni Tokelau ei talia nei i he talohaga kua tuku atu ki te Fono Fakamua ka ko heki uma te 2019.

2.10 Koi fakaauau pea ni fakatalatalanoaga ma te MFAT ke fakatino ma fakagaholo he tautuaga tau vakalele mo Tokelau. Ko he avanoa mo na femalagaakiga tenei ki te agaigai ki mua ma he kikilaga mamao. Ko na galuega tau kamata, e fakamoemoe ke kimata kafai kua totoka uma kilatou e aofia i tenei atiakega ma malilie ke fakatino loa.

1. KAUTU

Ko te kautu o te pepa tenei ko he tukuatuga o he fakamainaga ki te mamalu o te Fono i na galuega kehekehe kua fakataunuku i lalo o te fakamalumaluga o na Tautuaga Lagolago e veia ona tofia ai i te Mataeke.

2. TAUTUAGA LAGOLAGO

2.1 Ko tenei koi hologa lelei lava na galuega ki te fauhia ai o te ofiha fou o te TALO ma e fakamoemoe lava ke fakauma i Iulai o te 2019. Ko na tama lave nae fakafeagai ai ma te galuega ko ni taofi ea ni kaiga e tuakoi ifo ki te fenua tenei, oi na manakomia ke fakatino ni fakatalatalanoaga ma te Mataeke o Koa Fakanatula ma te Hikohikomaga o Hamoa, ke fakatotoka te matakupu. Ko te Mataeke na ia fakafoea he taligamalo mo te ahiahiga a te tamana Minihita, Winston Peters ma tana kauhaga mo he ahiahiga aloakia ki te galuega tenei. E aofia i tenei malaga, he ahiahiga ki te fenua i Savalalo fakatahi ai ma na vaka e lua a koulua. Na kitea te gali o te aho fakamoemoega tenei i te kaufakatahi ai o te Ulu o Tokelau ma te Ulu Fakatonu o Tokelau.

2.2 I te maea ai o te galuega i te Ofiha fou o te TALO, ka iei ni fakamoemoega pe he avanoa foki mo te Malo o Tokelau pe iei ha na onoonoga ki te tulaga o te fenua i Savalalo, i te matau ai ki te fakatupulahia o na lologa, pei la iei he kikilaga pe lihi atu te fenua tenei, fakatau pe tatia ai veia.

2.3 I tana fonotaga mamalu ia Iulai o te 2018, na malilie ai te Fono Fakamua ke toe iloilo na tau o na fale i te kakai o Lelata. Ko te maliliega tenei, na mautu ai te tonu ka tuku ki te NZ50/po. Atonu i na fefaiakiga fou ienei, ka ono iei ni lukitau ki te Mataeke ki te tauhiga ma te fakaleleia atili o na tulaga o te kaukaunaga i te kikila atu ki na tau e feagai ai te Mataeke mo te fakatinoga o na vaega ienei.

2.4 Ko te fakatauaga lahi kua fakafeagai nei ma te vaega e gafa ki te fefaiakiga ma te tukumaiga o na koloa, ko te fakamalohia ai o na fauhaga fakalotoifale a ia. Ko na Tuhi Taki mo te Pulepulega o na Aheta ma na Galuega Fakatino mo te Tukumaiga o na Koloa kua fakamoemoe ke toe iloilo. Ko na fakanauga a te vaega tenei ko te fakamalohia o na vaega taua e uiga ki te kaumaiga o na koloa mai fafo, te fatuga o ni hokotaga lelei ma na hapalai fakatahi ai ma te fakaauaugia o he pulepulega ki na fefaiakiga ienei ma he agaga ke tuku atu ki na fenua o Tokelau he filifiliga ki na koloa e taoga ma hilihili te lelei e ologatahi ma na manakoga.

2.5 I te kitea ai o te fakatupulahia o na galuega fakatino i na taimi o na vaka, kua lahi ai he afainaga ki na tulaga o na uto e kavatu ki Tokelau fakatahi ai ma na tau mo te momoliga o na koloa. E iei na matauga ki te agaigai ki mua ei la kavea pe ma ni lukitau ki te fakatinoga o na galuega ienei. Kua kitea kua fakatupulahia te mafai ke kavatu ai ni koloa ki Tokelau kui atu i te Kalopaga, kua fakalahia foki na manakoga o na fenua, kae kua taikole foki te avanoa ke fakamalu ifo ki ei na koloa ienei. Ko na matauga uma ienei ei la kavea ma lukitau tumau, ma e manakomia ke hakili he fofo fakavave ke fakamautinoa ko te hihitemi mo femalagakiga e fakaauau pea. Ko tenei kua galue te Mataeke ke iloilo na tau ke momoli atu ai na koloa ki Tokelau ma tuku aloakia atu ki te Malo Fakaauau ma te Fono Fakamua ka ko heki uma te 2019.

2.6 Ko tenei kua tuku he fakatauaga mo he iloiloga ke fakatino ke fakamalohia na fauhaga fakalotoifale o Femalagaakiga. Ko te manakoga taua ko he faiga ke fakaaloakia ai he Taki mo te Fefaiakiga o na Galuega, maihe ki na tulaga tau Pemita. I te fakatupulahia o

tagata e malaga atu ma fafo mai o Tokelau i te 6 mahina tenei kua teka kua mafua ai teiei o ni malaga fakaopoopo o na vaka a koulua. Kua fakamoemoegia ke fakataunuku niakoakoaga pe ko ni koleniga foki i loto o te tauhaga tupe ke fehoahoani ki o tatou Ofiha o Femalagaakiga i luga o na motu e tolu. Ko te lahiga o te fakamamafaga o na akoakoga ienei ko te fakamainaga o na faifaiga pe ko na fauhaga kua fakatatia ai nei mo na matakupu tau ki te femalagaakiga fakatahi ai ma te fakaleleia atili o na tautuaga lautele ki o tatou tagata. I ni fakatalatalanoaga ma na Mataeke o Femalagaakiga ma na Matakupu Fakalotoifale o Niu Hila, na fakamatea ai ni vaega e ono mafai ai ia Niu Hila ke fehoahoani ki Tokelau, ki te fakaleleia o na vaega ienei o na tautuaga ki tagata lautele. Ko tenei koi fakatalanoa te Mataeke ma Niu Hila ke fakamautu ai na aho mo he malaga tamilo ke ahiahi atu ki Tokelau fakatahi ai ma ni avanoa mo ni koleniga o te kaufaigaluega a te Mataeke.

2.7 Na talimalo ia Fakaofo i na tafaoga a te Tutolu mai i te aho 24 ki te 28 o Hetema. E heki mafai ia Atafu ke kaufakatahi atu ki te fakamoemoega tenei. I te fakataunuku o na tafaoaga, na kitea ai te tulaga maualuga o te taleni ma te malohi o na fanau a koulua i te 5 o aho na fakagaholo ai na tafaoaga. I na tafaoga e fa na malilie ki ei te Fono Fakamua ke fakatino, e lua oioiti ia tafaoga na mafai ke fakatino, vagana ai te Kiliti ma te Lakapi Liki e heki mafai ke fakauma. Eiei te talitonuga hove ko ni mafuaaga e uiga ki te haogalemu o kilatou ienei nae tafafao. Mo he aotelega, na manumalo ia Fakaofo i lahiga o na talita. Na gafa ma te Mataeke te hakiliga o ni fehoahoaniga mo te fakatupega o na hapalai mai i na hapalai mahani a Tokelau na fehaohoani atu ai ki te fakataunukuga o te fakamoemoega tenei.

LIPOTI ONA FAKATINOGA OTE TNSP

Ianuali 1, 2018 – Iuni 30, 2018

He Tuku Fakatahiga ona Lipoti ana Heke Takitahi

Tapena ete

Lala mo Peleniga ma Onoonoga

Ofiha ote Malo Fakaauau o Tokelau

Hetema 17, 2018

Fakahologa ona Matakupu

1.0 KUPU TOMUA 86

2.0 KIKILA FAKAKATOA 87

| | |
|---------------------------------------|----|
| 2.1 Huiga ote Tau (CC) | 88 |
| 2.2 Pulepule Leleie (GG) | 89 |
| 2.3 Atiakega o Tagata (HD) | 91 |
| 2.4 Galuega Atiake Lalahi (ID) | 93 |
| 2.5 Fakamautuuga ote Agai ki Mua (SS) | 95 |

3.0 FAKAIKUGA Error! Bookmark not defined.

PEPA FAKAOPOOPO 98

| | |
|---|-----|
| A. Kikilaga Auiliili | 98 |
| A.1 Huiga ote Tau | 98 |
| A.2 Pulepule Lelei | 100 |
| A.3 Atiakega o Tagata | 107 |
| A.4 Galuega Atiake Lalahi | 110 |
| A.5 Fakamautuuga ote Agai ki Mua ote Tamaokaiga | 113 |

1.0 KUPU TOMUA

Ko te lipoti tenei e tuku atu ai he iloiloga ote fakatinoga ona galuega na fai ite piliota 1 Ianuali 2018 – 30 Iuni 2018 ma vena ona fakatatia tonu ai na galuega ienei fakatuhatuha ki na tauhaga e lua muamua ote Peleni Takiala a Tokelau 2016 - 2020.

Ko te lipoti tenei e tuku fakatahi ai na fakatinoga a na mataeke e 10 ate malo ma nuku e 3 mo te piliota tenei. E ililo ai foki na fakatinoga e mataugia agai ki na hini ote Peleni Takiala a Tokelau 2016 – 2020 talu mai te kamataga.

E tuha ai ma na fakamuamuaga takiala fakataunuku, e 43 katoa te aofaki ona fakailoilo faka-atunuku kua fakavahega ki na lalo ona mataeke ma nuku takitahi e tuha ai ma o latou tiute taukave. Ko na galuega fakatino a te Peleni Takiala a Tokelau 2016 – 2020 na ililo e fakaaoga ai he hihiemi e 3-pou.

| Lanu | Hea te uiga? |
|----------------|---|
| Meamata | Ko na taketi mo te piliota tenei kua auhia ma ko na fakatinoga mo te ikuga mo te 4-tauhaga e holotonu (= 100%) |
| Hehega | Kua lahi na fakatinoga e fai ke auhia na taketi mo te pilota tenei vena ma na auhiaga mo te 4 tauhaga (70 – 99%) |
| Kukula | E he gaoi/Telegehe na faatinoga (<= 69%) |

Ko na fakailoilo na fakahoa ki na Hini Takiala Faka-atunuku e 5 e tuha ai ma te Peleni Takiala a Tokelau:


1. Na taki mo te **Pulepule Lelei** e ve ona fauhia e na fakatinoga lelei ite taimi nei ma na fakatinoga fakaaganuku a Tokelau e fakaauau pea te fakaaoga ona vaega kekekehe ote malo ke fakafetaui ai te fakatinoga ona tautuaga ma na vaega ke auhia mo te Olaga Manuia.
2. Ni **Galuega Lalahi** e ia lagolagoa ma fakamafai ai ke auhia ke Olaga e Hili atu i Tokelau.
3. **Atiakega o Tagata (HD)**: Ko tagata faigaluega o Tokelau e mafaia oi fakatino ni tautuaga lelei ma fauhia he nuku e iviivinaki mo he olaga e maualuga atu te lelei, ni nofonofoga e fakavae ki ana talitonuga faka-lotu ma vena ona fakamalohia tana Aganuku.
4. **Fakamautuuga ote Agai ki Mua (SS)**: Fakatumaugia pea na atiakega tau tamaokaiga.
5. Ke puipuia te Hikomaga gali o Tokelau ma fakamautinoa te makeke ke tautali atu ki na afainaga ote Huiga ote Tau ma ietahi vaega fakapokepoke.

Ko te fakahoahoaga ona fakailoilo e tuku atu ite laulau i lalo. Ko na lagona fakaalia agai ki na fakailoilo e tuku atu taki 6-mahina e ve ona lipotia mai e na heke takitahi.

| Mataeke/Ofiha | Fuainumela ona Fakailoilo | | | | | Aofaki ana Mataeke Takiatahi |
|----------------------------------|---------------------------|----|----|----|----|------------------------------|
| | GG | HD | ID | SS | CC | |
| Huiga ote Tau | 5 | 2 | -- | -- | 6 | 11 |
| Tamaokaiga ma te Hikomaga | 5 | 2 | -- | -- | 1 | 11 |
| Akoga | 7 | 9 | -- | -- | -- | 16 |
| Malohiaga | 5 | 2 | 1 | -- | -- | 8 |
| Tupe | 6 | 2 | -- | -- | -- | 8 |
| Faigafaiva | 5 | 2 | -- | 2 | -- | 8 |
| Ola Malolo | 5 | 5 | -- | -- | -- | 10 |
| TELE TOK | 7 | 2 | 3 | -- | -- | 12 |
| Felakuakiga ma Tautuaga Lagolago | 7 | 2 | 7 | -- | -- | 16 |
| | | | | | | |
| Ofiha ote Malo Fakaauau | 7 | 3 | -- | -- | -- | 10 |
| Ofiha Taupulega, Atafu | 7 | 2 | 1 | -- | -- | 10 |
| Ofiha Taupulega, Fakaofo | 7 | 2 | 1 | -- | -- | 10 |
| Ofiha Taupulega, Nukunonu | 7 | 2 | 1 | -- | -- | 10 |
| INDICATORS PER SPA | 8 | 14 | 12 | 2 | 7 | |

2.0 KIKILAGA FAKA-KATOA

Atae 1: TNSP 2016 – 2020 fakatinoga ite 2 tauhaga muamua
(puha agavale – Tauhaga 1 & puhu taumatau – Tauhaga 2)



2.1 Huiga ote Tau (CC)

| Ikuga | Fua | Taimi nei (2017/2018) Ikuga | | Fakatinoga ke Auhia na Taketi ote TNSP (%) | | | |
|---|---|--|-----------------|--|--------------|--------------|--------------|
| | | Numela | Auhia Taketi | Tauhaga 1 | Tauhaga 2 | Tauhaga 3 | Tauhaga 4 |
| 1: He hikomaga e puipui ma fai fakalelei mo Tokelau | CC1i: Koleniga/Akoakoga mo na nuku CC1ii: Polihī mo te Hikomaga o Tokelau e iloilo ma fakatino | 5 | lo | 50 | 100 | | |
| 2: Fakamakeke atili te mafai ke tautali au ki na afainaga ote Huiga te Tau ma ietahi vaega fakapokepoke | CC2i: Ke iei he Peleni Faka-atunuku mo te Pulepulega ona Fakalavelave CC2ii: Koleniga mo na Tapenaga mo na Fakalavelave CC2iii: Fakatakitakiga mo na fakalavelave CC2iv: Hainia te Peleni Taki Faka-atunuku mo te Huiga ote Tau CC2v: Fakatino te Peleni Taki mo te Huiga ote Tau | E iloilo nei te tuhituhiga muamua ote Peleni | 1 | lo | 0 | 100 | |
| | | Kua iei te LivC ma te IP | 3 | lo | 40 | 100 | |
| | | | 23 | lo | 100 | 100 | |
| | | Fakatinoga katoa ona ikuga ina tauhaga e lua (%) | | 31 | 83 | | |

Matauga:

- E 7 mai te 8 o Fakailoilo kua auhia ma e fokotahi te fakailoilo e fakatino ite taimi nei.
- Ko Tokelau e agai lelei ki mua ite vaega tenei. E fakaauau pea te fakatahi atu ma Niuhila ki na fakatinoga ate Pahefika ma te lalolagi ma fai hao atu

ki na fakatalanoaga fakavaomalo agai ki te Huiga ote Tau. E ui te tokaitiiti ote kaufaigaluega tenei, e maualuga te tulaga ona fakatinoga agai ki na galuega kua fakamatea ite Peleni Taki mo te Huiga ote Tau ma na avanoa mo ni koleniga ma ni polihia ma ni ietahi galuega agai ki na tapenaga mo na fakalavelave.

2.2 Pulepule Lelei (GG)

| Ikuga | Fua | Taimi nei (2017/2018) | | Fakatinoga ke Auhia na Taketi ote TNSP (%) | | | |
|---|--|---------------------------------|--------------|--|-----------|-----------|-----------|
| | | Numela | Auhia Taketi | Tauhaga 1 | Tauhaga 2 | Tauhaga 3 | Tauhaga 4 |
| 1: Fakalapotopotoga Pulepule e fakamakeke atili | GG1i: Koleniga & akoakoga mo te Pulepule Lelei | 4 | Heai | 50 | 43 | | |
| | GG1ii: Kua iei ma fakatino na Taki mo te Pulepule Lelei | 7/7 | Io | 50 | 100 | | |
| 2: Fakamakeke atili na Hihitemi Pulepule ma na Fekuiakiga | GG2i: Toe fakafou uma na Taki ona galuega ki te TPS | Atun. – 271 Nuk. – 106 | Heai | 73% | 78% | | |
| | GG2ii: Mataeke ma na Nuku kua iei na: <ul style="list-style-type: none">• Peleni Takiala.• Peleni Galue Tauhaga. | 13/13 13/13 | Io | 64 | 100 | | |
| | GG2iii: Maea te fakatotoka ma holo tonu na Lipoti Huketuhu | 3 | Io | 100 | 100 | | |
| | GG2iv: Koleniga ma na akoakoga mo te Iloa Fakapitoa mo te TPS. | Mat. – 34 Nuku. – 0 | Heai | 64 | 77 | | |
| | GG2v: He Ata ote Fauhaga ote Malo | | Ko heki tuku | 55 | 55 | | |

| | | | | | |
|--|---|-------|-----------|-----------|--|
| | | maia* | | | |
| GG2vi: Hihitemi mo na Fakamatalaga kua iloilo ma toe fakatulaga tonu. | 2 | No | 18 | 15 | |
| Fakatinoga katoa ona ikuga ina tauhaga e lua (%) | | | 54 | 54 | |

Matauga:

- E 2 oioti ia taketi na auhia. E 4 eiei na fakatinoga ki ei, kae e 2 ia fakaililo e manakomia vave ni galuega ki ei. E fokotahi e heki iein hakilikiliga na fai ki ei ite piliota nei.
- E tuha ai ma te fakamalohia atili ona fakalapotopotoga Taupule, e heki iein ni avanoa ke fakalelei atili ai to latou mafai. Oioti te koleniga na fai agai ki na Hihitemi Tulafono ma Fakamahinoga. E foliga mai ko na Takiala mo na Fakalapotopotoga Pulepule, Taki ona galuega ma te tuhi taki mo na fakatinoga kua maea kae e hei he tulaga e fakavavevave ai te fakafouga mo te fakaaogagia mo na fakatinoga ona galuega.
- E lahi foki na galuega e manakomia ke fakamakeke atili ai na hihitemi pulepule ma na fekuiakiga. Peleni Galue Taki Tauhaga kua fakamateagia ko he vaega e vaivai katoa ai te Kaufaigaluega Tautua. E ui ko te fakaililo tenei e auhia ite fakaikuga ote piliota tenei, kae e mahani e maea te tapenaga i lototonu ote tauhaga. Ko te vaega tenei e mahani ai foki oi faka-faigata ai ke lipoti agai ki te taketi taki tauhaga.
- Ko te atiakega ote lloa Fakapitoa ko he vaega e foliga e manakomia lahi e na nuku kae e foliga ko na Mataeke ate Malo e kikila mo ni ietahi avanoa ke atiake ai a latou tino faigaluega.
- Ko he tahi vaega e manakomia ke kikila totoka ki ei ko na Hihitemi Fakamatalaga Pulepule (fakatinoga e 15%). Vagana ai te mataeke ote Tupe ma te Teletok, ko ietahi mataeke ma na nuku e hei ni a latou hihitemi talafeagai ke fakamaumau, teu ma maua ai na fakamatalaga ma na fakamaumauga ke mafai ai ke maua ni lipoti lelei ma ni iloiloga.
- Ata Fauhaga: Ko te taketi tenei atonu ko he vaega faigofie mo te Ofiha ote Komihi ma Tagata Faigaluega ke auhia.

2.3 Atiakega o Tagata (HD)

| Ikuga | Fua | Taimi nei (2017/2018) Ikuga | | Fakatinoga ke Auhia na Taketi ote TNSP (%) | | | |
|---|--|-----------------------------|-------------------|---|------------|------------|------------|
| | | Numela | Auhia Taketi | Tauhaga 1 | Tauhaga 2 | Tauhaga 3 | Tauhaga 4 |
| 1: Tautuaga e hili atu te lelei ma taugofie | HD1i: Kua tapena he hihitemi ke iloilo ai na tautuaga ite TPS katoa | Mataeke. – 5/10 Nuku. – 1/3 | Heai | 45% | 46% | | |
| | HD1ii: Pahia he fakatulagaga totogi e nafatia ite kaufaigaluega tautua | E heki hakilikilia | | E heki hakilikilia | | | |
| 2: Fakalelei atili na vaega ke auhia ite Ola Malolo ma te Akoga | HD2i: Ahiahiga I te Falemai | E heki maua mai | | E heki maua mai | | | |
| | HD2ii: Tino faigaluega ola malolo kua koleni lelei | 42/42 | Io | 75% | 100% | | |
| | HD2iii: Tino tauale huka fou (Itukaiga 2) | 7 | | E heki maua | | | |
| | HD2iv: Kaiga kua maua ni tane vai fou ma lelei atu | E heki hakilikilia | | E heki hakilikilia | | | |
| | HD2v: Aofaki o tamaiti akoga ite: | | | Maulalo | Maulalo | Maulalo | Maulalo |
| | Fakatakitaki | 36 | | 266 | 111 | | |
| | Tauhaga 1-8 | 75 | | Tulaga Lua | Tulaga Lua | Tulaga Lua | Tulaga Lua |
| | | 150 | | 148 | 240 | | |
| | | Tauhaga 12-13 | 90 | | | | |
| | HD2vi: Tokalahi kua maea na akoga maualuluga | 63 | E heki fakatulaga | E toka 41 na fakauku ite va o lulai 1, 2016 – Iuni 30, 2018 | | | |
| | HD2vii: Faiakoga paahi | 70 | Heai | 86% | 83% | | |
| | HD2viii: Lehitala kite Polokalame TVET | 17 | E heki fakatulaga | 12 | 17 | | |
| | HD2ix: Levolo ote mafai ke faitau ite | E heki maua mai | | 37% | E heki | | |

| | | | | | |
|----------------------------------|--|---|-----------------|--------------|--|
| | | | | | |
| | tauhaga 4 Levol ote mafai ke faitau ite tauhaga 6 6 Mafai ite numela tauhaga 4 Mafai ite numela tauhaga 6 | | 53% | maua mai | |
| | | | E heki maua mai | | |
| | | | E heki maua mai | | |
| 3: Nuku e fakavae ite aganuku | HD3i: Fakatinoga ate Komihi ote Gagana Tokelau | 0 | Heai | 0% 0% | |
| | HD3ii: Fakatinoga ki te Peleni Taki mo na Galuega Taulima ma te Aganuku | 0 | Heai | 0% 0% | |
| | HD3iii: Fakatino ni akoakoga / koleniga mo/ma fakatahi atu ki ei na hui mai na fakalapotopotoga fakanuku | 3 | Io | 100% 100% | |
| | Fakatinoga katoa ote tauhaga mo na auhiaga e 3 (%) – e he afia ai te HD1ii, HD2i, HD2iii, HD2iv, HD2v, HD2vi, HD2ix | | 34 50 | | |

Matauga:

E 14 ia fakailoilo ite Taki tenei; 2 kua auhia, 3 ko heki auhia, 1 kua matua lahi na fakatinoga e fai ki ei, 3 e heki maua mai ni fakamaumauga, 2 e heai ni taketi patino (hakilikiliga o te aofaki hako o kilatou kua maea mai) e 2 e heki iei ni fakatinoga

E lua vaega taua ote Hini Taki tenei:

- Lava lelei ia tagata faigaluega ke fakatinoa ni tautuaga lelei
- Nofonofoga lelei e fakavae ina talitonuga faka-lotu vena ma te fakamalohia ona Talitonuga Faka-aganuku.

E tuha ai ma te lelei ma te taugofie ona tautuaga ko na fakailoilo taua ko te lloiloga ona Tautuaga ma te pahia o he fakatutuuga totogi fou. E tatau ke takua manino pe vehea ona fua ma hakilikili na fakatinoga o he fakatutuuga totogi fou. Ko te Ola Malolo ma te Akoga ko ni mataeke taua e fai pea ki ei na hakilikiliga. Ko na mataeke ienei e auhia ni taketi taua, kae e fakafaigata ke maua mai ai ni fakamaumauga taua ke fua ai ala fakatinoga.

Ko he vaega fakapopolegia ko te heai o he agai ki mua on galuega fakatino ki te Komiti ote Gagana Tokelau ma te Peleni Taki mo na Meataulima ma te Aganuku. Ko te vaega tenei na manino lelei te fakamateagia ko ni vaega e fakamuamua. Kua takimua na nuku ite vaega tenei.

2.4 Galuega Atiake Lalahi (ID)

| Ikuga | Fua | Taimi nei (2017/2018) Ikuga | | Fakatinoga ke Auhia na Taketi ote TNSP (%) | | | |
|---|---|----------------------------------|--------------|--|-----------|-----------|-----------|
| | | Numela | Auhia Taketi | Tauhaga 1 | Tauhaga 2 | Tauhaga 3 | Tauhaga 4 |
| 1: Ni auala felakuakiga e haogalemu, fakamoemoegia ma nafatia | ID1i: Tulaga haogalemu mo te <i>Mataliki</i> | Maea | | 100% | 100% | | |
| | ID1ii: Fakatinoga ote peleni hikitia mai ote pulepulega ma te fakafoega ote MV <i>Mataliki</i> . | Holo lelei na fakatinoga | | 100% | 100% | | |
| | ID1iii: Fakatinoga ote toe fakalelei ona ava | Holo lelei na fakatinoga | | 100% | 100% | | |
| | ID1iv: Tonus ki te koga e tu ai te malae vakalele ma na fakatinoga ki te peleni/talohaga mo he fakatupega mo te malae vakalele. | Ko I fakatino ki ei na talanoaga | | 0% | 0% | | |
| 2: Galuega telefoni lalahi e fakamoemoegia ma lelei katoatoa (afia ai ma na telefoni taukave) | ID2i: Maua e kaiga na tautuaga tau telefoni taukave. | 374 | lo | 100% | 100% | | |
| | ID2ii: Kaiga e maua ni tautuaga tau initaneti fakamoemoegia. | 348 | lo | 100% | 100% | | |
| | ID2iii: Fakahetonu lipotia ki na tautuaga telefoni fekaveaki ma te initaneti | 0 | lo | 100% | 100% | | |
| 3: Aheta tau galuega lalahi e taukikila fakalelei kae ke mataloa ai te fakaogaaga | ID3i: %pahene ote vaegatupe e fakamatuku mo te fakatinoga ote peleni mo te pulepulega ona aheta | 1 | lo | 100% | 100% | | |
| 4: Lava te mafai ote malohiaga ke fakamaliegia na manakoga talafeagai | ID4i: Haohaoa ote faka-eletihega (tagaki ki lalo) | Tauhaga Hapalai (kW) | | | | | |

| | | | | | | |
|--|--|---|----------------------------|---------------------------------------|------|--|
| | Kua maua uma e kaiga, e hakilikili ite taimi nei te aofaki ote hapalai taki vaaho | 2016 2017 2018 | 27,288 29,056 32,550 | | | |
| | ID4ii: Pe ote paaoa | 31 | lo | 7-9 | 31 | |
| 5: He ofiha fou I TALO e fetaui ma na manakoga kua fakaaoaga | ID5i: Fakatinoga ite ofiha I TALO – Apia, e tuha ai ma te peleni galue. Maea ite 2020 | 1 | lo | 100% | 100% | |
| 6: Kua lelei atili na aheta lalahi ana nuku e fehoahoani te fakatinoga ona tautuaga & ma te tulaga lelei ote olaga | ID6i: Fuainumela ona polokalame galuega lalahi ina nuku (e tuha ai na AWP) na galulue ki ei ite piliota tenei (fakatino/fakaauau/Maea) | AA – 8, NN – 4, FF – 7 E he ko na galuega ko ni polokalame Galuega Lalahi ma e he kona galuega uma foki ko ni vaega ote AWP | | E he fakamoemoegia na fakamaumauga | | |
| Fakatinoga katoa ote tauhaga mo na auhiaga e 4 (%), e he afia ai te ID4i ma te ID6i | | | | 77 | 80 | |
| Matauga: | <ul style="list-style-type: none"> Ko na Polokalame Faka-Atunuku ona Galuega Lalahi e holoholo lelei. Ko na tautuaga Fakavaitaimi ite ea ko he fakaililo kua fakaheai ma kua kave kehe ma e fakaauau pea na talanoaga ma Niuhila. Ko na fehokotakiga telefoni e holoholo lelei e tuha ai ma tana peleni taki ma te peleni galue. E heki ei ni fakahetonu tau fehokotakiga na lipotia mai ite piliota tenei. (e manakomia ke fakamaonia). Na maua na fakamaumauga agai ki na fakaililo ote malohiaga ma kua auhia. Ko te fakaililo e hakilikili agai ki ei ite taimi nei ko te levolo tau manakoga (fakaaoagaaga) fakatuhatuha ki te mafai ke hapalai. Ko na fakaililo muamua ote Pulepulega ona Aheta kua auhia. E manakomia ite taimi ke tagaki ki te fakataunukuga ote Peleni mo te Pulepulega ona Aheta. Ko te fakaililo tenei e manakomia ke malilie ki ei te Malo Fakaauau. Ko na Polokalame Galuega a na nuku ko he vaega e mautinoa te faigata ke tautuku fakalelei. E matua taigole te mafai ina nuku ke pulepule ma taupule na polokalame galuega. Kua faigata ai ke takua na fakatinoga ma te tulaga kua iei ai nei na galuega. E iei foki na fakafehili ki to latou mafai ke tautuku lelei na fakafanoga tupe tau ki na polokalame galuega. E fakaleleia te vaega tenei e ala mai ina koleniga tau Pulepulega ona Polokalame. | | | | | |

2.5 Fakatumaugia te Agai ki Mua ote Tamaokaiga (SS)

| Ikuga | Fua | | Taimi nei (2017/2018) Ikuga | | Fakatinoga ke Auhia na Taketi ote TNSP (%) | | | |
|---|--|--|--------------------------------|--------------|---|-----------|-----------|-----------|
| | | | Numela | Auhia Taketi | Tauhaga 1 | Tauhaga 2 | Tauhaga 3 | Tauhaga 4 |
| 1: Fakatumaugia te agai ki mua ote Tamaokaiga o Tokelau ite lumanaki | SS1i: Fakatinoga ki te fakavaega ote Ofiha Pulepule mo Faigafaiva SS1ii: Levolo ote tupe maua mai te Hone Fagota o Tokelau e ologatahi ma te aofaki matemate a te Ofiha Pulepule o Faigafaiva | | 1 US\$11.5 million | Io Io | | | | |
| Fakatinoga katoa ote tauhaga mo te auhiaga e 1 (%) | | | 100 | 100 | | | | |
| Matauga: | | | | | | | | |
| <ul style="list-style-type: none"> Ko te Ofiha Pulepule mo Faigafaiva kua fakavae ma ko te Aofaki ote Tupe Maua mai e fetaui tonu ma te taketi. E ono manakomia ke toe kikila mo ni fakailoilo ma ni taketi e lautele atu mo te Ofiha Pulepule mo Faigafaiva ite lumanaki. Atonu e lelei ke fakatulaga ni ietahi taketi tau tupe maua mai ki te Mataeke o Atiakega ote Tamaokaiga, Koa Fakatenatula ma te Hikomaga f.t. \$50,000 ite tauhaga tupe 2018/19. | | | | | | | | |

3.0 FAKAIKUGA

Huiga ote Tau e lelei ana fakatinoga ma e iei na atiakega taua e kikila atu nei ki ei.

Pulepule Lelei e fakaauau pea ko he vaega e lahi tonu fakapopolegia ite kaufaigaluega tautua katoa – ina nuku ma te malo (ko na fakamatalaga auiliili ki na mataeke ma na nuku e maua atu ina Pepa Fakaopoopo). E galulue fakapaaga nei ma te UNDP ke fakatino he polokalame Pulepule Lelei ke:

1. Fakamakeke atili na Fakalapotopotoga Pulepule

- Polokalame Koleniga
- Toe fakatulaga tonu na Pepa mo na Fakatinoga

2. Fakamakeke atili na Hihitemi Pulepule & Fekuiakiga

- Peleni ni koleniga
- Fakamatea ni avanoa/aulala ki mua ke fakalelei atili ai te Iloa Fakapitoa
- Toe iloilo na manakoga tau Hihitemi Fakamaumau ona Fakamatalaga ina vaega uma ote Kaufaigaluega Tautua a Tokelau
- Pulepulega ona Polokalame

Atiakega o Tagata e iei na vaega e feta ma te fakamakeke atiliga ona Hihitemi Pulepule ma na fekuiakiga ite Pulepule Lelei ma e iei na koleniga e kikila atu nei ki ei ke fakataunuku.

E tumau pea te tulaga fakapopolegia ona fakatinoga a na vaega taua iei ote Ola Malolo ma te Akoga, kae e mafua tenei tulaga ona ko te he tulaga tonu ona hihitemi fakamaumau e afaina ai te mafai ke toe lipoti mai ina galuega fakatino.

Ko te Aganuku ko he vaega na manino lele te fakamatea ko he fakamuamuaga a Tokelau ite Peleni 4 Tauhaga. Kae e matua heai ni fakatinoga ite vaega tenei. E fautuagia mo te Malo Fakaauau ma te Fono Fakamua ke fakatatia ni tiute ma ni galuega mo te fakatinoga ona fakailoilo ienei. E fakamalohia foki na nuku ke tuku ifo te vaega tenei ki loto o a latou peleni galuega takitahi.

Galuega Atiakega Lalahi. Ite levolo ote atunuku ko na polokalame tau Felakuakiga ma te Tautuaga Lagolago e holoholo lelei ke maea lelei ite taimi fakatulagagia. Ko te Mataeke o Felakuakiga ma Tautuaga Lagolago e fakaauau pe manakomia o ana tautuaga ma ietahi taimi e mataugia ai na fakafitali tau tupe ke fakamaliega ai na manakoga e lahi ietahi e feta ienei manakoga. E ui teia, e fakaauau pea te auhia o ietahi taketi taua ma holo tonu na fakatinoga mo te 2020.

Ko te Malohiaga ma te Teletok e manakomia foki ke fakalahi atili na mafai ona ko te fakaauau pea ke lahi atu na manakoga. Ite taimi nei e lahi na galuega atiake lalahi e peleni ke fakatino nei fakatahi ai ma te Uaea i lalo ote Tai ma ietahi malohiaga mai te la ma te polokalame ote paoa e maua mai te havili.

E he matua manino lelei te ata ona Galuega Atiakega Lalahi ina Nuku. Ko te pulepulega ma te peleniga ona polokalame e fakatino nei ini auala e he holotonu fakatahi ai ma te he lava o tagata faigaluega ma te he tumau pea te maua ona hapalai ma na auala tau felakuakiga, vena foki ma te he lelei on mafai tau pulepule ona galuega. Ko te Peleniga ma te Pulepulega ona Galuega ko ni vaega e manino te manakomia ai oni koleniga mo tagata faigaluega ona nuku.

Fakatumaugia pea te Agai ki Mua ote Tamaokaiga. Ko te Ofiha Pulepule mo Faigafaiva kua maea lelei tona fakavaega ma te mafai o tana kaufaigaluega. E fakaauau pea foki te fauhia ma te fakatumaugia a na hokotaga lelei ma ana paaga mai fafo. Kua iei te maliliega a te Minihita mo Faigafaiva a Tokelau ma te Ulu-Fakatonu ki he Pepa Galuega ma ko he kamataga tena kua tau aata mai ai te fakaauau pea na tulaga Taupule/Pulepule o Tokelau mo tona Hone Fagota.

PEPA FAKAOPPOOPO

A. KIKILAGA LOLOTO

A.1 HUIGA OTE TAU

| LAULAU CC1i: Koleniga ma na polokalame fakalauiloa mo na nuku (Fakailoilo TNSP – CC1i) | | | | |
|--|--------------------------------|--------------------------------|---|---|
| Mataeke e gafa ma ia | Mataeke Huiga ote Tau | | Tamaokaiga, Koa Fakatenatula & Hikomaga | |
| Piliota Lipoti | Muamua | Lua | Muamua | Lua |
| Numela | 2 | 1 | | 4 |
| Fekau Kautu | 1. TePapa 2. Kona ote moana | Lofia ona koga lalata kite tai | | 1. Aho Fakalauiloa mo te Hikomaga 2. Pulepulega ote Vai & Hikomaga 3. Haogalemu ote hikomaga 4. TISSAP |
| Ko ai e manuia ai | E he takua manino | Nuku uma e 3 | | Nuku uma e 3 |
| Vaegatupe | E he takua manino | NZ\$40,776 | | E heki tuku maia |
| Na auhia na taketi mo te tauhaga tupe? | Io | | Io | |

| LAULAU CC1ii: Polihī mo te Hikomaga o Tokelau (Fakailoilo TNSP – CC1ii) | | |
|---|--|---|
| Mataeke e gafa ma ia | Tamaokaiga, Koa Fakatenatula & Hikomaga | |
| Piliota Lipoti | Muamua | Lua |
| Kikilaga Lautele | Fakatinoga ote Iloiloga | Fakatinoga ote Polihī |
| Fakatinoga kua maua | Iloilo ma pahia | Fakatino te polokalame |
| Numela ona polokalame e fakatino | | 4 |
| Vaega e kikila ki ei te polokalame, vaega e manuia ai ma te tau | E he talafeagai. Tagaki ki te laina e hohoko mai | 1. Otaota ke maua ai te malohiaga - Atafu (US\$100,000) 2. Puipuiga ote tuakoi – Nuku e 3 (heki maua te vaegatupe) 3. Pulepulega ote tulaga lelei ote huavai – Nukunonu (NZ\$10,000) 4. Haogalemu ote Meakai – Nuku uma e 3 (e heki maua mai te vaegatupe) |
| Na auhia na taketi mo te tauhaga tupe? | | Io |

| LAULAU CC2i: Peleni Takiala mo te Pulepulega ona Fakalavelave (Fakailoilo TNSP – CC2i) | | |
|---|---|---|
| <i>Mataeke e gafa ma ia</i> | Mataeke ote Huiga ote Tau | |
| <i>Piliota Lipoti</i> | Muamua | Lua |
| <i>Kikilaga Lautele</i> | Fakatinoga mo te falitega ote peleni taki | Fakatinoga mo te falitega ote peleni taki |
| <i>Fakatinoga kua maua</i> | Kua fakatino kae e he manino pe na falite fakalotoifale | Kua iei te tuhituhiga ma ko te toe iloiloga e tuku atu ki he vaega mai fafo. Kua taketi ke fakamaea ia Fepual 2019. |
| <i>Na auhia na taketi mo te tauhaga tupe?</i> | Heai | |

| LAULAU CC2ii: Koleniga mote nofo tapena mo na fakalavelave (Fakailoilo TNSP – CC2ii) | | |
|---|----------------------|---|
| <i>Mataeke e gafa ma ia</i> | Huiga ote Tau | |
| <i>Piliota Lipoti</i> | Muamua | Lua |
| <i>Numela ona koleniga</i> | 1 | 1 |
| <i>Fekau Kautu</i> | E he takua manino | Afa ma na Tai ooko – Pulepule ona Afainaga ona Fakalavelave |
| <i>Ko ai e manuia ai</i> | E he takua manino | Komiti Faka-nuku mo na Fakalavelave Fakafuaheki |
| <i>Tau</i> | E he takua manino | NZ\$12,304.30 |
| <i>Na auhia na taketi mo te tauhaga tupe?</i> | Io | |

| LAULAU CC2iii: Fakatakitakiga mo na fakalavelave (Fakailoilo TNSP – CC2iii) | | |
|--|----------------------|---|
| <i>Mataeke e gafa ma ia</i> | Huiga ote Tau | |
| <i>Piliota Lipoti</i> | Muamua | Lua |
| <i>Numela ona fakatakitakiga</i> | 0 | 3 (1 ite nuku) |
| <i>Fekau Kautu</i> | E he takua manino | Afa ma na Tai ooko – Pulepule ona Afainaga ona Fakalavelave |
| <i>Na fakatino I fea?</i> | E he takua manino | Nuku uma e 3 |
| <i>Tupe</i> | E he takua manino | Tuku ki loto ote tau o na koleniga mo na tapenaga m na fakalavelave |
| <i>Na auhia na taketi mo te tauhaga tupe?</i> | Io | |

| LAULAU CC: Fakatinoga agai ki na auhiaga ote Huiga ote Tau | | | | | |
|--|---|--|-----------------------|---|------|
| Auhiaga # | Fakamatalaga | | Aofaki ona fakailoilo | Aofaki ona fakailoilo kua auhia na taketi | % |
| 1 | He hikomaga mo Tokelau e fai fakalelei ma pulepule lelei | | 2 | 2 | 100% |
| 2 | Ke fakamakeke atili te mafai ke tautali atu ki na afainaga ote huiga ote tau ma ietahi vaega fakapokepoke | | 3 | 2 | 67% |
| Fakatinoga katoa ote Tauhaga Tupe 2017/2018 | | | | 83% | |

A.2 PULEPULE LELEI

| LAULAU GG1i: Akoakoga pe koleniga mo te Pulepule Lelei (Fakailoilo TNSP – GG1i) | | | | | | | | | | | | |
|---|-------------------|-------------------|-----------------|-----------------|--------------------------|-----------------|----------------------|-----------------|-----------------|-----------------|-----------------|-----------------|
| Mataeke e gafa ma ia | EDUC | | OCOG | | TELE | | TSS | | AA | | NN | FF |
| Piliota Lipoti | 1 st | 2 nd | 1 st | 2 nd | 1 st | 2 nd | 1 st | 2 nd | 1 st | 2 nd | 1 st | 2 nd |
| Numela | 1 | 0 | 1 | 3 | 0 | 0 | 1 | 1 | 2 | 0 | 0 | 0 |
| Fekau Kautu | E he takua manino | Tulafono & Leoleo | | | Fekuiakiga Fakalotoifale | | Peleni Galue Tauhaga | | | | Peleni Takiala | |
| Tupe | E heki maua mai | | | | | | | | | | | |
| <i>Na auhia na taketi mo te tauhaga tupe?</i> | Io | Io | Heai | Io | Heai | Heai | Heai | Heai | Heai | Heai | Heai | |

| LAULAU GG1ii: Takiala mo te Pulepule Lelei (Fakailoilo TNSP – GG1ii) | | | | | | | |
|---|---------|------------|---------|------|------|------|------|
| Mataeke | EDUC | OCOG | TELE | TSS | AA | NN | FF |
| Eiei? | Io | Io | Io | Io | Io | Io | Io |
| Toe fakafou ite 2 tauhaga kua teka? | Io | Heai | Io | Heai | Io | Heai | Heai |
| Vaega na kikila ki ei (Tagaki ki na fakamatalaga i lalo) | 1, 2, 3 | 1, 2, 3, 4 | 2, 3, 4 | 1,5 | 1, 4 | 1, 3 | 1, 2 |
| Na kikila ki ei ina fonotaga? | Io | Io | Io | Io | Io | Io | Io |
| <i>Na auhia na taketi mo te tauhaga tupe?</i> | Io | Io | Io | Io | Io | Io | Io |
| Vaega e afia loto ote takiala e fakanumela atu: | | | | | | | |
| 1. Tukutukuga mo na hui; 2. E vehega ona fakafoe na fonotaga; 3. E vehega ona fakamaumau na minute; 4. E vehega ona tuliloa na tonu fai; | | | | | | | |

| LAULAU GG2i: Pepa Faigaluega a Tagata Faigaluega ina Mataeke (JDs) (Fakailoilo TNSP – GG2i) | | | | | | | | | | |
|--|-----|-------|------|------|-----|------|------|------|------|------|
| Mataeke | CCU | EDNRE | EDUC | ENER | FMA | FINA | HEAL | OCOG | TSS | TELE |
| <i>Aofaki o tagata faigaluega</i> | 3 | 17 | 65 | 2 | 8 | 11 | 43 | 15 | 45 | 17 |
| <i>Aofaki eiei na pepa faigaluega</i> | 3 | 17 | 12 | 2 | 8 | NS | 43 | 15 | 35 | 17 |
| % JDs | 100 | 100 | 18 | 100 | 100 | 85% | 100 | 100 | 78 | 100 |
| <i>Na auhia na taketi mo te tauhaga tupo?</i> | Io | Io | Heai | Io | Io | Heai | Io | Io | Heai | Io |
| NC – E he takua manino mai ona ko te mataeke eiei na fakatulagaga e fakatino nei ki ei | | | | | | | | | | |

| LAULAU GG2i: Tagata faigaluega ona nuku eiei na pepa faigaluega (Fakailoilo TNSP – GG2i) | | | |
|---|------|------------|------|
| Nuku | AA | FF | NN |
| <i>Aofaki o tagata faigaluega</i> | 43 | 56 | 37 |
| <i>Aofaki eiei na pepa faigaluega</i> | 40 | E he takua | 27 |
| % Pepa Faigaluega | 93 | E he takua | 73 |
| <i>Na auhia na taketi mo te tauhaga tupo?</i> | Heai | Heai | Heai |

| LAULAU GG2ii: Fakatinoga ona Peleni Taki & Peleni Galue Tauhaga (Fakailoilo TNSP – GG2ii) | | | | | | | | | | |
|---|---------------------------|------------------|---------------------------|---------------------------|---------------------------|---------------------------|---------------------------|---------------------------|---------------------------|---------------------------|
| Mataeke | CCU | EDNRE | EDUC | ENER | FMA | FINA | HEAL | OOCOG | TSS | TELE |
| Kua iei he Peleni Taki & Peleni Galue Tauhaga? | Io | Io | Io | Io | Io | Io | Io | Io | Io | Io |
| Lipoti ona galuega kua fakatino? | Io, kae e heki fakamaonia | Heai | Io, kae e heki fakamaonia | Io, kae e heki fakamaonia | Io, kae e heki fakamaonia | Io, kae e heki fakamaonia | Io, kae e heki fakamaonia | Io, kae e heki fakamaonia | Io, kae e heki fakamaonia | Io, kae e heki fakamaonia |
| Na fakatalanoa na paaga ite taimi na falite ai? | Io | Io | Io | Io | Io | Io | Io | Io | Io | Io |
| E holotonu na galuega ote Peleni Galue Tauhaga P? | Hilia atu ite 50% | Lalo ifo ote 50% | Hilia atu ite 50% | Lalo ifo ote 50% | Hilia atu ite 50% | Hilia atu ite 50% | Lalo ifo ote 50% | Lalo ifo ote 50% | 100% | Lalo ifo ote 50% |
| Kua falite te Peleni Galue Tauhaga e hohoko? | Heai | Io | Io | Io | Io | Heai, e tapena nei | Heai | Io | Io | Io |
| Na auhia na taketi mo te tauhaga tupe? | Io | Io | Io | Io | Io | Io | Io | Io | Io | Io |

| LAULAU GG2ii: Fakatinoga ona Peleni Taki & Peleni Galue Tauhaga (Fakailoilo TNSP – GG2ii) | | | |
|---|-------------------|-------------------------|-------------------------|
| Nuku | AA | FF | NN |
| Kua iei he Peleni Taki & Peleni Galue Tauhaga? | Io | Io | Io |
| Lipoti ona galuega kua fakatino? | Heai | Io, kae e he fakamaonia | Heai |
| Na fakatalanoa na paaga ite taimi na falite ai? | ND | Io | Io |
| E holotonu na galuega ote Peleni Galue Tauhaga? | Hilia atu ite 50% | Hilia atu ite 50% | E he i lalo ifo ote 50% |
| Kua falite te Peleni Galue Tauhaga e hohoko? | Heai | Heai | Heai |
| Na auhia na taketi mo te tauhaga tupe? | Io | Io | Io |

| LAULAU GG2iii: Lipoti Huketuhi ate Malo (Fakailoilo TNSP – GG2iii) | |
|--|--|
| Mataeke e gafa ma ia | TUPE |
| E holotonu ke maea uma na lipoti tipe ate malo ko heki pahia nei? | Io |
| Auhia na taimi fakatulaga | Ko na lipoti huketuhi e pahia uma ia Mati 2019 fakatahi ai ma te tuku maiga ona lagona mo te 2015-2017, ma pahia ai te Tauhaga Tupe 2018 |
| Na auhia na taketi mo te tauhaga tupe? | Io |

| LAULAU GG2iv: Koleniga mo te Atiakega ote Iloa Fakapitoa (PDT) (Fakailoilo TNSP – GG2iv) | | | | | | | | |
|--|-----------------|--|---|------------------------------------|----------------------------------|--|--|-----------------|
| Mataeke | HUIGA OTE TAU | | EDNRE | | AKOGA | | MALOHIAGA | |
| Piliota Lipoti | 1 st | 2 nd | 1 st | 2 nd | 1 st | 2 nd | 1 st | 2 nd |
| Numela | Hilia atu ite 4 | 2 | Hilia atu ite 4 | 1 | Hilia atu ite 4 | 3 | 1 | 2 |
| Fekau Kautu (na fakatino I luga o fenua pe ihe tahi koga) | NS | <ul style="list-style-type: none"> Pulepulega ona Fakalavelave (fafo) Ulufale – aganuku/FF (lotoifale) | Tino faigaluega mai na vaega takitahi kua fakatino ni koleniga atiake ite iloa fakapitoa pe fakatahi atu ki ni koleniga na fakaofe e ni fakalapotopotoga ate Pahefika (CROP). | E lahi lava ina iloa faka-tikitaki | Peleniga ona lehona & kalikalama | Toe fakalelei te iloa ma na galuega fakatino ite malohiaga mai te la | Iloa tau ki na tuhituhiga & fakatinoga tau te eletihe (fafo) | |
| Tau | NS | NZ\$6,600 | NS | NS | NS | NS | NZ\$10,000 | |
| Na auhia na taketi mo te tauhaga tupe? | Io | | Io | | Io | | Io | |

| LAULAU GG2iv: Koleniga mo te Atiakega ote Iloa Fakapitoa (PDT) (Fakailoilo TNSP – GG2iv) | | | | | | | | |
|--|--|-----------------|-----------------|-----------------|---|-----------------------|---|----------------------------|
| Mataeke | FAIGAFAIVA | | TUPE | | OLA MALOLO | | OCOG | |
| Piliota Lipoti | 1 st | 2 nd | 1 st | 2 nd | 1 st | 2 nd | 1 st | 2 nd |
| Numela | 0 | 7 | 1 | 0 | Hilia atu ite 4 | 2 | 2 | 3 |
| Fekau Kautu (na fakatino I luga o fenua pe ihe tahi koga) | Ko na polokalame na fakafoe e na fakalapotopotoga ate Pahefika kae ko te vaega ki na apaika na fakatupe lava fakalotoifale | | NS | | E lahi lava ko ni hukehukega ina akoga maualuluga e kui ini polokalame lotofale | Vailakau faka-falemai | Atiakega ote mafai tau ki na fuainumela, PMU ma te tulafono | Fakavae uma ki te tulafono |
| Tau | WST5,000 | | NS | | NS | | NS | |
| Na auhia na taketi mo te tauhaga tipe? | Io | | Heai | | Io | | Io | |

| LAULAU GG2iv: Koleniga mo te Atiakega ote Iloa Fakapitoa (PDT) (Fakailoilo TNSP – GG2iv) | | | | | | | |
|--|-----------------|--|--|--|-----------------|--|--|
| Mataeke | TELETOK | | | FELAKUAKIGA MA TAUTUAGA LAGOLAGO | | | |
| Piliota Lipoti | 1 st | 2 nd | | 1 st | 2 nd | | |
| Numela | Hilia atu ite 4 | 10 | | 0 | 4 | | |
| Fekau Kautu (na fakatino I luga o fenua pe ihe tahi koga) | NS | IPV6 ma te malupuipua ona hokotakiga (lotoifale) | | Akoakoga ina polokalame Asycuda mo na koloa, iloilo, PCTrade, Femalagaakiga, BDM/Hitheni | | | |
| Tau | | ND\$3,000 | | | | | |
| Na auhia na taketi mo te tauhaga tipe? | Io | | | Io | | | |

| LAULAU GG2iv: Koleniga mo te Atiakega ote Iloa Fakapitoa(PDT) (Fakailoilo TNSP – GG2iv) | | | | | | |
|--|-----------------|-----------------|-----------------|-----------------|-----------------|-----------------|
| Nuku | ATAFU | | FAKAOFO | | NUKUNONU | |
| Piliota Lipoti | 1 st | 2 nd | 1 st | 2 nd | 1 st | 2 nd |
| Numela | 0 | 0 | 0 | 0 | 0 | 0 |
| Fekau Kautu (fakatino I luga o fenua pe I he tahi koga) | | | | | | |
| Tau | | | | | | |
| Na auhia na taketi mo te tauhaga tipe? | Heai | | Heai | | Heai | |

| LAULAU GG2vi: Hihitemi Pulepule ona Fakamatalaga (Fakailoilo TNSP – GG2vi) | | | | | | |
|--|-----------------------------------|---------------------------------------|-----------------------------|---|---------------------------------------|--|
| Mataeke | CCU | EDNRE | FINANCE | ENER | FMA | |
| Auala e teu ai | Fakamaumauga mo Tagata Faigaluega | Faila, Hihitemi komipiuta e he manino | Komipiuta tu tautahi, Faila | Komipiuta tu tautahi, Faila , Hihitemi komipiuta | Faila, Hihitemi komipiuta e he manino | Komipiuta tu tautahi, hihitemi taukave |
| | Tuhituhiga | Faila, Hihitemi komipiuta e he manino | Komipiuta tu tautahi, Faila | Komipiuta tu tautahi, Faila , Hihitemi komipiuta, initaneti | Komipiuta tu tautahi, initaneti | Komipiuta tu tautahi, hihitemi taukave |
| | Lehitala ona Aheta | E hei ni fakamaumauga | E hei ni fakamaumauga | Komipiuta tu tautahi, initaneti, Hihitemi Teu Tupe | itaneti | Komipiuta tu tautahi, hihitemi taukave |
| E fetau i te fauhaga ite taimi nei? | Heai | Heai | Io | Heai | Heai | |
| E vehe ona fakalauiloa te Peleni Taki ma te Peleni Galue Tauhaga? | Meli uila, Fonotaga, Pepa | Fonotaga | Meli uila, Fonotaga | Meli uila, Fonotaga | Meli uila, Fonotaga | |
| Na auhia na taketi mo te tauhaga tipe? | Heai | Heai | Io | Heai | Heai | |

| LAULAU GG2vi: Hihitemi Pulepule ona Fakamatalaga (Fakailoilo TNSP – GG2vi) | | | | | | |
|---|---|--|---|--|---|---|
| Mataeke | EDUCATION | HEALTH | TELETOK | TSS | OCOG | |
| Auala e teu ai | Fakamaumauga mo Tagata Faigaluega | E hei ni fakamaumauga | Komipiuta tu tautahi, Faila | Hihitemi taukave, Faila, Initani | Komipiuta tu tautahi, hihitemi taukave, Faila | Hei ni fakamaumauga |
| | Tuhituhiga | Komipiuta tu tautahi, hihitemi taukave, Faila | Komipiuta tu tautahi, hihitemi taukave, Faila | Hihitemi taukave, Faila, initaneti | Komipiuta tu tautahi, hihitemi taukave, Faila, E fauhia ite taimi nei he hihitemi | Komipiuta tu tautahi, hihitemi taukave, Faila |
| | Lehitala ona Aheta | Hihitemi taukave | Hei ni fakamaumauga | Komipiuta tu tautahi, hihitemi taukave, Faila, initaneti | Komipiuta tu tautahi, hihitemi taukave, Faila | Paper Files |
| E fetau i te fauhaga ite taimi nei? | Heai | Heai | Io | Heai | Heai | |
| Tulaga e iei ai ite taimi nei te IMS fakatahi ai ma na tau mo na tino e fakaaogagia ye DMBS | Kua iei te eTap e he fakaaoga lelei ite taimi nei. Hao taki | E he galue lelei ona ko te mafai, Hao taki tauhaga - | E galue lelei | E he apalai | | |

| | | | | | |
|--|-----------------------|---------------------|---------------------------|---------------------|---------------------|
| | tauhaga e – NZ\$4,000 | \$NZ30,400 | | | |
| <i>E vehe a ona fakalauiloa te Peleni Taki ma te Peleni Galue Tauhaga?</i> | Meli uila, Fonotaga | Meli uila, Fonotaga | Meli uila, Fonotaga, Pepa | Meli uila, Fonotaga | Meli uila, Fonotaga |
| <i>Na auhia na taketi mo te tauhaga tupe?</i> | Heai | Heai | Io | Heai | Heai |

| LAULAU GG2vi: Hihitemi Pulepule ona Fakamatalaga (Fakailoilo TNSP – GG2vi) | | | | | |
|---|--|---------------------------|---|---|---|
| Nuku | | AA | FF | NN | |
| <i>Auala e teu ai</i> | <i>Fakamaumauga mo Tagata Faigaluega</i> | | Komipiuta tu tautahi, Faila | Komipiuta tu tautahi, hihitemi taukave, Faila | Komipiuta tu tautahi, Faila |
| | <i>Tuhituhiga</i> | | Komipiuta tu tautahi, hihitemi taukave, Faila, Faila e fai fakatahi ma he tahi vaega I luga ote initaneti | Komipiuta tu tautahi, hihitemi taukave, Faila | Komipiuta tu tautahi, hihitemi taukave, Faila |
| | <i>Lehitala ona Aheta</i> | | E he fakamaumauga | Komipiuta tu tautahi | E he fakamaumauga |
| <i>E fetau i te fauhaga ite taimi nei?</i> | | Heai | Heai | Heai | Heai |
| <i>E vehe a ona fakalauiloa te Peleni Taki ma te Peleni Galue Tauhaga?</i> | | Meli uila, Pepa, Fonotaga | Meli uila, Fonotaga | Meli uila, Fonotaga | Meli uila, Fonotaga |
| <i>Na auhia na taketi mo te tauhaga tupe?</i> | | Heai | Heai | Heai | Heai |

| LAULAU GG: Fakatinoga agai ki na Auhiaga ote Pulepule Lelei | | | | | | |
|--|---|---|--|---|------------------------------|-------------------------|
| Auhiaga # | Fakamatalaga | Aofaki ona Fakailoilo | Aofaki ona mataeke e gafa ma ia | Aofaki ona mataeke kua auhia na taketi | % | Faka-katoaga (%) |
| 1 | Fakamakeke atili na fakalapotopotoga pulepule | 1 – GG1i 2 – GG1ii | 7 7 | 3 7 | 43 100 | 71 |
| 2 | Fakamakeke atili na hihitemi ma na fekuiaikiga pulepule | 1 – GG2i 2 – GG2ii 3 – GG2iii 4 – GG2iv 5 – GG2vi | 13 13 1 13 13 | 7 13 1 10 2 | 54 100 100 77 15 | 50 |
| Fakatinoga katoa ote Tauhaga Tupe 2017/2018 | | | | | | 54 |

A.3 ATIKEGA O TAGATA

| LAULAU HD1i: Iloiloga ona Tautuaga (Fakailoilo TNSP – HD1i) | | | | | | | | | | |
|---|-----|-------|------|------|------|------|------|------|------|------|
| Mataeke | CCU | EDNRE | EDUC | ENER | FMA | FINA | HEAL | OCOG | TSS | TELE |
| <i>Na fakatino ni iloiloga?</i> | Io | Io | Io | Heai | Heai | Heai | Io | Heai | Heai | o |
| <i>Aofaki o tagata faigaluega na iloilo?</i> | 1 | 2 | 59 | 0 | 0 | 0 | 2 | 0 | 0 | 2 |
| <i>% na iloilo</i> | 50 | 12 | 91 | 0 | 0 | 0 | 5 | 0 | 0 | 100 |
| <i>Na auhia na taketi mo te tauhaga tipe?</i> | Io | Io | Io | Heai | Heai | Heai | Io | Heai | Heai | Io |

| LAULAU HD1i: Iloiloga ona Tautuaga (Fakailoilo TNSP – HD1i) | | | |
|---|------|-----|------|
| Nuku | AA | FF | NN |
| <i>Na fakatino ni iloiloga?</i> | Heai | Io | Heai |
| <i>Aofaki o tagata faigaluega na iloilo?</i> | 0 | 15 | 0 |
| <i>% na iloilo</i> | 0 | 27% | 0 |
| <i>Na auhia na taketi mo te tauhaga tipe?</i> | Heai | Io | Heai |

| LAULAU HD2i: Ahiahi ki te falemai (Fakailoilo TNSP – HD2i) | |
|--|----------------------------------|
| Mataeke e gafa ma ia | OLA MALOLO |
| <i>Aofaki ona ahiahiga – aofaki a te falemai</i> | |
| <i>Tauale tokalahi</i> | |
| <i>% tau ki na tauale e he pipihi (NCD)</i> | Heai ni fakamaumauga na tuku mai |
| <i>Aofaki ona tauale na hikitia ki fafo</i> | |
| <i>Tau katoa ona tauale hikitia ki fafo</i> | |
| <i>Na auhia na taketi mo te tauhaga tipe?</i> | ?? |

| LAULAU HD2ii, HD 2vii: Aofaki ona faigaluega kua koleni fakapitoa (Fakailoilo TNSP – HD2ii ma HD2vii) | |
|---|------------|
| Mataeke e gafa ma ia | Ola Malolo |
| <i>Fomai</i> | 3 |
| <i>Teine Fomai Pahi</i> | 13 |
| <i>Teine Fomai (Faka-fanau)</i> | 5 |
| <i>Teine Fomai Fakapitoa</i> | 3 |
| <i>Tino Fehoahoani mo na Polokalame Ola Malolo</i> | 6 |
| <i>Lautele o Tagata</i> | |
| <i>Fomai Nifo</i> | 2 |

| | |
|--|--|
| <i>Dental Therapists</i> | 3 |
| <i>Dental Laboratory Technician</i> | 1 |
| <i>Ofiha Fakapitoa mo te Ola Malolo Lautele o Tagata</i> | 2 |
| <i>Eye technician</i> | 1 |
| <i>Fakahoa mo Tagata Faigaluega</i> | 1 |
| <i>Kaufaigaluega Ofiha</i> | 1 |
| <i>Na auhia na taketi mo te tauhaga tupe?</i> | Io, ona ai ko ni tino faigaluega pahi uma |
| <i>Mataeke e gafa ma ia</i> | AKOGA |
| <i>Faiakoga mo na Vahega Kamata</i> | 6 |
| <i>Tauhaga 1 – 8 Faiakoga</i> | 25 |
| <i>Tauhaga 9 – 11 Faiakoga</i> | 12 |
| <i>Tauhaga 12 – 13 Faiakoga</i> | 12 |
| <i>Pule Akoga & Hui Pule Akoga</i> | 6 |
| <i>Tino Fakahoa mo te USP</i> | 3 |
| <i>Kaufaigaluega Ofiha</i> | 6 |
| <i>Na auhia na taketi mo te tauhaga tupe?</i> | Heai, 89% ni tino faigaluega pahi |

| LAULAU HD2iii: Tauale Huka (Fakailoilo TNSP – HD2iii) | |
|---|---|
| <i>Mataeke e gafa ma ia</i> | OLA MALOLO |
| <i>Aofaki ona tauale na togafitia ite Huka (Type 2) ke pa mai nei</i> | 20 ite fenua |
| <i>Aofaki ona tauale fou na togafitia ite huka (Type 2) talu mai ia lulai 1, 2016</i> | 7 (2 – Atafu, 3 – Fakafo, 2 – Nukunonu) |
| <i>Na auhia na taketi mo te tauhaga tupe?</i> | ?? |

| LAULAU HD2v: Aofaki o Tamaiti Lehitala (Fakailoilo TNSP – HD2v) | |
|--|---|
| <i>Mataeke e gafa ma ia</i> | AKOGA |
| <i>Aofaki o tamaiti ina vahega i lalo</i> | 111 |
| <i>Aofaki ona tamaiti ina vahega maualuluga</i> | 240 |
| <i>Aofaki ona tamaiti kua tukua na akoga</i> | 9 (Atafu – 3, Nukunonu – 4, Fakafo – 3) |
| <i>Na auhia na taketi mo te tauhaga tupe?</i> | ?? |

| LAULAU HD2vi, HD2viii: Hikolahipi mo na akoga maualuluga atu (Fakailoilo TNSP – HD2vi ma HD2viii) | |
|--|---|
| <i>Mataeke e gafa ma ia</i> | AKOGA |
| <i>Aofaki kua fakauku mai talu mai ia lulai 1, 2016</i> | 41 (Akoga – 5, ICT – 3, Ola Malolo, etc - 14, Hikomaga – 6, Galuega Lalahi – 8, |

| | |
|---|---------------------------|
| | Tulafono – 2, letahi – 3) |
| <i>Aofaki o tamaiti e hikolahipi ite taimi nei</i> | 54 (pepa pahi – Masters) |
| <i>Aofaki o tamaiti I luga te polokalame TVET ite taimi nei</i> | 17 |
| <i>Na auhia na taketi mo te tauhaga tupe?</i> | ?? |

| | |
|---|---------------------------------|
| LAULAU HD2ix: Mafai Faitau tuhi ma te Numela (Fakailoilo TNSP – HD2ix) | |
| Mataeke e gafa ma ia | AKOGA |
| <i>Faitau tuhi</i> | |
| <i>Numela</i> | E heki maua mai ni fakamaumauga |
| <i>Na auhia na taketi mo te tauhaga tupe?</i> | ?? |

| | |
|---|-------------------|
| LAULAU HD3i: Komih i ote Gagana Tokelau (Fakailoilo TNSP – HD3i) | |
| Mataeke e gafa ma ia | AKOGA |
| <i>Fakatinoga</i> | Ko heki fakatinoa |
| <i>Na auhia na taketi mo te tauhaga tupe?</i> | Heai |

| | |
|--|-------------------|
| LAULAU HD3ii: Peleni Takiala mo na Meataulima ma te Aganuku (Fakailoilo TNSP – HDHD3ii) | |
| Mataeke e gafa ma ia | AKOGA |
| <i>Fakatinoga</i> | Ko heki fakatinoa |
| <i>Na auhia na taketi mo te tauhaga tupe?</i> | Heai |

| | |
|---|---|
| LAULAU HD3iii: Fakalapotopotoga Fakavae i luga ona Nuku (Fakailoilo TNSP – HD3iii) | |
| Mataeke e gafa ma ia | Ofiha ote Malo Fakaauau |
| <i>Aofaki ona Koleniga mo na Aumaga ma na Fatupaepae</i> | 3 |
| <i>Fekau Kautu</i> | Matakupu tau te tulafono, tulafono faiga palota, mafai ke palota -tino palota, taki ke mafai ai ke kavea ai he tino ma hui ki te Fono Fakamua |
| <i>Tau</i> | E heki tuku maia |
| <i>Na auhia na taketi mo te tauhaga tupe?</i> | Io |

| LAULAU HD: Fakatinoga agai ki na Auhiaaga ote Atiakega o Tagata | | | | | | |
|---|---|--|---------------------------------|--|-----|------------------|
| Auhiaaga # | Fakamatalaga | Aofaki ona Fakailoilo | Aofaki ona mataeke e gafa ma ia | Aofaki ona mataeke kua auhia na taketi | % | Faka-katoaga (%) |
| 1 | Tautuaga e hili atu te lelei ma taugofie | 1 – HD1i (HD1ii ma HD1iii e heki iei ni hakilikiliga ki ei) | 13 | 6 | 46 | 46 |
| 2 | Lelei atili na auhiaga tau ki te Ola Malolo ma te Akoga | 1 – HD2i | 1 | E heki maua mai ni fakamaumauga | | |
| | | 2 – HD2ii | 1 | Io | 100 | |
| | | 3 – HD2iii | 1 | E heki maua | | |
| | | 4 – HD2v | 1 | 37 – vahega maulalolo, 80 – vahega mauluga | | |
| | | 5 – HD2vi | 1 | 41 fakauku talu mai ia lulai 1, 2016 | | |
| | | 6 – HD2vii | 1 | Io | 100 | |
| | | 7 – HD2viii | 1 | 17 | | |
| | | 8 – HD2ix | 1 | Mafai ke faitau tuhi – Tauhaga 4 (L4) ma te Tauhaga 6 (L5) E heki maua ni fakamaumauga ki te mafai ite numela | | |
| 3 | Ko Tokelau e fakavae ite aganuku ma te nonofo fealofani.... | 1 – HD3i | 1 | Heai | 0 | 33 |
| | | 2 – HD3ii | 1 | Heai | 0 | |
| | | 3 – HD3iii | 1 | Io | 100 | |
| Fakatinoga katoa ote Tauhaga Tupe 2017/2018 | | | | | | 34 |

A.4 GALUEGA ATIAKE LALAHİ

| | |
|--|--|
| LAULAU ID1i: Tulaga tau ki te haogalemu ote MV Mataliki ma te MV Kalopaga (Fakailoilo TNSP – ID1i) | |
| Mataeke e gafa ma ia | FELAKUAKIGA MA TAUTUAGA LAGOLAGO |
| Maea? | Io |
| Taimi fakatulagagia mo te hukehukega e hohoko | MV Mataliki – Ianuali 16, 2019 MV Kalopaga – Tehema 31, 2018 |
| Ko na matakupu kua fakatotoka lelei | Io |
| Na auhia na taketi mo te tauhaga tipe? | Io |

| LAULAU ID1ii: Peleni mo te Hikitia mai ote Fakafoega ona Vaka (Fakailoilo TNSP – ID1ii) | |
|--|--|
| Mataeke e gafa ma ia | FELAKUAKIGA MA TAUTUAGA LAGOLAGO |
| <i>Fakatinoga</i> | E holotonu na fakatinoga |
| <i>Taimi fakatulagagia</i> | Fakatahi ai ma te fehoahoaniga mai te NZ Maritime ma te MFAT, ko te tuku fakahekega ote pulepulega ote kaufaigaluega mo te tulaga tau fakapihinihi e fakamoemoe e tuku mai ki Tokelau ia Hetema 1, 2018. |
| <i>Tau mo te hikitia</i> | NZ\$200,000 |
| <i>Na auhia na taketi mo te tauhaga tupe?</i> | Io |

| LAULAU ID1iii: Polokalame Vaka-ki-Gauta (Fakailoilo TNSP – ID1iii) | |
|---|---|
| Mataeke e gafa ma ia | FELAKUAKIGA MA TAUTUAGA LAGOLAGO |
| <i>Fakatinoga</i> | E lahi te toe taofi ki te galuega – maliu o he tino galue ma ietahi galuega ate nuku; kua kamata te galuega a Atafu |
| <i>Taimi fakatulagagia</i> | Atafu – Tehema 31, 2018 Nukunonu – Hetema 30, 2019 Fakafo – Mati 31, 2020 |
| <i>Tupe</i> | NZ\$17 miliona |
| <i>Na auhia na taketi mo te tauhaga tupe?</i> | Io |

| LAULAU ID1iv: Tautuaga ite Ea (Fakailoilo TNSP – ID1iv) | |
|--|---|
| Mataeke e gafa ma ia | FELAKUAKIGA MA TAUTUAGA LAGOLAGO |
| <i>Fakatinoga ki te koga e tu ai te malae vakalele ma te talohaga tipe</i> | E fakaauau ma e kamata te polokalame ite taimi e malilie uma ai na vaega uma. Ko heki iei he fakaikuga ki te polokalame tenei |
| <i>Na auhia na taketi mo te tauhaga tupe?</i> | Heai |

| LAULAU ID2i, ID2iii: Tautuaga tau telefoni taukave (Fakailoilo TNSP – ID2i ma ID2iii) | |
|--|---|
| Mataeke e gafa ma ia | TELETOK |
| <i>Aofaki o tagata e fakaaoga te tautuaga</i> | Atafu – 145 Nukunonu – 117 Fakafo – 112 |
| <i>Galuega toe fakalelei</i> | Taki mahina |
| <i>Tau ona galuega toe fakalelei</i> | NZ\$500 ite mahina |
| <i>E iei ni ietahi fakaleleiga ki na meatotino lalahi e iei ite taimi nei?</i> | Io, ite tau e NZ\$18,000 |
| <i>Aofaki ona fakahetonu ki na tautuaga</i> | 5 |
| <i>Na auhia na taketi mo te tauhaga tupe?</i> | Io |

| LAULAU ID2ii, ID2iii: Tautuaga Tau Initanieti (Fakailoilo TNSP – ID2ii ma ID2iii) | |
|--|--|
| Mataeke e gafa ma ia | TELETOK |
| <i>Aofaki o tagata e fakaaoga te tautuaga</i> | Atafu – 134 Nukunonu – 104 Fakaofo – 110 |
| <i>Galuega toe fakalelei</i> | Ite lua vaiaho |
| <i>Tau ona galuega toe fakalelei</i> | NZ\$1,000 ite lua vaiaho |
| <i>E iei ni ietahi fakaleleiga ki na meatotino lalahi e iei ite taimi nei?</i> | Io, ite tau e NZ\$5,000 |
| <i>Aofaki ona fakahetonu ki na tautuaga</i> | 0 |
| Na auhia na taketi mo te tauhaga tupe? | Io |

| LAULAU ID4ii: Tautuaga tau Paoa (Fakailoilo TNSP – ID4ii) | |
|--|--|
| Mataeke e gafa ma ia | PAOA |
| <i>Aofaki ona pe ote paoa</i> | 18 – lalo ifo ote 15 minute; 8 – hilia atu ite 15 minute kae ei lalo ifo ote 1 itula; 5 – hilia atu ite 1 itula |
| <i>Fakaleleiga ki na poloka e maua ai te paoa</i> | Fakalelei atili te paoa fakaleoleo; fakalelei te potu fakamalulu; fakapipiki na totooga mo te hapalaiga ote paoa; fakalelei atili na totooga mo te huau; hui na moli mo na poloka e maua mai ai te paoa. |
| <i>Galuega toe fakalahi ki na poloka e maua ai te paoa</i> | Fakaopoopo na 3kWp ma na ma 48V mo na nuku uma e tolu |
| <i>Tupe mo te toe fakaleleiga ma toe fakalahiga</i> | E heki maua mai |
| Na auhia na taketi mo te tauhaga tupe? | Io |

| LAULAU ID5i: Ofiha I TALO (Fakailoilo TNSP – ID5i) | |
|---|--|
| Mataeke e gafa ma ia | FELAKUAKIGA MA TAUTUAGA LAGOLAGO |
| <i>Fakatinoga?</i> | Kua maua uma na pemita e manakomia, kua maea na galuega muamua ma kua kamata na galuega ki te fakavae ote fale. E auhia lelei na taimi fakatulagagia |
| <i>Taimi fakatulagia</i> | Maea lelei na fakaaoga ia Oketopa 31 2019 |
| <i>Tupe</i> | NZD\$3.5 million |
| Na auhia na taketi mo te tauhaga tupe? | Io |

| LAULAU ID6i: Polokalame a na Nuku (Fakailoilo TNSP – ID6i) | | | |
|---|-----------|-----------|-----------|
| Nuku (fakamaumauga e heki fakamaonia) | AA | FF | NN |
| <i>Aofaki kua fakatino talu mai ia lulai 1, 2016</i> | 24 | 10 | 4 |
| <i>Aofaki ona polokalame kua toe fakaaaua ki a lulai 1, 2016</i> | 5 | 2 | 1 |

| | | | |
|--|----------|---------|----------|
| Aofaki ona polokalame na maea ite va o lulai 1, 2016 ma luni 30 2018 | 13 | 7 | 2 |
| Peleniga ona polokalame (aofia ma na tau), e fakamaliegia na taki lelei ma fakaaoga te EIA | He lelei | He lele | He lelei |
| Haohaoa e fakamaea ai na polokalame | Feololo | Feololo | Feololo |
| Na auhia na taketi mo te tauhaga tipe? | ?? | ?? | ?? |

| LAULAU ID: Fakatinoga agai ki na auhiaga ona Galuega Atiake Lalahi | | | | | | |
|--|--|-----------------------------|---------------------------------|---|-----|-------------|
| Auhiaga # | Fakamatalaga | Aofaki katoa ona fakailoilo | Aofaki ona mataeke e gafa ma ia | Na auhia na taketi? | % | Katoaga (%) |
| 1 | Ni auala felakuakiga e haogalemu, fakamoemoegia ma nafatia. | 1 – ID1i | 1 | Io | 100 | 75 |
| | | 2 – ID1ii | 1 | Io | 100 | |
| | | 3 – ID1iii | 1 | Io | 100 | |
| | | 4 – ID1iv | 1 | No | 0 | |
| 2 | Fehokotakiga e fakamoemoegia ma taugofie | 1 – ID2i | 1 | Io | 100 | 100 |
| | | 1 – ID2ii | 1 | Io | 100 | |
| | | 1 – ID2iii | 1 | Io | 100 | |
| 4 | Malohiaga talafeagai ke fakamaliegia na manakoga | 1 – ID4ii | 1 | Io | | |
| 5 | He ofiha fou I TALO e fetaui ma na manakoga | 1 – ID5i | 1 | Ko he heki fakaaogagi a kae ue ie na fakatinoga ki ei | 100 | 100 |
| 6 | Galuega lalahi ina nuku pe lelei te pulepulega ma kua maea lelei | 1 – ID6i | 3 | E he lelei ma taugofie te pulepulega | 60 | 60 |
| Fakatinoga katoa ote Tauhaga Tupe 2017/2018 | | | | | | 80 |

A.5 FAKATUMAUGIA PEA TE AGAI KI MUA

| LAULAU SS1ii: Tupe maua mai na Laihene Fagota (Fakailoilo TNSP – SS1ii) | |
|---|---|
| Mataeke e gafa ma ia | FAIGAFIVA |
| Levolo ote tipe maua mai | Aofaki ote tipe maua matemate na auhia (US\$11.5 miliona ite tauhaga) |
| Na auhia na taketi mo te tauhaga tipe? | Io |

PEPA FAKAPIPIKI 7: LIPOTI A SIR RONALD YOUNG

LIPOTI TUKUFAKATAHI A TE FAMAHINO HILI MA TE MFAT AGAI KI TOKELAU

Kikilaga

- 1) E tolu ia mafuaaga na mafua ai toku malaga mai ki luga o Tokelau; Muamua, ko te Famahino Hili o Tokelau nae popole i te tulaga ko heki iei he hihitemi mautu mo te faiga o na moliaga (maihe ai na moliaga holigatulafono) ke mafai ai ke fakatino ienei fakamahinoga i luga o Niu Hila ite Fale Fakamahino Hili, atonu e fakatino tenei tulaga i na tulafono a Tokelau lava.
- 2) To na lua, ko na Komehina a Tokelau ie e fakamahino e kilatou na moliaga uma i loto o na fale fai fakamahinoga a Tokelau (e he i loto ai na moliaga e fakamahino i loto o te Fale Fakamahino Hili) e heai ni o latou tuhi pahia ma he tama taimi lele e fai ai ni a latou kolehinga fakamahinoga. Ko he popolega tenei na kikila kiei ia Niu Hila e ono maua te hapoti ke fakalelei atili ai te amiotonu i luga o Tokelau ma e maua ni fehoahoaniga fakaauau ke fai ai ni akoakoga ma na Komehina.
- 3) Mea mulimuli, na iei lava he kikilaga mamao ki na mea e manakomia i loto o te hihitemi o Fakamahinoga i loto o Tokelau.
- 4) Ka ko heki malaga mai au ki luga o Tokelau, na fatoa ko iloa ko te Aoga o Fakamahinoga mo te Pahefika nae takitaki ai ia Enoka Puni (he famahino Samoa ma he faiakoga ina mea tau fakamahinoga), ma Lise Suveinakama (Faufautua hili o tulafono mo Tokelau) nae gafa ma kilaua ienei te fatuga o te polokalame mo te koleniga o fakamahinoga mo na Komehina Tulafono a Tokelau ma te Komiti Apili i loto o taku malaga tenei. Na fehili mai oi io ai au kiei ke fehoahoani au i te fakatelega o te polokalame (e fakapipiki te kopi). (Ei iei foki aku polokalame na fakatino muamua i loto o na fenua o te Pahefika vena ma Niu Hila).
- 5) I loto la o aku hukehukega ma aku onoonoga, e fai ai e au ni fakatutuga vena ma ni matauga aofaki.
- 6) Kafai aku fakatutuga ienei e fakaaoga, e tatau ai loa ke fai ni huiga ki na Tulafono o Huiga Palemene a Tokelau 1986 ma fai loa ni huiga vave ki te Tulafono o Holigatulafono, Faiga e Tatau ke Fai ma Fakamaoniga 2003.

A Kavatuga o ni moliaga ki luga o te Fakamahinoga Hili

Fakatutuga

- i. E tatau ke toe fatu ni tulafono fou ke manino ma faigofie ai he alataki mo na moliaga hivili ma na moliaga holigatulafono ie e tatau ke fakamahino i te Fakamahinoga Hili i fafo atu o Tokelau (kikila ki te palakalafa 79)
- ii. I te taimi nei, e tatau ke nofo tapena te Fakamahinoga Hili, na Komehina, te tino fai fakamahinoga Hili o Fakamahinoga Hili (Niu Hila), ma te Malo Fakaauau, ni fakamatatalaga e fakamatatala ai te taukavega o te galuega ko te

fakamahinoga o ni moliaga i loto o na Fakamahinoga Hili ma te kavatu atu ki Niu Hila na moliaga mai Tokelau. (kikila ki te palakalafa 53-81).

Onoonoga

Ona i te taimi nei e mafai lele na moliaga faka hivili pe holigatulafono e mafai ke fai i te Fakamahimoga Hili, ko te auala e fai ai te galuega ite taimi nei eiei ai ni tulafono fakapalemene e he manino pe he talafeagai foki ona e loloa atili.

B Koleniga e Hapoti ai te Fakamahinoga i Tokelau

Fakatutuga

- i. E tatau ke iei he famahino e lahi to na iloa ina mea tau famahinoga ke fehoahoani ma hapoti ki na Komehina Tulafono (kikila ki te palakalafa 36-43 mo ni ietahi fakamatalaga).

Matauga

- i. Eiiei te koleniga na fakapatino mamafa lava mo te faiga ona fakamahinoga a na Komehina ma te Komiti Apili. E taua lele ke toe atiake te iloa tenei na maua e na Komehina mai te koleniga tenei. E tatau ai ke iei he tino e lahi ho na iloa ki na mea tau fakamahinoga ke fai ma fehokotaki ki na Komehina ite fakafokotahi i te mahina, e tuha ai i te tau atiakega ma fakaauau ai te iloa tenei.

C Matauga ki na mea e manakomia mo te hihiemi o Fakamahinoga

Fakatutuga

- i. E tatau ke pahia he tulafono ke ieie he Fale fai Fakamahnoga ma Tokelau ei lalo ai ma na malohiaga o na Komehina vena ma te Komiti Apili (kikila ki te palakalafa 84)
 - ii. E tatau lele na “Komehina” ke toe iloilo fakalelei he igoa e talafeagai (ft. Tino fai Fakamahnoga, Tino fai Fakamahnoga i loto o he Kogafenua) ke ataata mai ai ko kilatou ni tino fai fakamahnoga. Ko kilatou ei loto o te Komiti Apili, e ui e heai ni o latou tuhi paahi kae e tatau foki lava ke iei ho latou igoa e talafeagai ma te tofi. (kikila ki te palakalafa 85)
 - iii. Ko te piliota e filifilia ai na Komehina ma te Komiti Apili ke hikihiki malie ki luga ke fai fakalelei he auala e fakamamalu ai te filifiliga ma ke tau atiake tenei auala e fakamamalu ai te filifiliga o na Komehina ma te Komiti Apili.
 - iv. Kafai lava i he mafuaaga tatau kua he mafai ai e he Komehina oi fai ha na fakamahnoga pe he mafai foki oi fai ta na galuega mo he piliota he ova atu i te mahina, i ho he mafuaaga o na mafuaaga ienei e lua, e tatau lava te Komehina ke fakaauau pea ta na galuega ma fakatino a na fakamahnoga (kikila kite palakalafa 87, 88)

- v. E tatau ke toe iloilo fakalelei na malohiaga o te Komehina e mafai ai ke fai ni a na fakahalaga tupe, ei iei ai te kikilaga ke hiki malie ki luga na aofaki ona tupe e mafai ai e te Komehina oi fai kiei a na fakahalaga pe ko na fakaikuga. (kikila ki te palakalafa 92)
- vi. Ke toe iloilo lelei te faiga ona fakaikuga a te Komehina ki na holigatulafono kae ke iei ai he mafai mo te Komehina ke fai ha na fakahalaga tupe mamafa mai lalo o te tulafono ki na holigatulafono uma lele, ke iei ho na mafai ke fai ai. (kikila ki te palakalafa 89, 92)
- vii. E tatau ke toe iloilo fakalelei ma toe tafulifuli na fakakupuga i loto o te Tulafono mo Holigatulafono ma Fakamaoniga ke ataata mai ai na mea ienei e takua i lalo:
 - (a) E tatau lava ke toe iloilo fakalelei na fakahalaga mo na holigatulafono uma.
 - (b) E tatau ke toe iloilo fakalelei ma toe hui malie na fakakupuga ma na uiga ona holigatulafono ke faigofie ona malamalama kiei e tuha ai ma na tulafono o holigatulafono.
 - (c) E tatau foki ke toe iloilo ma toe hui malie na tulafono i te Tulafono o Holigatulafono ma Fakamaoniga ke mautinoa ai ko na tulafono e faigofie, ma fetaui mo Tokelau.
 - (d) E tatau ke toe hui te Tulafono o Holigatulafono ke faigofie ma talafeagai mo Tokelau.
 - (e) E tatau ke toe hui te Tulafono o Fakamaoniga ke mautinoa ai te faigofie ma te talafeagai o ienei tulafono mo Tokelau.
 - (f) Toe iloilo ma hui te tulafono e kaiga ki na tino e mafai oi tautali atu ki na fakamahinoga i mua o te Fakamahinoga Hili ke mautinoa ai e lahi te hapoti mai te tulafono ki te fakatinoga o tenei fakamahinoga e fai i mua o te Fakamahinoga Hili pe ko te Fakamahinoga Apili (kikila ki te palakalafa 89-93)
- viii. Kikila pe momoko ia Tokelau ke iei ho latou Fale Puipui, kafai io, pe vefea ona fakatino tenei mokomokoga. (kikila ki te palakalafa 90)
- ix. Fakaopoopo ki loto te Tuhi Taki mo na Komehina fakatahi ai ma na lihohi uma na maua mai te fono a te PJSI na fai ia Mati, 2018. Kafai lava e manakomia, ke toe fakafou te Tuhi Taki ke fakafaigofie ai mo na Komehina ke faitau kiei (kikila ki te palakalafa 94)

FAKAMATALAGA PUKUPUKU

- 7) E tokatolu lava ia Komehina (tino fai fakamahinoga lava) mo Tokelau, takitahi i luga o na fenua Atafu, Nukunonu ma Fakaofu. Ko te malohiaga o na Komehina e limiti lele ona ko na tulafono nuku (Tulafono 5(1)). (Ko te “S” e talanoa agai ki na Tulafono mo Huiga Tulafono 1986; ko te “R” e talanoa agai ki te Tulafono a Tokelau mo na Holitulafono, na Gaoioiga e tatau ke fai, ma na Fakamaoniaga 2003). E mafai ai e kilatou oi fakamahino na moliaga holigatulafono ma fai kiei te fakahalaga e he ova atu ite 1 tauhaga e falepuipui ai pe ko he hala tupe he ova atu i te \$150. (S 7(1)(d)) e

mafai ai e te Komehina oi fai he fakahalaga ehe ova atu i te tolu mahina ma/pe fakahalaga tupe he ova atu ite \$150. (S 7(2)) E fakaluiti ai te malohiaga a te Komehina, e kehe mai ai te fahioti o he tino ehe tahi tino, ko te fakatupuga o he oti ma te ohofia agai ki te nuku pe ko te malo, ko te maualuga o te fakahalaga e mafai ke fakahala ai na holigatulafono uma ienei e fakahala he ova atu ite 1 tauhaga falepuipui. (R Matakupu Fakaopoopo 2) E mafai ai e te Komehina oi fakamahino te tino eo ia te moliaga pe kafai heai, mo he fakatakitakiga, te fakauigaga o te kupu fakamalohiga o he tino pe ko te manuka o he tino e auala i te huhunu pe fakamu o he tino, kafai na holitulafono e he ova atu ite tolu mahina te fakahalaga. E tatau ai na fakahalaga venei ke fakatalanoa i luga o te Fakamahinoga Hili. (S 7(2)(A))

- 8) Kafai ko te matuia o te holigatulafono e fakahala ai ite fakalahaga e maualuga he ova atu ite tolu mahina, ko ho he apili e fia fai agai ki te tonu a te Komehina na fai e fai ki te Komiti Apili a te nuku (e tolu pe hilia atu kilatou i loto o tenei Komiti Apili). (S 10(3), R 140) ko te latou tonu e fai ko te ikuga lava ia, ehe toe iei he tahi ikuga i luga ake. Kafai ko te fakahalaga maualuga e ova atu ite tolu mahina falepuipui, ko ho he apili e fia fai e fai ki te Fakamahinoga Hili o Tokelau. (S 10) Ko te fahioti o he tino, fakatupuga o he oti ma te ohofia agai ki te nuku pe ko te malo e mafai uma ke fakamahino i luga o te Fakamahinoga Hili. (S 3, R Matakupu Fakaopoopo 2) Ko heki iei lava he moliaga holigatulafono e iloa e ho he tino Tokelau ke fakamahino mai luga o te Fakamahinoga Hili.
- 9) Ko heki iei lava ni falepuipui i luga o Tokelau ko te ai ko heki iei lava ke fakahala ke falepuipui mai na fakamahinoga a Tokelau.
- 10) Ko te malohiaga o na Komehina ki na moliaga hivili pe tau ki te va o tagata e fakagata mai te mafai ke fakahala ai he tino ke toe totogi he tupe ehe ova atu ite \$1000. (S 7, R142). Kua iei na moliaga hivili pe fakatatau ki te va o tagata kua uma te faka faila.
- 11) Ko te Fakamahino Hili o Niu Hila ko te Fakamahino tulafono ia mo Tokelau: (S3) E mafai ke fakamahino ietahi moliaga holigatulafono e apili (S 10), na moliaga holigatulafono e hikitia mai te Komehina, (R88, 90, 112) na fakamahinoga o te fahioti o he tino e he tahi tino, fakatupuga o he oti ma te ohofia agai ki te nuku pe ko te malo; ni moliaga tau te va o tagata e apili (S 10) ma ni holigatulafono hivili uma ei loto ai te fakahalaga tupe he ova atu ite \$1000.
- 12) Ko te Fakamahinoga Apili a Niu Hila ko te toe fakamahinoga apili ia e hikitia mai ai na apili mai te Fakamahinoga Hili. (S4)

NA GALUEGA FAKATINO A NA KOMEHINA

- 13) Atonu kua uma te taku atu e au, ni holigatulafono uma na moliaga uma. Ko na moliaga ienei na faila mai na nuku takitahi mai te tauhaga 2011/2012 ki te 2014/15 (ni fakamatalaga mulinei);

Atafu

| | |
|---------|----|
| 2011/12 | 46 |
| 2012/13 | 46 |
| 2013/14 | 39 |
| 2014/15 | 66 |

Nukunonu

| | |
|---------|----|
| 2011/12 | 14 |
| 2012/13 | 8* |
| 2013/14 | 3* |
| 2014/15 | 21 |

*I loto o na tauhaga ienei nae he i luga ai te Komehina o Tokelau. E lahi ai na moliaga e heki fakamahino. Ona nae he avanoa te Komehina, ni nai moliaga lava te na fakamahino.

Fakaofo

| | |
|---------|----|
| 2011/12 | 25 |
| 2012/13 | 22 |
| 2013/14 | 52 |
| 2014/15 | 61 |

- 14) E fakatino pea te galuega a te Komehina i loto o te vaaho pe ko loto o te mahina e fua lava ki te lahi ote galuega. E tatau ai te Komehina ke fakamaumau ki lalo na moliaga e fai e ia ei loto ai foki ma na fakamaoniaga, vena foki ma te mafuaaga o ta na fakaikuga na fai. (Ko te fakatinoga tenei e patino lava ki te Failautuhi a te Komehina ke fakatino). (R85, 93) Ko na Failautuhi e tapena e kilatou na faila, vena ma na aho e fakatino ai na fakamahnoga. Ko hei ie lava ni fale fakapatino lava mo na fakamahnoga e fakatu. E fakaaoga e na Komehina na ofiha o te Malo ke fai mo o latou ofiha. E mahani lava fakatino na fakamahnoga ina potu avanoa i loto o te nuku.
- 15) Ko na Komehina e filifilia e te Kovana mai te fautuaaga a te Minihita o te mataeke o Galuega mai Atunuku Kehe (Foreign Affairs) fakatahi ai ma te onoonoga mai te Taupulega. (S5) I te taimi nei, e tokalua ia Komehina fou, fakatahi ai ma te Komehina mai Nukunonu kua nofo mai i te tofi talu mai te tauhaga 2002.
- 16) I na Komiti Apili, e mahani ova atu ite toka tolu e filifilia mai e te Taupulega mai loto lava ona hui a te Taupulega. (R140) E heai he aho fakapitoa e filifilia ai na Komiti Apili.

Fonotaga

- 17) Kua uma te fakatalatalanoa e au na auala e fai ai na galuega i loto o te hihitemi o fakamahinoga ki te tokalahiga o tino i Tokelau ei loto ai te: te Ulu, na Komehina e tolu, na Komiti Apili e tolu, na hui Taupulega uma vena ma te Pulenuku o Fakaofo ma ni hui mai te Taupulega o Atafu ma Nukunonu, na leoleo, ma ni nai tino mai na nuku e tolu, te fakalapotopotoga a fafine, Lise Suveinakama, he tahi hui mai te tulafono e galue mo te Malo o Tokelau, vena foki na Minihita mai te Malo o Tokelau fakatahi ai ma Enoka Puni, he famahino kua litaea mai Samoa, ma he faiaoga ina mea tau fakamahinoga kua lahi to na taimi e galue ai ia i loto o Tokelau.
- 18) Te tokalahiga na ko laulaua mai luga na kaufakatahi ki te koleniga a te PJSI na fai i ni aho e fa. Na ko maua he avanoa gali venei ke lahi ai ni aku fakamatлага e agai ki te hihitemi o Fakamahinoga a Tokelau. I toku fanoga, na malamalama lelei au i te galuega e fakatino nei i loto o te hihitemi o fakamahinoga, na lukitau e fakafegai kiei vena foki pe vefea ona fofo ienei laveakiga.

Fehoahoaniga lahi mo na Komehina kua iei nei

- 19) Mai na Komehina e tolu, kua tokalua oioti ia Komehina kua kaufakatahi ki na polokalame a te Akoakoga o na Fakamahinoga a te Pahefika; e fokotahi kua lahi kaufakatahi ki ni nai polokalame kua uma te fakatino, ma te tahi na kaufakatahi ki he polokalame e heki leva te uma atu. Ko te Komehina to na tolu e fou lele kua lahi na taimi e kaufakatahi ai ki na polokalame e fai i loto o Tokelau. Ko na akoakoga ienei e ui lava e lauefa i loto o te Pahefika kae e fakapatino lava ki te hihitemi fakamahinoga o te nuku lava. Ko te lahiga o na matakupu kua kava ko te hihitemi o tulafono, ko na tulafono ma na taki e taki ai kilatou e galue mo fakamahinoga, te faiga o na fakaikuga ma he fakahalaga, taukavega ona hikili i te tuhituhi ma te tulafono. E heahea lele fakatino einei polokalame i loto o te tauhaga, ehe fatu mai na hikili na taukave ina koleniga taluai kae e toe fai ai lava te polokalame e tahi. E he manakomia ke toe fakaauau te fakatahi atu o kilatou e galulue i loto o fakamahinoga, e mafai lava ke olo ki ni polokalame e fai i loto o ni tauhaga e lua oi he toe kaufakatahi ai ki na polokalame e fai i loto ona tauhaga e lima. Ei iei lava na matakupu e fakapatino lava kina polokalame ienei e takua (fk. Tuhiga o he fakaikuga) i loto i Niu Hila ma Auhetalia, kae fuaiti lele te numela ona tino mai na fakamahinoga a te Pahefika e kaufakatahi atu kiei. Ko heki iei lava he Komehina e fano ki ni polokalame venei.
- 20) Ko na polokalame e fai i loto o te Pahefika e lahi fakatino i te gagana Igilihi, hove ko te ehe fakamamafa lahi ai te kaufakatahi kiei ona Komehina a Tokelau.
- 21) Na maua foki e au te avanoa ke onoono ai e au na Komehina tautokatahi i loto o te vaitaimi na fai ai te koleniga mo fakamahinoga. E iei foki na faila na mafai ke faitau au kiei mai na nuku takitahi ei loto ai na tonu/ikuga a te Komehina vena ma na fakamaoniaga (kua uma te fakaliliu).

KAMATA O TE KOLENIGA IA MATI 2018

- 22) Ko te polokalame muamua tenei kua fakatino fakapatino lava mo Tokelau. Ko na tino na kaufakatahi atu kiei ko na Komehina e tolu, na hui Komiti Tulafono mai na nuku takitahi, ko te Ulu, Pulenuku o Fakaofo, Taupulega o Fakaofo, na Failautuhi mai na nuku takitahi.
- 23) Na kamata tenei polokalame ite fakatalatalanoaga ona galuega e gafa ma he tino fai fakamahinoga, mai te tulaga o te tino fai fakamahinoga i lalo o te tulafono ki te fakaheai o tenei tulaga e mafua mai i ni auala he hako ki te fakatinoga o te galuega. Ko te polokalame la tenei na fakahavali ai kilatou na kaufakatahi mai ki te koleniga ki na hitepu takitahi e fakatino ai he moliaga holigatulafono; mai te fakatinoga muamua lava o te fakamahinoga, ki te taliagia/pe heai o te moliaga; ki te faiga o te fakahalaga; vena ma te faiga o te fakamahinoga e tautali ai te tino molia ki ona fakahalaga. I loto la ona hitepu ienei e takitahi, na fakaaoga ai e kimatou ni fakatakitakiga e kaiga ki na moliaga mai loto ona faila ona fakamahinoga a Tokelau. Na fakatino ai foki na fakatakitakiga i te fakatinoga o te fakamahinoga ke koleni ai na Komehina ma onoono atu ki na mea e tutupu. Mai na hitepu takitahi la ienei, na fatu ai ni taki ei loto uma ai na fakatonuga ke fakatino ai te faiga o he fakaikuga vena ma te fakailoaga o te fakaikuga.
- 24) Na lahi foki te matou taimi na fehoahoani ai kimaotu ki na hui o na Komiti Apili, na tapena foki na taki ke fakaaoga e kilatou ke koleni ma fakatakitaki ai kilatou ki te faiga o he fakamahinoga.
- 25) E talitonu kimatou ko te koleniga tenei na fakalelei atili ai na hikili fakamahinoga mo kilatou na kaufakatahi atu kiei.
- 26) E he fakalahia ai ni tala, kae na lahi lele toku malamalama ki na Fakamahinoga a Tokelau i toku kaufakatahi ma faka-faiakoga ki te akoakoaga tenei.

E Manakomia Pea E Na Komehina Tenei Hapot?

- 27) Ko te tali io. Atonu kua uma te fakailoa e au, e tokalua lava ia Komehina kua kaufakatahi ki na akoakoga e fakatino mo na nuku o te Pahefika i na mea tau fakamahinoga ma e fakatino foki i te gagala faka-Peletania. E iei a latou Tuhi Taki mo na Komehina ia te kilatou e i loto uma ai te faka Tokelau ma te gagana faka-Peletania, ko he mea lelei lele tenei kae koi lauiti lava na lihohi.
- 28) Ko au e talohia na lahi lele he akoakoga na maua i te kolehinga tenei ma na fakalautele ai to latou iloa. Ko au kua malie katoatoa kua malamalama lelei kilatou ki na mea tau tulafono, na hitepu e taukave ai te fakatinoga o te galuega vena ma a latou fakaikuga e fai ke mulitaki ki na tulafono ma na taki e fai ai he fakaikuga.
- 29) Ko na tino uma na kaufakatahi ki tenei koleniga (te Ulu ma te Pulenuku na kaufakatahi ake uma ki na polokalame o te koleninga) ma na fakamamafa ma fakataua lele te aoga ma te lelei atili o te faiga o te galuega kafai e fakaaoga na mea nae akoako ai kilatou i loto o tenei kolehinga.

- 30) E taumafai lele na Komehina uma ke fakalelei atili te faiga o te latou galuega. E malamalama lelei kilatou ite taua o te galuega e gafa ma kilatou ona eo mo te filemu ma te haogalemu o te nuku.
- 31) Kafai e lahi ni polokalame e fai i te tauhaga, e aoga lele mo Tokelau kae i taku kikila e hili atu te aoga kafai ei iei ni polokalame patino tonu lava ki he hihitemi e iei ai ni faufautua mo na fakamahinoga e fakalelia atili ai te fakatinoga o na galuega. Ko he polokalame atiake tenei e mafai ke lua a na mea e fai. Mea muamua, e fakamamafa ma toe fakamakeke atili ki na Komehina ke malamalama atili ki o latou tiute ma na galuega tatau e fai e kilatou ona ko kilatou ni tino fai fakamahinoga, vena ai foki ma to latou tulaga i loto o te Malo o Tokelau. Mea to na lua, kafai e manuia, e mafai ai na Komehina ke fakamatea ai to latou tulaga ko ni tino e fakalelei maheiga e fakatatau ki te tulafono. I o latou tulaga Komehina, e mafai ai e kilatou oi folafola ko kilatou ni tino fai fakamahinoga i loto o te nuku vena ma te ofiha, e tuputupu ake ai to latou lototele.
- 32) Atonu kafai ei iei he igoa e hili atu (i lo te takua o kilatou ni Komehina) ma talafeagai mo te tulaga e mafai ke ataata mai ai ko kilatou ni “tino fai fakamahinoga” i loto o Tokelau ma e hau mai i loto o he Fale fai Fakamahinoga, atonu e lahi lele he fehoahoaniga kiei. (Kikila foki ki aku fakamatalaga agai ki na “Fakamahinoga” o na Komehina).
- 33) E iei foki ni ietahi mafuaaga e tatau ai ke lahi he fehoahoani ma hapoti e manakomia e na Komehina. Ko te mea kua ko molimaua, ko na nuku takitahi ni tama fenua lele. Ko te taikole tenei e lahi ai ni lukitau i loto o ni tonu e fatu mai i ni auala fakakaukau ma he hako. Ko ienei famahino ko kilatou lava ko na famahino fakapitoa i loto o na nuku takitahi. Ko te va lahi o na galuega fakamahinoga e fanau mai ai ni lukitau mo na famahinoga. Ka iei he hihitemi apili kua fakagalue ite taimi nei, atonu e mafai ke fofo ai te fakafitauli, kae kafai e he iei ni loia pe ni auala e mafai ke kui atu ai ni fakamahinoga ki na famahinoga apili mo na moliaga mamafa, ehe mafai o na fakatino lelei tenei galuega. Ko na Komehina Tokelau i te taimi nei ni tino na filifilia ke fai fakamahinoga. Ona ko te tulaga tenei, e taua lahi ai ke lahi te hapoti faka-fakamahinoga e maua e kilatou.

E vefea ona maua te katoatoa o te fakalelei atili?

- 34) E lua ia vaega o kinei. Vaega muamua e kaiga ki te fakalelia atili o na akoakoga mo fakamahinoga e fai; vaega to na lua ke fakalelei atili te “hihitemi” o fakamahinoga.
- 35) E tuliloa ke fakalua ia aoga/kolehiga mamafa e fai mo fakamahinoga, fakatahi ai ma he polokalame fakaauau ke alataki ai na Komehina. Ko he onoonoga tenei i taku matau eo mo te hihitemi o fakamahinoga a Tokelau, ke fakamatea na vaega e manakomia e kilatou, ma i loto o te tai 30 tauhaga kua fakafeagai ai au ma na akoakoga mo fakamahinoga. Na fatu e au fakatahi ai ma te fehoahoaniga o ietahi tino i te tauhaga 1990 te fatuga o na akoakoga/polokalame mo fakamahinoga mo na fakamahinoga i loto ona vaega nuku i loto i Niu Hila. Ko ni tino foki ienei na filifilia kilatou ke kavea ma tino fai famahinoga. Ko au e talitonu ko te auala tenei na manuia

lele. Ko te numela o na fakamahinoga i loto o na vaega nuku kua lauefa nei ka koi fakaaoga lava e kilatou te polokalame na fatu mo latou. Nae iei ai la na polokalame nae fakatino mo he lua vaiaho. Na kamata fai ai loa te galuega a na famahinoga (magistrates), kae fakalogologo ai foki ma he tahi tino fai famahinoga mai he tahi fakamahinoga i luga ifo. Na fakatupu ai he polokalame mo he ono mahina mo na famahino faufautuagia. Na toe liliu mai na famahinoga ite umaga o te ono mahina tenei. Na toe fakatupu te tahi o polokalame mo te tahi ono mahina. I te umaga o te ono mahina, ko te famahino faufautua na nofo tumau ki loto ona fakamahinoga kafai lava kua manakomia ke nofo i loto ona fakamahinoga. Ko na famahino faufautua ienei na fakatutu ke fehoahoani kia te kilatou e famahino i loto o na nuku kafai lava kua manakomia i he faiga fakamahinoga. Ko he alataki lelei lele tenei na fakatino. Na iei ai foki ni vaega na tokehea mai te fehoahoaniga mai na polokalame a te PJSL.

36) Kafai mo he fakatakitakiga kua iei lava he polokalame mo na famahino faufautua kua fakatupu, e fautuagia ai e au ko na vaega ienei mo tenei polokalame e manakomia:

- (a) Ko he tino famahino faufautua. Ko te tino famahino faufautua tenei ko ia ko te famahino faufautua mo na Komehina uma e tolu ke hikitia ai te fakalelei atili o na auala e fakatino ai te galuega vena ma te fehokotakiga. Ko te famahino tenei e tatau ke iei ho na iloa ma kua mahani foki ia i na nofonofoga i loto o te Pahefika, kua litaea ma e lahi ho na taimi e avanoa ai ia. Ko te tino tenei e tatau ke lelei ta na tautala faka Tokelau pe he gagana foki e tafapili atu ki te gagana a Tokelau ma ei iei ho na iloa pe matau foki e ia na fakakupuga mai loto o na akoakoga mo fakamahinoga. (E fakatu e au ia Enoka Puni ona e fetaui ia ki na vaega uma ienei).
- (b) Ko he tino e filifilia ke kavea ma famahino faufautua e he manakomia lahi e ia ni koleniga/akoakoga mo na famahino faufautua vena ma na tulafono e pulepule ai te Komehina ma te puipuiga o te tutautahi/tutokatahi o te Komehina.
- (c) Ko te famahino faufautua fakatahi ai ma na Komehina e tatau e fatu fakatahi e kilatou he polokalame e malilie uma kilatou kiei e fatu agai ki na vaega ienei e takua i lalo. Ko te polokalame tenei na malilie ai kilatou e tatau ke fakafuaiti ki ni tuhituhiga e haini uma ai kilatou ma e talia e kilatou ke mulimulitaki ki na tulaga na fakatupu ai tenei tuhi. E tatau ai te tuhi tenei ke kilia ma manino. Ei loto ai foki ni fakakupuga e taukave i te mooni ma te fakamaoni kae he fakatulafonoa.
- (d) E tatau te polokalame tenei ke fakatulaga ni taki mo na famahino faufautua pe nia na vaega e manakomia ke kava i loto o na fakamahinoga takitahi.
- (e) E manakomia e he polokalame venei ke iei ni tulafono fakalotoifale ina mea e tatau ke fai ma na mea ehe tatau ke fai ke fehoahoani ki na famahino faufautua.
- (f) E manakomia e he polokalame venei ke fakamatea na mafuaaga kua iei ai he tino famahino faufautua ma te tulaga e manakomia ai i ni taimi fakafuaheki.

37) E malamalama lele au e ono mataloa he taimi e tau fakatino ai tenei fakamoemoe. Ko te tulaga ia ko heki fakatu fakalelei ai haku polokalame lelei. Ko te kua fakatutu ai e au na vaega ienei:

- (a) Te fakatutuga o he polokalame mo na tino famahino faufautua ma te piliota e fai ai, ma
- (b) Na vaega e manakomia mo tenei polokalame.

38) Piliota mo te fakatinoga o tenei polokalame

- (1) Ono mahina muamua
 - a) Fehokotaki ki na Komehina kafai kua uma te faiga o a latou fakamahinoga takitahi ke fakatalatalanoa na moliaga uma na fai (fakatino tenei vaega i mahina takitahi);
 - b) Fai ni fakatakitakiga i na taki lua vaiaho, ke tokaga oioti ki na vaega ehe lahi ai ni iloa mo na Komehina;
 - c) E tatau ke iei ni fehokotakiga fakafuaheki mo na Komehina.
- (2) Ono mahina to na lua
 - a) E tutuha ma luga
 - b) Heai ni ietahi fakaaoga e faia
 - c) E tutuha ma luga
- (3) Ono mahina to na tolu
 - a) E toe kikila ma toe iloilo ina mahina takitahi ki na moliaga ma fakataua te fakafitauli
 - b) Fehokotaki fakafuaheki
- (4) E faigata lele ke fakamamate he piliota e talafeagai, kae ko piliota fakamamate kua hili ko tenei:
 Ono mahina muamua, takitahi ite mahina ma te Komehina 7-10 itula
 Ono mahina to na lua, takitahi ite mahina ma te Komehina 3-4 itula
 Ono mahina to na tolu, takitahi ite mahina ma te Komehina 1-2 itula

Tukufakatahiga **280 itula**

- 39) E matuai heai hoku iloa ki te totogi e talafegai ke totogi ai i te itula i te galuega, kae i taku mate e \$100 - \$150 te totogi i te itula.
- 40) Ko te lelei o te polokalame e sua lava ki te lelei ona vaega ienei:
- (a) Te fakamaoni o te Komehina ma te tino famahino faufautua

- (b) Na hikili a te famahino faufautua ma to na va ma na Komehina
- (c) Eiei he maliliega mai te Taupulega ke he aofia kilatou ki loto o te Komehina ma te faiga o a na fakamahanoga. (E he tatau ke tutupu he vaega venei)
- (d) Ke fakamautinoa e mafai ke fakafou te 3 tauhaga e filifilia ai na Komehina, ma ke fakamatataloa na tauhaga ma te tau atiakega o he auala e fakamamalu i te filifiliga o na Komehina.

41) Ni ietahi kikilaga. Mo te fakalelei atili o te tulaga o na Komehina kafai:

- (a) Te polokalame o na famahino faufautua tenei kafai e manuia, ke fakatino pea mo na Komehina fou;
- (b) Na Komehina fou ke kaufakatahi atu ki na Polokalame mo na Fakamahinoga Nuku a Niu Hila atonu e laho he fehoahoani e maua mai ai, mo te fakaleleiga foki o te faka Peletania a te Komehina ite fakaleleiga atili o ta na galuega vena ma na polokalame venei i te lumanaki;
- (c) I toku malamalamama, ko te USP eiei te koohi e mafai ke maua ai te tuhi paahi o te diploma e mafai ke kave lava i loto ona fenua. I haku maitau e aoga lele ke taukave tenei koohi e na Komehina. I taku kikila foki ko te levolo eiiei ai te lelei o te faiga o te galuega i te fakaaoga o te neti e manakomia lahi ai ke fakaleleia atili ai te koohi tenei mo na Komehina. E aoga foki mo kilatou e kavea ma Komehina i te lumanaki.

42) E fakataua lele ke kamata vave loa tenei polokalame kafai kua ieii he maliliega. Kua iku atu foki te fakatinoga o na koleniga na kaufakatahi atu kieii na Komehina. E kitea lele koi lahi foki ho latou fofou ke lahi to latou iloa ki ni ietahi mea. Ka ko heki kamata halalau to latou iloa, e lahi lele te aoga kafai kua kamatamata loa na faufautuaga i he taimi pili mai.

LIPOTI KI TE FAMAHINO HILI

- 43) Na fakatalohaga mai e koe ke fai atu he lipoti kia te koe te Famahino Hili o Tokelau i na aua e fakatino ai na moliaga hivili ma na moliaga holigatulafono ki he tulaga e manakomia ma tatau ai ke hikitia ienei moliaga ki luga o te Fakamahinoga Hili.
- 44) E fakamatatala atu ai e au i lalo ni fakamatatalaga agai ki te hihitemi o fakamahinoga o Tokelau ma te tulaga ei ieii ai te Fakamahinoga Hili o Tokelau kafai kua manakomia. Na fakamatatala ai e au ni tulafono o Tokelau e kaiga ki te faiga o na moliaga hivili ma na moliaga holigatulafono kafai e kave ki te Fakamahinoga Hili o Tokelau pe ko Niu Hila. Te mea mulimuli, e fakatu e au ke fatu loa he auala e mafai ai ienei moliaga ke

fakamahino i te Fakamahinoga Hili e mafai ai ke kave ki Niu Hila ke fai ai tenei moliaga.

- 45) E he manino lelei i loto o te Tulafono mo Huiga Tulafono a Tokelau 1986 te takua o he Fakamahino Hili mo Tokelau. I te tulafono 3 eiei ai te mafai o te Fakamahino Hili o Niu Hila ke pulepule na tulafono o Tokelau “i te auala lava e fai i he fakamahinoga kehe, kae ko he tahi Fakamahinoga i Tokelau mo Tokelau lava”.
- 46) I lalo o te Tulafono a Tokelau mo na Holitulafono, na Gaoioiga e tatau ke fai, ma na Fakamaoniaga 2003 (na pahia e te Fono Fakamua) e fakatatau ai ki te Fakamahinoga Hili o Tokelau. I lalo o te Tulafono Fakavae (S8) e fakamau mai ai ko te Fakamahino Hili he tahi Fakamahinoga tena o Tokelau”.
- 47) E lua lava ia levolo o te faiga na fakamahinoga ki na moliaga holigatulafono i Tokelau, tahi e fai e te Komehina ma te lua e fai i te Fakamahinoga Hili. (S 3,5,7, R Matakupu Fakaopoopo 2) Ko te Fakamahinoga Hili mo Apili a Niu Hila ko te fakamahinoga mulimuli ia. (S4) Ko na apili mai te Komehina e mafai ke fai ki te Komiti Apili a Tokelau (S 10, R140) pe fai ki te Fakamahinoga Hili oi hohoko atu ai ki te Fakamahinoga Apili. (S 4, S 10)
- 48) Ko te malohiaga a te Komehina ki na moliaga holigatulafono e fuaiti lele fakatuha ki na holigatulafono e fakahala tupe oioti pe fakahala mamafa i he piliota he ova atu i te tahi tauhaga e falepuipui ai. (S7) I loto o ienei holigatulafono, e mafai e te Komehina ke fai ha na fakahalaga ehe ova atu i te tolu mahina falepuipui. Ei iei ietahi fakahalaga e i loto ai te fakagalue mo te nuku, lalo o te taukililaga a leoleo, munaia ma fakahala tupe. (S7, R136-139)
- 49) Ko te malohiaga o te Komehina ina moliaga hivili e fuaiti lele, ei iei ai te gataga o te hala tupe \$1000 mo te toe totogi o he meatotino na fakokino pe he tupe na kaihoho. (S7, R142) E mafai ke toe fakalalahi na malohiaga kafai e malilie kiei na tino e aofia ki he moliaga (S 8); e tuha ai ko te mafai ke toe totogi he mea titino ehe i luga ake o te \$1000 e tatau ke fakamahino i loto o te Fakamahinoga Hili.
- 50) Ko na Komehina e tolu e galalue lava i loto o na fenua (nuku) e igoa ki Atafu, Fakafo ma Nukunonu. (S 5) E he mafai ke fakamahino e kilatou ni moliaga i fafo atu o na nuku ienei. Ko ni apili e fia fai ki te Fakamahinoga Hili hivili pe ni moliaga holigatulafono, e tai tutuha ma na apili e fai ki na Fakamahinoga Nuku (District) i Niu Hila. Ko na apili ki te Fakamahinoga Hili e mafai ke fai “e fakatatau ki na faiga a he Famahino o te Fakamahinoga Hili e fakamahino e ia he moliaga”. (S 10(1)(b)). E kehe foki mai te hakoga o he apili i te tulafono S 10(1) e fakamahino e te tino ea ia te molia na fai e tatau ai ke fai ha na fakaaliga ki ta na apili e auala mai i he tuhi ki te Pule Fakatonu i loto o te 28 o aho mai te aho na fai ai te fakaikuga. (S 10(2)) e toe liliu mai au ki te tulafono tenei. Ko na apili e tatau ke “fakapepa vagana kua fakatonu mai e te Fakamahinoga Hili” (R87). Ko te aia tatau mo he apili ke fai ki te

Fakamahinoga Hili i na moliaga holigatulafono e fuaiti fakatuha ki na holigatulafono e fakahala i he piliota he ova atu ite tolu mahina pe hala tupe \$150. I te fakalahaga mamafa te he ova atu ite tolu mahina pe i lalo ifo, ko te aia tatau ai la mo he apili ke fai ki te Komiti Apili ei loto ai na hui e tokatolu mai te nuku e filifilia e te Taupulega, ehe iei ni o latou aia tatau i luga ake ke toe apili ai kilatou. (S 10(3), R140)

- 51) Ko te malohiaga a te Komehina ki na moliaga holigatulafono e fuaiti lele, kae i loto o te Tulafono a Tokelau mo na Holitulafono, na Gaoioiga e tatau ke fai, ma na Fakamaoniaga 2003 ehe lahi ai foki ni fakahahaga e takua mai ai. Ko te Tulafono a Tokelau mo na Holitulafono, na Gaoioiga e tatau ke fai, ma na Fakamaoniaga 2003 e lahi ai na holigatulafono e takua mai ai, ei loto ai te holigatulafono mamafa (R3-17) ‘
- 52) Ko te fakahalaga o te fahioti o he tino e he tahitino e kamata i te 10 tauhaga kae hala mamafa i te 20 tauhaga; ko te fakatupuga o he oti ma te ohofia agai ki te nuku pe ko te malo ei lalo o te malohiaga o te Komehina ke fakamahino. Atonu i tenei, na fakamau e au ki lalo ko te mamafa o he fakahalaga e mafai ke fakahala e te Komehina e gata mai te 3 mahina falepuipui. Kafai e mafaufau te Komehina e tatau ke faka hilia atu te mamafa o te fakahalaga (mai loto o te 3 mahina ki te 12 mahina) e tatau ai ke fai te fakahahaga e te Fakamahino Hili.
- 53) I lalo o na tuhituhiga, ei iei na taimi e ono mafai ai na moliaga hivili ma na moliaga holigatulafono ke hikitia mai te Komehina ki luga ki te Fakamahinoga Hili kae fakamahino i Tokelau, Niu Hila pe ko fea lava.

Ko kilatou ienei:

- a) Kafai te tino na molia i te fahioti o he tino, pe ko te fakatupuga o he oti pe ko te ohofia agai ki te nuku pe ko te malo kae fai to na fakamahinoga e te Komehina; (R129);
- b) I he apili mai te fakaikuga a te Komehina (fakaikuga pe ko te fakahalaga) kafai ko te holigatulafono e iei to na fakahalaga mamafa ite tolu mahina kae he ova atu ite 12 mahina falepuipui ai. (S10) (Ko na apili mai na moliaga hivili e fano hako ki te Komiti Apili);
- c) Kafai kua ioegia te tino molia ki to na moliaga kae e mafaufau te Komehina e tatau mo te amiontonu ke hilia atu te fakahalaga nai loa te tolu mahina falepuipui pe ko te \$150 hala tupe (R112(2));
- d) Kafai ko te Komehina ko te tino eo ia te moliaga; (R112(3));
- e) Kafai kua iei he mafuaaga tatau ke luki ai na malohiaaga mai na Komehina pe kafai kua iei he moliaga e hikitia e te Komehina lava ia ki luga ki te Fakamahinoga Hili. (R112(2)(3));
- f) Kafai ei iei ni fehili ma te Komehina agai ki ni fakafehili i te tulafono ki te Fakamahino Hili e takua mai loto o te moliaga. (R90);

- g) Ko he apili mai te Komehina ina moliaga hivili (e he iei he malohiaga mo te Komiti Apili ki na moliaga hivili); (S10)
- h) Ko he moliaga hivili ei loto ai he tupe e toe totogi ai he meatotino ehe i luga ake o te \$1000. (E mafai e te Komehina ke fakamahino na moliaga totogiga tupe he ova atu i te \$1000 kafai kua malilie kiei na tino e aofia i loto o he moliaga.) (S7)
- 54) Ko heki iei lava ni fakamaumauga ki ni moliaga holigatulafono pe hivili mai te a) ki te h) i luga ke fakamahino i te Fakamahinoga Hili o Tokelau.
- 55) I te taimi nei, ehe fakahala e na Komehina na tino molia ite falepuipui. Ona ko heki iei lava ni fale puipui i luga o Tokelau. Ko heki iei lava he tino e molia ite fahioti o he tino pe ko te fakatupu o he oti pe ko te ohofia agai ki te nuku pe ko te malo ke fai to na fakamahinoga e te Fakamahinoga Hili ona ko te he tutonu o na fakahalaga falepuipui mai te 3 mahina ki te 12 mahina. Ko heki iei lava he apili e fai mai na moliaga holigatulafono ma na moliaga hivili e fai ki te Fakamahinoga Hili.
- 56) E iei na tulafono i loto o te Tulafono a Tokelau mo na Holitulafono, na Gaoioiga e tatau ke fai, ma na Fakamaoniaga e kaiga ki na fakamahinoga o na moliaga holigatulafono i loto ote Fakamahinoga Hili. Te lahiga o na tulafono e fakamatea mai ai te “fakamahinoga” pe ko te Fakamahinoga Hili ke “fakamahino” e kilatou he moliaga. I te tulaga ai la tenei, e mafai ai e na kupu ienei ke nafatia ai na tulaga uma e takua i te a) kite f) i luga.
- 57) I loto o he moliaga fahioti o he tino e he tahi tino, fakatupu he oti, ohofia agai ki te nuku pe ko te malo, e heti mai lalo o te tulafono R129 ni fakahologa mai te fakamahinoga maulalo ke fakamahino i te fakamahinoga maualuga. E iei lava na vaega he haofia o te tulafono tenei; e hei iei ni fakatulagaga o te taukavega o te fakamaoniga ki ho he mea moni fakapitoa mo na moliaga mai te fakamahinoga maualalo; ko heki iei lava he auala ke mulimulitaki kiei mo na tino fai famahinoga; ei iei te aia ke fakafehili ai e te Komehina te tino molia ma ko na fakafehili ienei e tuku ki loto o te vaega e fai kite fakamahinoga o na fakamaoniaga (kikila ki na fakamatlagaga agai ki na fakahamahinoga i loto o te malohiaga a te Komehina R132). Ei iei foki na fehili pe tatau nei ma mafai e te tino fai famahino a te tino ea ia te tagi na fai ma te tino molia ke fakataua fakafehili. (R131) I te fakaikuga o te fakahologa, e mafai e te Komehina ke tatala ki tua te moliaga ke fakamahino i te Fakamahinoga Hili. Ko te tino molia tenei e mafai ke i lalo o te kikilaga a leoleo pe tatala ki tua auala i he totogiga tupe. (R121, 122; ko na tukutukuga ke tatala ki tua o he tino i he tupe kua leva atili te tatau ke toe onoono ma ehe talafeagai foki i Tokelau – ona lava ko te he fakamaoni o he tino molia ki to na toe taliu mai ki to na fakamaoniga).

- 58) Ka toe liliu la ki te tulaga te kafai he moliaga e mafai ke iku ake ki luga i te Fakamahinoga Hili.
- 59) Ko te fakafitauli muamua e tutuha lelei i loto uma ona moliaga – pe vefea ona toe fakaauau te moliaga i loto o te Fakamahinoga Hili (apili, fakamahino pe heai) pe fai te fakamahinoga tena i Tokelau, Niu Hila pe ko fea lava?
- 60) Kafai ko he moliaga apili, e tuha pe hivili pe holigatulafono, ko te fakahologa la e manino. Ko te apili e fakatino ve lava kote fakatinoga o na apili i loto o na Fakamahinoga Nuku e fai i Niu Hila. E mafai ai e te Fakamahinoga Hili ke onoono e kilatou te fakahologa; ko te Pule Fakatonu e tatau foki ke fakailoa i te apili tenei i loto o ni aho e 28. (S 10 i lalo ote Tulafono mo Huiga Tulafono a Tokelau 1986). Mai te tulafono R 103 e fakamautinoa mai i kina te piliota e 28 ia aho e fai ai te apili ki te holigatulafono apili ma e tatau ke fakailoa mai lalo o te pepa fakatumu 15, Matakupe Fakaopoopo i lalo o te Tulafono a Tokelau mo na Holitulafono, na Gaoioiga e tatau ke fai, ma na Fakamaoniaga. Ke maitau i lalo o te tulafono tena e tatau ke foki ki te Komehina ma te Fakamahinoga Hili. (Ko heki iei lava ni apili hivili e fakailoa pe fakahalalau).
- 61) Atonu kua uma te fakailoa atu e au, ko heki iei lava he Fale Fakamahinoga ke fakamaumau ai na galuega o fakamahinoga mo Tokelau, ko heki iei foki he Fale Lehitala mo te Fakamahinoga Hili ke faila kiei na pepa fai fakamahinoga, ko ho he apili hivili pe holigatulafono e tatau ke fakahalalau ki te Fale Lehitala mo Fakamahinoga Hili i Niu Hila ma e tatau ke iei he tuhi ki te Pule Fakatonu mai loto o te 28 aho e fakataga ai. Kote fakahalalauga o te apili e tatau foki ke iei he tuhi fakailoa ma te Komehina. Ko te fakahologa e mafai ke onoono e te Fakamahino Hili. Ko na moliaga hivili ma moliaga holigatulafono uma e fakaiku uma i luga o ni tuhituhiga vagana kua kehe he auala e fakahino mai e te fakamahinoga. Ko te tulafono tenei e mafai ke i loto ai foki na apili i he auala e takua i loto o te moliaga. Ona ei te faitalia a te Fakamahinoga Hili ke filifili e ia pe ko fea te fakamahino ai ienei moliaga (Tokelau, Niu Hila pe ko he tahi koga), (S 3(3)) ehe aoga kafai e fakahino mai e te fakamahinoga kafai te apili e fakaiku i luga o ni tuhituhiga.
- 62) Ko na vaega e totoe ko na vaega ia e fai kafai he fakamahinoga pe ko he fakahalaga e fai i loto o te Fakamahino Maualuga pe ko he fakamahinoga hivili e fai i te Fakamahino Maualuga.
- 63) Ko te fakaikuga pe fakatino pea te malohiaga o te Fakamahino Maualuga i loto o Tokelau, Niu Hila pe “he tahi koga talafeagai” (S 3(3)) ea koe ke fakahino. E heai he tulafono mo te Komiti Apili ma e aliali mai i te tulafono e fakatino i Niu Hila.
- 64) E tolu lava ia tulaga e ono fakamahino ai he fakamahinoga i te Fakamahino Maualuga. Muamua, fahioti o he tino e he tino/fatuga o he oti pe hikitia e te Komehina ke fakamahino i te Fakamahinoga Maualuga: kafai kua he mafai e te

Komehina ke fakamahino te moliaga pe kafai kua hikitia e ia ki te Fakamahinoga Maualuga; ma he fakamahinoga hivili e fai i loto o te malohiaga a te Fakamahinoga Maualuga.

- 65) Ko te tulafono 129 (R 129) e heti mai ai te fakahologa mo na “holigatulafono pe ni hehe ehe mafai ke fakamahino i loto o te fakamahinoga a te Komehina”. Kafai kua fakaiku te fakamahinoga e mafai e te Komehina oi hikitia te tino molia ke fai to na famahinoga i te Fakamahinoga Maualuga pe tatala e ia te tino molia i he tupe pe tuku atu te tino ki lalo o te taukilaga a leoleo. Kafai e he mafai e te Komehina oi fakatino te fakamahinoga pe fai kiei ha na fakaikuga e hikitia e ia ke fakamahino e te Fakamahinoga Maualuga ke fakamahino mai i kina, kae e tuha ai, ko heki iei lava he fakahologa ke mulimulitaki kiei ite fakatinoga o he hikitia venei. E kehe mai ai na apili, e he iei he tulafono fakatonu gauai ki na fakahologa fakamahino a te Fakamahinoga Nuku (District).
- 66) E he iei he fakahologa ke fakamatala ai na moliaga hivili e fai i te Fakamahinoga Maualuga. I te tulafono 3 o te Tulafono mo Huiga Tulafono 1986, e foki ki te Fakamahinoga Maualuga o Niu Hila na malohiaga uma ke pulepule ki na tulafono a Tokelau.
- 67) E mafai e te tino e hui e ia te tino molia ina moliaga hivili ke faila na pepa fakamahinoga hako ki ho he Lehitala mo te Fakamahinoga Maualuga ke kamata ai loa te fakamahinoga.
- 68) Kafai na fakatonu e te Komehina ke kave he moliaga holigatulafono ki te Fakamahinoga Maualuga pe kafai kua takua mai i lalo o te tulafono e tatau ke fakamahino he moliaga e te Fakamahinoga Maualuga, e tatau ai te Komehina ke hikitia e ia te moliaga ki te Fakamahinoga Maualuga, i te Lehitala i Aukilani (?) fakatahi ai ma na pepa/tuhituhiga uma e kaiga ki te moliaga. Ona la e heai he Fale Lehitala mo te Fakamahinoga Maualuga i Tokelau, i he kikilaga ko te mea ia kua hili ke fai. I te taimi lava e pa ai te moliaga ki te Fakamahinoga Maualuga i Aukilani, e mafai ai loa ke taukilila mai i kina kafai e kikila te Fakamahinoga Maualuga e talafeagai.
- 69) Ei te mea e fakafaigata. Kafai kua faila he moliaga ki te Lehitala a te Fakamahinoga Maualuga, ko te hitepu muamua e tatau ai ke fai hau fakaikuga pe fakamahino te moliaga i Tokelau pe ko Niu Hila pe ko he tahiti koga (S 3(3)). Kafai kote fakaikuga na fai ke fai he moliaga holigatulafono i fafo atu o Tokelau, e iei ai la he tahiti fakahologa e kehe atu e takua mai lalo o te tulafono 141 (R 141). Ko te tulafono 141 e fakapopolegia pe tatala ki tua te tino molia i he tupe pe tuku i lalo o te taukilaga pea a te tulafono, kafai e fai te fakamahinoga i fafo atu o Tokelau. E gafa foki tenei vaega ma na tino Tokelau e falepuipui i loto o Niu Hila. E takua mai lalo o te tulafono ki te Fakamahinoga Maualuga ke fakatonu e kilatou te hikitia o he tino pe ko he matakupu

ki te mea e fai ai te fakamahinoga. Ko te hikitia foki e tatau ke fai “i he auala ma he matakupu e fakahinohino mai e te Malo Fakaauau”.

- 70) E takua mai lalo o te tulafono 141(2) e fakahino mai e te Malo Fakaauau auala mai ni tuhituhiga “ko he mafai tena e mauagofie e he kaufaigaluega mai loto o te Malo o Niu Hila ke kave ma taofi he tino e tuha ai ma te fakatonuga na fai”. Ko au e talitonu ehe mafai e na tulafono ienei ke foki ki he tino e galue i lalo o te Malo o Niu Hila he malohiaga venei. E fakaluagia toku he talitonu ehe mafai e ienei tulafono ke foki te mafai e takua mai ke fakatino i loto o Niu Hila.
- 71) I he faka lauefaga, kafai te Fakamahino Hili e fakatonu mai e ia ke fai te moliaga holigatulafono i fafo atu o Tokelau, ko te Fakamahinoga Maualuga o te fenua e fai ai te fakamahinoga e mafai ke fakatonu te hikitia o te moliaga ma te tino molia ke kaumai loa ki te mea e fai ai te fakamahinoga. E heti e te Malo Fakaauau na tukutukuga o tenei hikitia o he tino molia i he moliaga holigatulafono. I te taimi kua taunuku atu ai te tino molia ki luga o Niu Hila, kua i lalo ai a te Fakamahinoga Maualuga te kikilaga o tenei moliaga. Pe vefea lava, e ono iei he tulaga e he manino ai te malohiaga o te Famahino o Fakamahinoga Maualuga o Tokelau ke fakatonu te taukikilaga o te tino molia i luga o Niu Hila.
- 72) E tatau foki ke iei he fakalamalamaga pe ko ai, i lalo o te malohiaga a ai, e mafai ai ke fakagaoi mai he tino e taofia i lalo o te puipuiga ki Niu Hila. Kafai te tino molia e taofi i lalo o te puipuiga a te Fakamahinoga Maualuga i Niu Hila, e taku mai ai i kina ko he leoleo Niu Hila mai lalo o te tulafono 3(2) (R 3(2)) i te Tulafono mo Leoleo 1989 e tutuha lava te leoleo Tokelau ma te leoleo Niu Hila. I he malaga venei, e manakomia ai he leoleo ke malaga fakatahi ma te tino molia ki Samoa. Ei la iei ni fakafitali ki na mea tau malohiaga i loto o te fenua e ono tutupu.
- 73) Kafai ko te tonu a te Fakamahino Hili e fai ke fai te moliaga hivili i fafo atu o Tokelau, ko he fakahinoga ai la e tatau ke foki ki te Lehitala a te Fakamahinoga Maualuga kua faila e kilatou tenei famahinoga.

HUI KE GALUE MO TE TINO MOLIA (LEGAL REPRESENTATION OF THE ACCUSED)

- 74) I te lahiga o na moliaga holigatulafono e ono fakamahino i te Fakamahinoga Maualuga, e manakomia ai e te tino molia he loia.
- 75) Mai lalo o te tulafono 95 e takua mai ai na vaega e mafai ai he tino ke galue fakaloia “i Tokelau pe i loto o he fakamahinoga o Tokelau”. (R 95)(1)) Mai na fakakupuga o te tulafono tenei, e taku mai ai he loia e galue fakaloia mo he tino Tokelau i te Fakamahinoga Maualuga ei loto ai na malohiaga ke galue ai fakaloia i loto a Tokelau, e tatau ai tenei tulafono ke gauai. E fakamatea mai e te tulafono tenei na vaega e tatau

ke fakamalie ka ko heki galue fakaloia i loto o he fakamahinoga o Tokelau oi fatoa iei ai he fakatagaga ma he tuhi fakaaloakia mai te Malo Fakaauau ke faitau i loto o te Fakamahinoga Maualuga.

- 76) Ei iei te tulafono mo te totogiga o he tino e galue fakaloia mo na Tokelau e fakamahino o latou moliaga ki te Fakamahinoga Maualuga. E fai na tuhi apalai ki te Komehina ma ko te tonu e gafa mate Malo Fakaauau. E iei na vaega e tatau ke fakamaliegia i te onoonoga pe talia ke kavea ma tino galue fakaloia. E fakatino na totogi e te kaufaigaluega a Tokelau. Ona ehe taku hako mai i te tulafono te gataga o te tino galue fakaloia tenei i loto o na fakamahinoga a te Komehina, e takua mai oioti te tuhi apalai e fai ki te Komehina. (R94)
- 77) I he tahi kikilaga, e iei te malohiaga o te Fakamahinoga Maualuga ke filifili ai ni tino galue fakaloia, ona la ko te fakatupega o te tino galuega fakaloia tenei ehe mautinoa.
- 78) Maiaku fakamaumauga, ei iei lava na fakahologa e pulepule ai te faiga o he fakamahinoga ina moliaga holigatulafono pe hivili i loto o te Fakamahinoga Maualuga. Ko te mea ehe talafeagai ei loto ma vaega ote fakahologa, e he iei ai la he mafuaaga e he mafai ai e te Fakamahinoga Maualuga ke “fakahino” ai na fakahologa kae maihe ai i lalo o te tulafono 3 o te Tulafono mo Huiga Tulafono 1986. E iei te malohiaga i te tulafono mo na apili holigatulafono pe apili hivili ke fai na fakamahinoga ki te Famahinoga Maualuga.
- 79) E fai ai haku tukufakatahiga pe vefea ona mafai e te fakahologa tenei. Ko te agaga la ke iei ni tulafono manino ma faigofie ke pulepule ai ienei fakahologa.

80) TUKUFAKATAHIGA

(a) Moliaga hivili

- a) Apili hivili – E mafai ho he apili ke faila ki ho he Lehitala mo Fakamahinoga Maualuga kae e tatau ke faila ki te Fakamahinoga Maualuga i Aukilani (i loto ona aho e 28 mai te aho o te fakaikuga a te Komehina). E tatau ai ke iei he kopi e kave kite Pule Fakatonu ma te Komehina i loto ote 28 o aho. E gafa e te Fakamahinoga Maualuga ma te apili tenei. Ehe manakomia he fakamahinoga ke fai vagana kua fakatonu mai e te Fakamahinoga Maualuga. Kafai e iei he fakamahinoga e fai ke fai, e tatau te fatonuga ke hau mai te Famahino Hili pe ko fea te fai ai te fakamahinoga.
- b) Fakamahinoga ona moliaga hivili – ko na moliaga hivili e mafai ke faila e ho he Lehitala mo Fakamahinoga Maualuga. E gafa ai ma te Fakamahinoga Maualuga tena moliaga ke pa ki to na fakamahinoga.

(b) Moliaga holigatulafono

- a) Apili – E tutuha ma te faiga o na apili o na moliaga hivili, vagana ai kafai te famahino o te Fakamahinoga Maualuga e fakatonu te apili “e ia lava” ma e fakatonu mai e te Fakamahino Maualuga ke fai te fakamahinoga i fafo atu o Tokelau. E apalai foki kiei te tulafono 141 (R 141).
 - b) Fakamahinoga o na moliaga holigatulafono –
 - i. Kafai e tonu te kave o te moliaga ke fakamahino e te Fakamahinoga Maualuga, ko na faila o te fakamahinoga e lafo e te Komehina fakatahi ai ma na pepa na fai ai te hikitia ki te Fakamahinoga Maualuga o Niu Hila (ki te Lehitala i Aukilani). E tatau ai ke fai te tonu a te Famahino Hili pe kave te fakamahinoga fai i Tokelau pe ko he tahi koga. Kafai e malie ke fai i he tahi koga, e amotia mai ai te fakahologa mai te tulafono 141 (R 141). I te taimi kua taunuku ai te tino molia fakatahi ma na faila ki te Fakamahinoga Maualuga, oi kua gafa ai te fakamahinoga tena ma te moliaga.
 - ii. Kafai e heki hikitia te moliaga ke fakamahino i te Fakamahinoga Maualuga, ko te fakahalaga ma na pepa uma e kaiga ki te fakamahinoga tenei e tatau ke faila uma ki te Fakamahinoga Maualuga. E tatau ai la te Famahino Hili ke fai he tonu pe fea te fakatino ai tenei fakamahinoga. Kafai ko te koga e fai ai ko fafo atu o Niu Hila, ko te fakaholohoga mai lalo o te tulafono 141 e apalai.
- 81) Na fakapipiki e au he pepa fakatumu ke fakaaoga e te Malo Fakaauau ke gauai ma te tulafono 141 (R 141).

FAKATONUGA A TE MALO FAKAAUAU

(Tulafono 141(1) Tulafono a Tokelau mo na Holitulafono, na Gaoioiga e tatau ke fai, ma na Fakamaoniaga 2003

Ki: **Na Leoleo uma i lalo o te Malo o Niu Hila**

Aho:

Ko te tino molia*igoa*.....kua tatau ke i loto
o te Fakamahinoga Maualuga o Tokelau i Aukilani, Niu Hila.

E tuha ai ma te tulafono 141(1) o te Tulafono a Tokelau mo na Holitulafono, na Gaoioiga e tatau ke fai, ma na Fakamaoniaga 2003, kua tuku atu e te Malo Fakaauau na auala e fakatino ai te hikitia o*igoa*.....ki te Fakamahinoga Maualuga i Aukilani.

FAKATONUGA

.....
.....
.....
.....
.....
.....

HAINIA E

.....
.....

Malo Fakaauau o Tokelau

NA MANAKOGA O TE MATATA O FAKAMAHINOGA

82) Mai luga ifo ona koleniga ma na akoakoga a te fakamahinoga, ko te lauefa o te fakahologa ke fakamahino na moliaga i te Fakamahinoga Maualuga e fakamatala mai ai te he tukutonuga o na tulafono e kava ai na fakamahinoga o Tokelau. Ko te tulaga foki tenei i loto i te faufauga o na fakamahinoga, na tulafono e hapoti ai na fakamahinoga, holigatulafono ma te hivili, na fakahologoa ma na tulafono mo na fakamaoniaga. Ko na mea uma ienei kua leva atili. E fakafaigata e kilatou te fakatinoga o te galuega a te fakamahinoga vena ma fakanunumi ai foki te fakatinoga o te galuega a leoleo. Na lahi lele na itula na fakamatala ai e au ienei vaega ki te Ulu, na Tapulega, na Komehina, na leoleo vena ma na tahi tagata nuku nae fiafia ki na matakupu a te fakamahinoga ma te tulafono. E mafaufau ai ai ke toe onoono fakalelei te Tulafono mo Huiga Tulafono a Tokelau, te Tulafono a Tokelau mo na Holitulafono, na Gaoioiga e tatau ke fai, ma na Fakamaoniaga 2003 fakatahi ai ma ietahi tulafono/taki e manakomia.

Na Tulafono Taki

83) E tolu lava ia “tulafono” e pulepule ai te fakamahinoga; te Tulafono Fakavae, te Tulafono mo Huiga Tulafono a Tokelau, ma te Tulafono a Tokelau mo na Holitulafono, na Gaoioiga e tatau ke fai, ma na Fakamaoniaga 2003 (e kava ai foki na moliaga hivili). Ko na tulafono e lua mulimuli e tatau ke toe iloilo loa i he taimi vave.

Heai o ni Fale fai Fakamahinoga mo te Komehina

84) Ko heki iei lava he fale patino ki na faiga fakamahinoga ke fai ai na fakamahinoga a te Komehina, pe ko he fale Lehitala mo fakamahinoga. Kua iei te tino e takua he Failautuhi. Na fatu mai i lalo o te Tulafono mo Huiga Tulafono a Tokelau na Komehina, kae ehe i loto ai he fale fai fakamahinoga. Ei iei te Fakamahinoga Maualuga ma te Fakamahinoga Apili kae he takua mai ai he fale fai fakamahinoga mo na Komehina. E fatu mai loto o te tulafono tenei te Komiti Apili mo na holigatulafono he matuia, e tuha ai e he i loto ai he fale fai fakamahinoga. Ko heki iei ai lava he koga e fakapatino ai te failaga o na pepa fakamahinoga. Ko na pepa fakamahinoga ienei e fai e te Failautuhi kafai lava e avanoa ona e iei na taimi e he i luga ai o Tokelau na Failautuhi pe avanoa ke maua e ia ienei pepa. E fakafaigata ai ke maitau he gataga o he taimi i loto o na tulafono (ft. failaga o na apili i loto o na aho e 28 e fakataua lele) ma e mulimulitaki kieci.

85) I te tulaga ai tenei e fakafehili ai pe aihea ai te takua ai na tino fai fakamahinoga i luga o Tokelau ni Komehina. Ko te igoa tenei e faigata ona malamalama kieci i he tahi koga o te Pahefika. Ko te malohiaga o te Komehina pe fai ha na fakaikuga ke fakahala pe

heai e tutuha lelei lava ma faiga ona famahinoga i loto o fakamahinoga o Auhetalia ma Niu Hila. Mo te fakamahinoga a Tokelau, ke fakaigoa fakalelei ki (tino fai fakamahinoga i loto o te nuku) e mafai ai i kinei ke lelei atili ai te igoa o te fakamahionga i loto ma fafo atu o Tokelau. Kafai ei iei he fakamahinoga kua iei he ofiha Lehitala ma te tino galuega faka lehitala, e tatau ke iei atiake ai na fakahologa ke mautinoa ai ko te galuega e fakatino i he fakahologa e tutuha. Hove ei iei i ni ietahi fenua o te Pahefika ei iei ai na tino fai fakamahinoga kae heai ni o latou fale fai fakamahinoga, kae ehe ko iloa ihe koga.

He galue o te Komehina

- 86) E iei na mafuaaga tatau e mafai ai te Komehina ke he galue, ft, ola malolo, he nofoia te fakamahinoga e te Komehina ona ko ni mafuaaga ei iei ho na va ki te tino molia. I te taimi nei e mafai e te Faipule ke fai e ia te galuega kafai te Komehina kua he avanoa, kae e lua ia fakafitauli o ono tutupu mai ai ite mea tenei. (S6) Mea muamua, ko te lahi o te fakafiuifiu o ietahi Faipule ke fai e kilatou te galuega a te Komehina. Ka he galue te Komehina i Nukunonu ina tauhaga kua teka atu, e tolu oioti ia moliaga kua fakamahino. Na lahi ai te fakaputuga moliaga e heki fakamahino.
- 87) Ko te tahi mafuaaga ona ko heki taukavea e te Faipule ni kolehinga fakamahinoga e ono faigata ai mo kilatou ke fai hao ki loto ona galuega a te fakamahinoga. Ko te fakafitauli tenei ko he matakupu kehe foki i loto o Tokelau.
- 88) E fakatu e au kafai ko na mafuaaga kite he mafai ke fakatino te fakamahinoga ona ko ni va, e mafai ai ke fakaheai te mafuaaga tenei kafai e fakaaoga he taih Komehina mai he tahi nuku i Tokelau lava. E talitonu au ko he auala tenei e faigofie ma ehe lahi he tupe e fano kiei. E malamalama au ko te huiga ki na tulafono taki e ono aofia ai foki ma te aganuku. Te tokalahiga ona tino Tokelau na faitala au kiei, i ho latou kikilaga te lahi o te lave ki te galuega e mafua mai ite aganuku ma na nofonofoga. Ko kilatou uma ienei e talohia lele ki he fofo ki tenei fakafitauli.

Fakahalaga ki na moliaga holigatulafono, falepuipui

- 89) Ko te fakahalaga maualuga mo he holigatulafono i lalo o te Fakamahinoga a Komehina i Tokelau (ei loto ai te fakamalohiaga o he tino ke feahuaki, ma te fakatupu o he afi/mumu ma ietahi holigatulafono mamafa) e tolu mahina e galue ai mo te nuku. (E heki takua mai pe fakafia i loto o te tolu mahina tenei e galue ai mo te nuku. E tatau ai ke tukufakatahi ki loto o ni itula kae he ni aho/vaiaho/pe ni mahina). Ko te mafuaaga nei ona ko heki iei lava ni falepuipui i luga o Tokelau. Ko te fakahalaga maualuga ki ienei holigatulafono e falepuipui he ova atu ite tauhaga ei iei ai te mafai a te Komehina ke tipi ki lalo ki te tolu mahina. E mafai ke fai te tonu ma te Komehina

pe he holigatulafono te na fai pe heai ki na holigatulafono mamafai, kae kafai e manakomia ke fakamamafa atili te piliota e falepuipui ai oi kua tatau ai la ke hikitia te fakahalaga ki te Fakamahinoga Maualuga i Niu Hila. Ko heki iei lava he moliaga e hikitia ki Niu Hila.

- 90) Ko te heai o ni falepuipui kua lahi ai te manakoga mai na fenua ke fau loa ni fale ke falepuipui ai na tino molia (ehe i loto o te tulafono) ma kua iei te nuku kua mafaufau ke fau loa he tama “falepuipui”. Ko heki iei he tulafono e pulepulea ai na tino falepuipui i loto o na falepuipui. Ko te mafuaaga tenei kua fakatupu ai te fakafitauli e hohoko.

Tulafono a Tokelau mo na Holitulafono, na Gaoioiga e tatau ke fai, ma na Fakamaoniaga ma te Tulafono mo na Huiga Tulafono a Tokelau 1986

- 91) Ko na tulafono leva ienei e lahi lele te nunumi e fakatutupu ki na vaega uma ienei e fa ko te holigatulafono, fakamaoniaga, gaoioiga, ma na moliaga hivili. E mafua ai te fakafaigata ke fakatino na galuega ma na gaoioiga a te Komehina, ko ietahi taimi ehe lava na “meafaigaluega” mo te fakatinoga o te galuega a te Komehina.
- 92) Ni fakatakitakiga ienei – Ko te fakahalaga tupe maualuga e \$150 mai lalo o te tulafono mo na Huiga Tulafono a Tokelau 1986 – e mafai e na Komehina ke fai loa ha na fakaikuga pe holigatulafono pe heai ki na holigatulafono mamafai kae he i loto ai te fahioti o he tino ehe tahi tino/fakatupu o he oti, kae e fakahala oioti i he tolu mahina falepuipui ai (mai loto o na tuhituhiga) – ko te Tulafono a Tokelau mo na Holitulafono, na Gaoioiga e tatau ke fai, ma na Fakamaoniaga kua leva atili foki – ehe manino lelei pe mafai i loto o na moliaga holigatulafono ke fakafehili na tino galue fakaloia mo kilatou e aofia i loto o te moliaga (R131) – ko te malohiaga foki i loto ona moliaga hivili i he tulaga he lelei e \$1000 – kafai la kua fakahala ihe aofaki e \$1100 e tatau ai la te fakamahinoga ke kave ki te Fakamahinoga Maualuga – ma ko he apili mai he tonu ma te Komehina i te \$50 – ko fakamalohiaga o he tino ke feahuaki e taku ko te feahuakiga he tuha ma te tulafono, ko he kupu tenei e heki malamalamana kiei na tino na faitala au kiei – ko te tatala atu ki tua o he tino molia i he tupe ko ni tukutukuga e fakamautinoa ai ko te tino e toe hau ki mua o te Fakamahinoga, ehe mafai ke fakatino hako tenei mea i luga o Tokelau – ko na mafuaaga tonu e aofia ai te Taupulega ki loto o na tonu a te Komehina ko heki maina lelei. (S 7(4), (5), R 83)

- 93) Ko ienei fakatinoga ehe talafeagai ai ma na tulafono i lalo o te Tulafono mo te Huiga Tulafono mo Tokelau 1986. Ko te Tulafono Taki a Tokelau (Tokelau Act) e faka kaiga ki te manakomia o na Fakamahinoga ke atiake. E lahi lele te va e kitea i kinei (kikila ki na fakamatatalaga i luga o na Fakamahinoga, Lehitala ma na tino fai

fakamahinoga). Ko he tagi e fia fai agai ki te aia tatau a te tino e fano hako ki te Malo Fakaauau – ko te vaega tonu ia hove e agai kiei te tagi. (kikila ki na fakamatлага ki te Tulafono mo te Aia Tatau a te Tagata 2003).

Tuhi Taki a na Komehina (Bench Book)

94) Kua uma te faiga o Tuhi Taki mo na Komehina ke fakaaoga. Na lelei lele te tukufakatahiga o te tuhi tenei kae e he lahi ni fakatinoga e takua mai loto ke taki ai te faiga ona moliaga holigatulafono ma e he takua mai loto na moliaga hivili. Ka koi fai te akoakoga a te PJSI na fatu ai e kimatou ni pepa ke taki ai na Komehina. Ei loto ai na taki mo te faiga o he fakaikuga mo na Komehina ma te Komiti Apili fakatahi ai ma pepa e i loto ai na hitepu e taukave mo te fakatinoga o he fakamahinoga. Ko na pepa taki ienei ma na pepa na fatu e Enoka ma au mo na tino fai fakamahinoga i loto o te Pahefika. Na toe fulifuli e kimaua na fakakupuga o na pepa ienei ma na toe fakaopoopo e kimaua ni ietahi fakakupuga ki te pepa ke fakafetaui mo Tokelau. Ko te kinoga ona pepa ona ko ni pepa lava e heki fakamautu ma fakamamalu te faiga. Kafai e manakomia ke toe print na pepa luuhi ienei e manakomia ai ke tuku ki loto o he faila.

Fale Fakamahino

95) Na iei ni kikilaga e manakomia lele e na nuku e tolu ni Fale Fakamahino. Ona ko te mafai ke fakatino na galuega e ono fakafaigata ai ke fakatupu tenei manakoga. Kua iei te tuakoi i Fakaofe e manaia lele ke fakatu kiei he Fale Famahino. Kafai e fakaaoga ho tenei fale e fakamamalu ai te kikilaga ki te fale famahino tenei.

96) E tatau lava ke iei he ofiha tumau – ma he Ofiha Lehitala mo na nuku takitahi mo na Failautuhi takitahi ma na Komehina takitahi. E mafai ai ke faila kiei na pepa mo fakamahaniga ma ietahi galuega a te fakamahinoga; e tatau ke iei ni haini ke fakaaloakia ma fakamatea ai kua iei te fale famahino i luga o Tokelau.

Tulafono Nuku

97) E iei te malohiaga i loto o te nuku mo te Taupulega ke fai tulafono i lalo o te Tulafono mo te Tukufakatahiga o na Nuku i lalo o te Tulafono. Ko na tulafono foki ienei e tatau ke talafeagai mo te lelei o tagata nuku ma te nuku. Ko te fakahalaga mamafa i loto o ienei tulafono nuku e \$150.

- 98) Kafai kua holitulafono he tino ki na tulafono nuku, e tatau tenei moliaga ke fakamahino e te Komehina. Kafai e fai te fakamahinoga kae ite ikuga a te Komehina na fai te holigatulafono e fakahala (hala tupe he ova atu ite \$150).
- 99) Na iei na kikilaga ki ni holigatulafono ki na tulafono nuku nae he fakamahinoa e te Komehina ma ko na fakahalaga foki e ova lele atu i te hala tupe \$150 e fakaaoga ai te tunoa.
- 100) E taua lele e au ke taku atu kia te kilatou uma na kaufakatahi ki na koleniga, ko te tulafono e taku mai ko te Komehina oioti te mafai ke fakamahino ma fai ha na fakaikuga ki na moliaga holigatualfono ina tulafono nuku. Ko te Komehina foki lava te tatau ke fai e ia he fakahalaga kafai na holia he tulafono nuku. Mea mulimuli, oioti ai lava he fakahalaga ko te hala tupe he ova atu i te \$150. Ko te faiga ona fakahalaga tunoa e he i lalo o te tulafono.
- 101) Kua fakapukupuku atu e au na fakamatalaga i luga, kae nae fofou lele au ke taku hako atu na mea e talitonu au e taua i loto o na fakafitaui ienei i loto o te hihitemi o Fakamahinoga a Tokelau.

Sir Ron Young

KNZM

3 Apelila 2018

PEPA FAKAPIPIKI 8

FAKAATAATAGA TULAFONO MO TE PUPIUIGA O NA FEHOKOTAKIGA I LUGA O TE INITANETI

1. **Igoa**
2. **Fakauigaga**
3. **Fakatapulaga o na mahini e fakatupu fakalavelave**
4. **Fakatapulaga o te fakaaliga o ni fehokotakiga ea he tino na puke ehe tuha ai ma te tulafono**
5. **Fakatapulaga o te fefakatauakiga o ni mahini fakatupu fakalavelave**
6. **Kavekehe mai pe kua Tokehea mai o he mahini fakatupu fakalavelave o na ko he Fakahalaga**
7. **Fakaaliga ehe tuha ai ma te tulafono**
8. **Avanoa i te tatalaga o te hihitemi ona mahini mo ni mafuaaga he fakamaoni**
9. **Fakokino pe fakalavelave ki te hihitemi o na mahini**
10. **Fai, fakatau, pe fakahoia pe fakaaogagia ona polokalame ke fakatino ai he holitulafono**
11. **Avanoa ke tatalaga o te hihitemi ona mahini e aunoa ma he fakatagaga**
12. **Matakupu fakavae mo te fehokotaki**
13. **Fakatinoga o he fakamahinoga ma fakamaoniaga**
14. **Fakatonuga e mafai ke fai e te fakamahinoga**
15. **Holitulafono o te he uhitakia o na fatonuga a te fakamahinoga**
16. **Fakatupuga o ni afainaga mafua mai te lafo o ni fehokotakiga i luga o te telefoni**
17. **Holitulafono i luga o na mahini**
18. **Puipuiga mai te he mafai ke momolia i he tagi**
19. **Fetukunakiga o he hihitemi o he komepiuta**
20. **Ata mataga (fakaulugaliki) o tamaiti**
21. **Tukuakiga tau pihinihi**
22. **Taimi mooni e ao ai ni fakamatalaga mai ni feokoakiga**
23. **Fakahalaga**
24. **Ko na Tulafono mo te Kamupani Fehokotakiga a Tokelau kua huia**

1 Igoa

Ko na Tulafono mo te Puipuiga o na Fehokotakiga i Luga o te Initanieti

2 Fakauigaga

(1) I loto o te Tulafono tenei –

“avanoa ke tatala” ki ho he komepiuta hihitemi, ko tona uiga ke fakatonu, fehokotaki ai, teu ki loto ni fakamatalaga, maua mai ni fakamatalaga, pe fakaaoga ho he lihohi o te hihitemi o te mahini;

“fakatagaga” ei loto ai foki te fakatagaga na tuku aloakia ki he tino pe mai lalo o he tulafono, pe ko ho he fakatonuga mai a te fakamahinoga;

“tamaiti” ko tona uiga ko he tino ei lalo ifo ote 18 tauhaga;

“ihihitemi i loto o he mahini ‘komepiuta’ ko tona uiga-

- (i) he mahini ‘komepiuta’; pe
- (ii) e 2 pe lahi atu ia mahini e hohoko fakatahi; pe
- (iii) ho he auala fehokotakiga e fehokotaki ai na mahini pe ki he koga mamao pe ki ho he tahi mahini e fehokotaki ai; pe
- (iv) e 2 pe lahi atu ia mahini e fehokotaki e tukufakatahi ma ho he tahi auala e fehokotahi ai na mahini pe ki he koga mamao pe ki ho he tahi mahini e fehokotaki ai; ma
- (v) ei loto ai ho he vaega i loto ona mea e fakamatala mai i luga o te hini

(i) ma (ii) ma na vaega ei loto ai ni vaega e tuku ki loto, tuku mai ki fafo, ni vaega e fakagalue, teu, polokalama, pe ko na fale mo fehokotakiga, ma na fakamatalaga kua teu.

“telefoni fehokotaki”

- (i) ko tona uiga ko ho he itukaiga mahini e fehokotaki ai; ma
- (ii) ei loto ai na fekau e tuhituhia, tuhituhi, ata, fakamaumauga, pe ko ni ietahi vaega e fakaaoga ai na itukaiga mahini e fehokotaki ai;

“ata fakaholo e puke”

(i) ko tona uiga ko he ata fakaholo (fakatakitakiga, he ata, ata fakaholo, pe he ata na puke) e fai i ho he auala e fakaaoga ai ho he mahini kae aunoa ma te malie mai i te tino e pukea i loto o na ata puke ienei ma ko –

(I) he tino ei he koga e fakamoemoe eo ia tautahi, ma ko te tino tenei e –

e hei iei ni ona lavalava pe iei ona fakahinomaga, nofoaga fakahalalau, pe ko ona
huhu e fakaaliali pe he fakaalalia, pe ei loto lava o ona lakei e fai; pe

e fehuaki ma he tahi tino; pe

e takele, pe i loto o te tukutua, pe ko ho he vaega lava e i loto ai te faiga o na lakei
pe ko te kavekehenga o na lakei; pe

(II) ko he tino e he iei ni ona lakei e fai pe fai foki ni ona lakei – i he koga e
tumutumu ai ni tino, i he koga i loto o te nuku, nofoaga, pe ko na huhu fafine e faia i
–

mai lalo pe ko lalo foki e fai mai ai na lakei o he tino; pe

mai fafo atu ona lakei o he tino ehe talafeagai ke fai ai; ma

(ii) ei loto ai tea ta fakaholo e puke kae e fai ma faka-fehokotaki i te taimi tonu
lava tena e fai ai ka ko heki teua ki loto o ni –

(I) ni pepa fakatumu; pe

(II) ni pepa fakatumu i loto o na mahini e mafai ai ke toe fai lava e ia he kopi
aunoa ma te fehoahoaniga mai ho he tahi mahini pe ko ho he mea

“fakalavelave” ei loto ai na vaega ona fehokotakiga a te tino lava ia, ei loto ai te
fakalologo, fakalogologo, puke, fakaaliali, fakatau, pe maua mai te fehokotakiga e
tuha ai pe –

koi fakatino pea lava; pe

kafai koi fekaveaki lava;

“mahini fakalavelave”

(i) ko tona uiga ko ho he meafaigaluega faka-eletihe, mahini, meafaigaluega, pe
ko ho he tahi mea faigaluega mahini, pe ko ietahi mahini e fakaaoga ke mafai ai ke
fakatupu he fakalavelave i loto o he fehokotakiga fakalilolilo; kae

(ii) e he i loto ai –

(I) he mahini e fehoahoani ai kite fakalogo pe ko he mahini fakapitoa e fakaaoga
ke fakahao ai te fakalogo a te tagata e hili atu nai lo te fakalogo mahini.

(II) he mahini kua tatala ki tua mai lalo o ienei Tulafono e te Ulufakatonu pe i he
koga pe ko he koga lautele e tupu mai pe fakatulaga kina tahi tukutukuga eve ona
fakatalatalanoa fakapitoa mai e te Ulufakatonu;

“fakailoagia o he fehokotakiga e fai ina telefoni” ko tona uiga e hikitia, e lafo, e
lomilomi, fakahalalau, pe ko he fehokotaki atu i he tahi auala e mafai ke fehokotaki ai
i luga ona telefoni –

ko ho he/ni fakamatalaga, pe mooni pe he mooni, e fakauiga ki he tino; pe he ata na puke eo he tahi tino; ma ei loto ai ni taumafaiga ke fai ho he mea e fakauiga kiei te palakalafa (a);

“Fehokotakiga fakalilolilo”

- (i) tulaga e talafeagai ke fakailoa ai ho he vaega i te fehokotakiga e manako ke fakamaonia ki na tino ei aofia ki loto o te fehokotakiga;
- (ii) e he aofia ai fehokotakiga e tulaki mai i he tulaga e fakamahalogia ai he tino ki he fehokotakiga kua fakalavelave mai e he tahi tino aunoa ma he fakatagaga kua tukualoakia kiei ke fai e ia;

“tino pagatia” ko to na uiga ko he tino kua lama agai ki ei he fehokotakiga ite initaneti kua fakahalagia.

3 Fakatapula o te fakaaogaga o na mahini e fakatupu fakalavelave

- (1) E tuha ai ma te palakalafa (2) ke pa ki te (5), e faia e na tino tautokatahi he holitulafono kafai na fakalavelave ma te loto kiei ki ho he fehokotakiga fakalilolilo e ala i he mahini.
- (2) Ko te palakalafa (1) ehe apalai kafai he tino na fakalavelave ki loto o he fehokotakiga fakalilolilo ko he tino lava i loto o te fehokotakiga fakalilolilo tena, pe na faia e ia e tuha ai ma na tukutukuga kua tukualoakia kiei mai te Ulufakatonu.
- (3) Ko te palakalafa (1) ehe apalai kafai ko te fakalavelave ki te fehokotakiga fakalilolilo mai ho he tahi mahini fakalavelave na fakagalue e he tino e galue tautua ki te fakahoaga o te initaneti pe ko ho he fehokotakiga tautua ki te nuku kafae e –
 - (i) ko te fakalavelave na faia e he tino faigaluega mai te vaega kaufaigaluega i te initaneti pe ko ho he tahi fehokotakiga fehokotaki ki tagata lautele i te fakahologa ona tiute o te tino tena.
 - (ii) Ko te fakalavelave na fai i luga o ni mafuaaga ke fakamautu ai te initaneti pe ko ho he tahi tautuaga mo fehokotakiga; ma
 - (iii) Ko te fakalavelave e fakaaoga oioti kafai ko ni mafuaaga ke fakamautu ai te initaneti pe ko ho he tahi tautuaga mo fehokotakiga.
 - (iv) Ko te fakalavelave e fatoa fakaaoga mo te fakamoemoega ke tauhihia te initaneti pe ko ni ietahi vaega mo fehokotakiga.
- (4) Ko ni fakamatalaga kua maua i lalo o te palakalafa (3) e tatau ke fakokino loa kafai kua he manakomia i ni mafuaaga e fakamautu ai te initaneti pe ko ho he tai tautuaga mo fehokotakiga.

(5) Ko ho he/ni fakamatalaga na maua kae koi fehoahoani ki te fakatinoga i te kikilaga ki luga o te pule a te Pule e tatau ke vave fakokino loa kafai ehe toe manakomia i te mafuaaga na maua ai.

4 Fakatapula o te fakailoa atu ki tua ni fehokotakiga totino (private) kua maua i he auala e holitulafono.

(1) E tuha ai ma te palakalafa tona (2), kafai kua iei he fakamatalaga totino kua maua kae ehe talafeagai ai ma te tulafono 3, kua holia e kilatou te tulafono kafai na fai ma te iloa e –

- (i) Fakailoa atu ki tua ni fehokotakiga ehe tatau ke fakailoa, pe ko he vaega, uiga, pe ko te mafuaaga o te fehokotakiga, pe ko he vaega i loto o te fehokotakiga; pe
- (ii) Fakailoa atu ki tua te iei o he fehokotakiga ehe tatau ke fakailoa pe he fehokotakiga totino lava,

Kafai na iloa kae pa foki ki tona iloa ite itukaiga ikuga e pa kiei, kua holia ai te tulafono 3.

(2) Ko te palakalafa (1) ehe apalai kafai kua iei ni mea e fakailoa –

- (i) Ki he tahi tino e aofia i loto o te fehokotakiga, pe takua pe he takua kae e fakauiga kua ioegia ki he tahi tino; pe
- (ii) I loto o te, pe ini mafuaaga, e-
 - (I) Fakatino ai ni hukehukega ma Leoleo i he holigatulafono o te tulafono 3; pe
 - (II) Faiga o ni fakamaoniaga ki loto o he fakamahinoga hivili pe holigatulafono e tau kite fakalavelavega o he fehokotakiga totino na mafua mai i he mahini fakalavelave pe na fakailoa atu ki tua ini auala holigatulafono o he fehokotakiga totino na fakalavelaveina ini auala holigatulafono; pe
 - (III) Faiga o ni fakamaoniaga ki he fakamahinoga hivili pe holigatulafono e tuha ai ko te fakamaoniaga tena e he taliagia e he tulafono pe k oho he tahi tulafono.
 - (IV) Iloiloga pe ko te fakailoaga/fakahalalauga e taliagia ki loto o ho he fakamahinoga hivili pe holigatulafono.

5 Fakatapula o te tagofia ki na mahini fakatupu fakalavelave

(1) E holitulafono te tino kafai e –

- (i) valakaulia e ia ho he tino ke maua mai ia te ia lava, pe
- (ii) e ofo pe fakaaliali mo te mafuaaga ke fakatau pe hapalai atu ki ho he tino, pe
- (iii) talia ke fakatau pe hapalai pe kua fakatau pe kua hapalai ki ho he tino, pe
- (iv) kua ia te ia mo te mafuaaga ke fakatau pe hapalai ki ho he tino, ho he mahini fakatupu fakalavelave.

(2) Ko he mahini fakatupu fakalavelave mo na mafuaaga i lalo o te palakalafa (1), ko he mahini e –

e patino ki te mafuaaga e iloa ai e he tino e mahalohalogia ia ki te fakalavelavega o he fehokotakiga totino, pe

e manatu te tino e aoga te mahini fakalavelave mo te fakailoagia o ni fehokotakiga kua faka mahalohalogia, pe

(3) E mafai ke tautali atu ki he moliaga holigatulafono kafai e fakamaonia na –

- (i) i te taimi na fakatino ai he holigatulafono mai lalo o na tulafono e i lalo o te palakalafa (1)(i) ki te (iv), ko ia e takua i lalo o tenei palakalafa ko he leoleo, pe ko ho he tino mai te Kautautua a Niu Hila mo te Puipuiga o te Haogalemu o Niu Hila pe ko te Ofiha o te Puipuiga o Fehokotakiga a te Malo, pe ko he tino e galue i lalo o te Ulufakatonu, pe ko he tino e fakatino e fakatino a na galuega i luga lava o tona tulaga i te galuega; pe
- (ii) kafai te moliaga e faka-kaiga ki te hapalaiga o he mahini fakalavelave pe i luga foki o he tau na fai kiei na –
 - (I) na hapalai e he tino te mahini fakalavelave ki he tahi tino e tuha ai ma te palakalafa (I)(iii) pe (iv) i luga o he mafuaaga o he fakamahinoga pe ko ho he hukehukega pe ni iloiloga pe ono toe tutupu mai i ho he tahi fakamahinoga; pe
 - (II) ko he leoleo pe ko ho he tino mai te Kautautua a Niu Hila mo te Puipuiga o te Haogalemu o Niu Hila pe ko te Ofiha o te Puipuiga o Fehokotakiga a te Malo, na hapalai ai e he tino ni mahini fakalavelave i loto o te taimi e fakatino ai a na galuega ki he tahi tino e fakatatau mai lalo o te palakalafa (1)(iii) pe (iv) mo he mafuaaga fakatetulafono.

6 Kavekehe mai pe kua Tokehea mai o he mahini fakatupu fakalavelave o na ko he Fakahalaga

Kafai he tino kua molia i te tulafono 3 pe ko te tulafono 5 e tuha ai i ho he mahino fakalavelave ma ko te mafuaaga tonu lava kote fakalavelavega ki he fehokotakiga totino, e mafai e te fakamahinoga oi, mo he vaega o te fakahalaga, kave he fakatonuga ke faoga fakamalohi o te mahini fakalavelave, i ho he tulaga venei e pa kiei, e tatau te mahini fakalavelave ke faoga fakamalohi ki te Crown ma e mafai ke fakaheaoga ini faiga e fakatonu mai ai e te Ulufakatonu.

7 Fakahalalauga fakaholitulafono

(1) Ko te fakahalalauga fakaholitulafono ko te loto kiei e fakahalalau kae heki iei he fakatagaga, o ho he fakamatalaga na maua i loto o te fakatinoga ona tautuaga mo fehokotakiga.

(2) E tuha ai ma te palakalafa (1), ko he tino e fakahalalau e ia ni fakamatalaga ki he leoleo, kafai te fakamatalaga e agai ki he holigatulafono na fakatupu pe mafai ke fakatupu ai te fakokino mamafa ki ho he tino.

(3) Ko he tino e fai e ia te fakahalalauga fakaholitulafono kua holitulafono.

8 Tatalaga o te hihitemi o te mahini i luga ona mafuaaga o te he fakamaoni

(1) He holigatulafono kae he tino e, tuhako pe he tuhako, tatala e ia ho he hihitemi o he mahini i luga o ni auala he fakamaoni mate taufakahehe, e aunoa ma he fakamaoniaga o he hako –

- (i) ke kave e ia ho he mea totino, avanoa, tautuaga, mo te leleiga lava o ia, ma to na penefiti; pe
- (ii) fakatupu he mea ke paku ai he tahi tino.

9 Fakokino pe fakalavelave ki na hihitemi ona mahini

(1) E holitulafono te tino kafai kua loto ia kiei ite he fakaeteete kae fakaheaoga, pe fakokino, pe hui e ia ho he hihitemi ona mahini kafai na fai ma te iloa e ia e ono fakapokepoke ki te haogalemu o te ola o te tino.

(2) E holitulafono te tino kafai kua loto ia kiei ite he fakaeteete, ma aunoa ma he fakatagaga na tuku kiei, ma e iloa e ia e heki iei he fakatagaga na tuku ake kiei, pe nae he fakaeteete pe na maua e ia he fakatagaga pe heai –

- (i) fakokino, fakaheai, hui, pe ko ho he itukaiga fakalavelave kina polokalame a te hihitemi o te mahini; pe
- (ii) fakatupu e ia ho ni fakamatalaga i loto o te hihitemi o te mahini ke fakokino, fakaheai, hui, pe ko he tahi fakalavelave e fai kiei pe he fakakinoga; pe

(iii) fakatupu ho he hihitemi mahini ke he ola pe fakaheai te hohokoga o tenei mahini ki ietahi tino e fakataga ke fakaaoga e kilatou.

10 Fauga, fakatau, pe fakahoahoa pe maua he polokalame fakatupu ai na holigatulafono

(1) E holitulafono kafai e valakaulia he tahi tino ke maua mai ia te ia, pe ofo pe fakailoa kiei ke fakatau pe hapalai ki ho he tahi tino, pe taliagia e ia ke fakatau pe hapalai pe kua fakatau ma hapalai ki ho he tahi tino, pe kua maua e ia i luga o ni mafuaaga ke fakatau pe hapalai e ia ki ni ietahi tino ho he polokalame pe ko ni fakamatalaga e mafai ke tatala ehe tino i loto o te hihitemi mahini aunoa ma he fakatagaga kua tuku kiei –

- (i) ko te mafuaaga tonu ia e iloa e ia (taane & fafine) he holigatulafono; pe
 - (ii) e amanakia e ia ke fakatino ai he holigatulafono (pe amanakia e ia pe heai, e faka amanakia e ia to na aoga mo he tahi mafuuaga), kae e iloa ma he fakaeteete pe aoga nei mo te fakatinoga o te holigatulafono.
- (2) E holitulafono he tino kafai e –
- (i) ia te ia (taane & fafine) ho he polokalame pe ko ni ietahi fakamatalaga e ono mafai ai ia ke tatala he hihitemi mahini aunoa ma he fakatagaga kua tuku aloakia kiei; ma
 - (ii) e fai ma loto ia kiei ke fakaaoga e ia te polokalame pe ko ni ietahi fakamatalaga ke fakatupu ai he holigatulafono.

11 Tatalaga o na hihitemi ona mahini aunoa ma he fakatagaga

- (1) He holigatulafono kafai he tino na tatala e ia ma te loto kiei, tuhako pe he tuhako, ho he hihitemi o he mahini aunoa ma he fakatagaga kua tuku aloakia kiei, kae e iloa e ia ko heki iei he fakatagaga na tuku ake kiei ke tatala ai he hihitemi o he mahini, pe ehe fakaeteete pe na tuku ake kia te ia (taane & fafine) he fakatagaga ke tatala e ia te hihitemi o te mahini.
- (2) Ko te palakalafa (1) ehe apalai, kafai he tino na tuku kiei te fakatagaga ke tatala e ia he hihitemi ona mahini, pe tatala e ia te hihitemi ote mahini mote mafuaaga tonu na tuku ai kiei he fakatagaga.

12 Takitaua mo fehokotakiga

- (1) Ko na takitaua ienei mo fehokotakiga –

Tikitaua 1

Ko he fehokotakiga e fakatino ite initaneti ehe tatau ke fakahalalaua ni mea mooni patino e uiga ki na tino tautokatahi.

Takitaua 2

Ko he fehokotakiga e fai ite initaneti ehe tatau ke taufakamataku, fakatupu fakamataku, pe fakamataku.

Takitaua 3

Ko he fehokotakiga e fai ite initaneti ehe tatau ke fakatupu he matua he fiafia ki he tino e talafeagai i te tulaga o te tino kua afaina.

Takitaua 4

Ko he fehokotakiga e fai ite initaneti ehe tatau keiei ni mea mataga me ni mea kino i loto.

Takitaua 5

Ko he Ko he fehokotakiga e fai ite initaneti ehe tatau ke fakaaogagia ke fakatupu fakafitalui ai ki he tahi tino.

Takitaua 6

Ko he fehokotakiga e fai ite initaneti ehe tatauke faia ni fakamatalaga he hako.

Takitaua 7

Ko he fehokotakiga e fai ite initaneti ehe tatau ke i loto ai ni fakamatalaga kua fakahalalau e afaina ai te talitonugia o he tino.

Takitaua 8

Ko he fehokotakiga e fai ite initaneti ehe tatau ke fautuagia ki ho he tino ke lafo ni fakamatalaga ki he tahi tino i luga o ni mafuaaga ke fakatupu ai he kino ki he tino.

Takitaua 9

Ko he fehokotakiga e fai ite initaneti ehe tatau ke fautuagia ki he tino ke pule ki te ola.

Takitaua 10

Ko he fehokotakiga e fai ite initaneti ehe tatau ke takukino ihe tulaga kua he talafeagi ai he tahi tino i luga ona mafuaaga o te lanu, itukaiga, nuku, tulaga o tona fanau mai pe ni ietahi tulaga lava, tapuakiga, itukaiga tane pe he fafine, pe kafai ko he tino e ie ni ona tuale fakapitoa.

(2) Ko ho he tino e aofia ini fehokotakiga ite initaneti kua he tauhitonu ke mulimilitaki kina takitaua i te palakalafa (1) kua holitulafono.

13 Auala e fai ai na fakamahinoga ma na fakamaoniaga

- (1) E mafai e te fakamahinoga ke, kafai kua onoono kite tulaga ei iei ai te moliaga, fakatonu he moliaga na kaumai i lalo ona Tulafono ienei ke onoono oioti ki na pepa tuhituhia kua kaumai kiei.
- (2) E mafai e te fakamahinoga ke fai he moliaga i he tulaga e kikila e talafeagai ke puipua ai he tino ke he fakailoa ai tena tino ki ho he tahi tino ite taimi e fai ai te fakamahinoga.
- (3) E tatau te fakamahinoga fai a na mafuaaga o ana fakaikuga e fai i loto ohe faiga fakamahinoga.
- (4) Ko te fakaikuga, ei loto ai na mafuaaga, e tatau ke fakamaumau.

(5) E fakataga e te fakamahinoga ke kaumai ho he fakamaoniaga pe ko ni fakamatatalaga e kikila e talafeagai ke fehoahoani ki te fakatinoga o te famahinoga i lalo ona Tulafono ienei, pe talia pe he talia ienei fakamatatalaga ki loto ona fakamahinoga ienei.

14 Fakatonuga e mafai ke fai e te fakamahinoga

- (1) E mafai e te fakamahinoga ke, i luga o he tuhi apalai, fai he fakatonuga e fokotahi pe hilia atu agai ki te tino molia –
 - (i) he fakatonuga ke kave ki lalo pe fakaheai o ni mea:
 - (ii) he fakatonuga ke taofi pe taofia te tino molia mai he holigatulafono kua aofia ai:
 - (iii) he fakatonuga ke he faufautua te tino molia ki he tahi tino ke auai i loto o ni fehokotakiga e tutuha ki te tino afaina.
 - (iv) he fakatonuga ke fakahalalau na tuhituhiga i loto o te fakamahinoga:
 - (v) he fakatonuga e takua ai te aia tatau ki te tino afaina ke tautali mai ai ia:
 - (vi) he fakatonuga ke fakahalalau he tuhi fakatokehe.
- (2) E mafai e te fakamahinoga, e auala i he tuhi apalai, ke fai he fakatonuga agai ki he tino e fakaaoa e ia te initaneti (internet) –
 - (i) he fakatonuga ke kavekehe pe fakaheai te mafai o ho he tino ke tatala e ia he polokalame i luga o te neti pe ko ni tuhituhiga kua uma te lafo:
 - (ii) he fakatonuga ke takua he tino ehe fakailoa pe ko ni fehokotakiga ke tuku atu ki te mamalu o te fakamahinoga:

- (iii) he fakatonuga ke fakahalalau he tuhituhiga na toe fakahako i ho he vaega e fakatatau hako kiei te fakamahinoga i loto o he fakatonuga:
- (iv) he fakatonuga i te aia tatau ke foki ki te tino afaina i ho he vaega e fakatatau kiei te fakamahinoga i loto o he fakatonuga.

(3) Eiei foki te malohiaga o te fakamahinoga ke fai ai he vaega e fokotahi pe hilia atu ina vaega e takua i lalo –

- (i) fai hako he tuhi apalai mo he fakatonuga e tuha ai ma te palakalafa (1) ma (2) ki ni ietahi tino e fakatatau ki ie, kafai ei ie ni fakamaoniaga ko kilatou iena na fautuagia ke fakatupu e kilatou ni fakamatatalaga fakokino agai ki te tino faiana:
 - (ii) fai he takutinoga e takua ai kote fehokotakiga e holia ai na matakupu fakavae o fehokotakiga:
 - (iii) fai he fakatonuga ke taofiofi na igoa o ho he tino/ni tino e takua.
- (4) I te onoonoga pe fai he fakatonuga pe heai ma, pe fatu he fakatonuga i lalo o tenei tulafono, e tatau ai te fakamahinoga ke kikila ki na vaega ienei – na vaega ei loto o te fehokotakiga ma te levolo e ono afaina ai pe e oono mafua mai ai:
- (i) te kautu ote tino na aofia i loto o te fehokotakiga, kae maihe ai kafai te fehokotakiga na fakamoemoe e mafua ai he afaina:
 - (ii) te mea na tutupu, na vaega i loto, ma te matakupu kautu o te fehokotakiga:
 - (iii) te mea kua pa kiei te fehokotakiga e tuha ai ma te hoholo atu ki fafo atu mai na tino lava o te fehokotakiga:
 - (iv) te matua ma te tulaga aofia e ie ai te tino kua afaina:
 - (v) te hako pe kote hehe ohe fakamatatalaga:
 - (vi) pe kote fehokotakiga eo mo te leleiga o tagata lautele:
 - (vii) te holigatulafono o te tino molia, ei loto ai foki ma ho he taumafaiga ma te tino molia na fai ke fakaititia ai te afainaga na tutupu:
 - (viii) te holigatulafono ki te tino afaina pe ko te tino na fai e ia te tagi:
 - (ix) te tulaga fakapitoa ma fakaaogaina, ma te tau o he fakatonuga:
 - (xi) te tino tonu pe ko ni tino e tatau ke i lalo o te fakatonuga.

(5) I te faiga o ho he vaega i lalo o tenei tulafono, e tatau te fakamahinoga ke galue i taimi uma ma aia tatau ma haolotoga e takua mai i loto o te tulafono 16 o te Tulafono Fakavae.

15 He holitulafono kafai ehe mulimulitaki ki he fakatonuga

Ko he tino, aunoa ma he mafuaaga tatau, kua he mulimulitaki ki he fakatonuga na faia i lalo o te tulafono 14 kua holitulafono ia.

16 Fakatupu o he fakokino pogai mai te lafoina o he fehokotakiga na fai ina mahini fehokotakiga.

(1) E holitulafono he tino kafai –

- (i) te tino e fakailoa e ia he fehokotakiga e auala ite fakaaogaga o he mahini fehokotakiga, ma te fakamoemoe e fakatupu ai he afainaga ki he tino; ma
- (ii) te fakailoaga o te fehokotakiga e fakatupu ai he afainaga ki ho he tino kafai ei te tulaga o te tino kua afaina; ma
- (iii) te fakailoaga o te fehokotakiga e fakatupu ai te afainaga ki te tino afaina.

(2) I te onoonoga pe ko te fakailoa e ono fakatupu ai he afainaga, e mafai e te fakamahinoga ke amanakia ho he vaega kua manatu ia e talafeagai, ei loto ai na vaega ienei –

- (i) te mamafa o te gagana na fakaaoga:
- (ii) te matua ma uiga o te tino afaina:
- (iii) pe ko te fehokotakiga na fai ina mahini fehokotakiga ehe iloa pe na hei faia:
- (iv) pe ko te fehokotakiga na fai ina mahini fehokotakiga na toe fai:
- (v) te mea na pa kiei te fehokotakiga na fai ina mahini fehokotakiga:
- (vi) pe ko te fehokotakiga na fai ina mahini fehokotakiga e hako pe hehe:
- (vii) na vaega na hula mai i loto ote fehokotakiga na fai ina mahini fehokotakiga.

17 Holigatulafono ina mahini (computer)

E holitulafono te tino kafai e –

- (i) tatala e ia ma te iloa na vaega uma pe ko ho he vaega ohe hihiitemi mahini e aunoa ma he aia tatau;

- (ii) faia ma te loto kiei e aunoa ma he aia tatau, i luga ohe mafuaaga tau mahini, fakalavelave ki te fakahologa ona fakamatalaga i loto o te mahini ki loto pe mai loto o he hihitemi mahini, ei loto ai foki na mea tau eletihe-maneta e hau mai fafo o te hihitemi o he mahini e taukavea ai na fakamatalaga i loto ote mahini;
- (iii) faia ma te loto kiei aunoa ma he aia tatau, e fakakino, e fakaheai, fakaafaina, hui pe taofiofi na fakamatalaga mai he mahini;
- (iv) faia ma te loto kiei ke fakavavale aunoa ma he aia tatau, ki te galue o he hihitemi o he mahini ke fafao ki loto, fakahoholo, fakakino, fakaheai, fakaafaina, tahui pe taofiofi na fakamatalaga mai he mahini;
- (v) faia ma te loto kiei e aunoa ma he aia tatau e fakaolaola, fakatau, taofiofi mo ni mafuaaga ke fakaaoga, lafo, pe tufa pe kafai foki e fakaavanoa –
- (vi) he mahini, ei loto ai he polokalame mahini, e faufau pe fakaaoga patino lava ke fakatupu ai ni holigatulafono e takua mai lalo ona palakalafa (2) – (4);
- (vii) he kupu fakaheiloa e tatala ai he mahini, ni mataitahi fakaheiloa e tatala ai, pe ko ni fakamatalaga e tutuha e mafai ai ke tatala katoa ai te hihitemi o te mahini, ma te fakamoemoe e fakaaoga ki ni mafuaaga ke fakatupu ai he holigatulafono ki ho he tulafono e fakamautu i lalo o tenei tulafono;
- (viii) faia ma te loto kiei e aunoa ma he aia tatau e taukave ai he vaega e takua mai lalo o te palakalafa (5), i te iloa e fakaaoga ki ni mafuaaga ke fakatupu ai he holigatulafono ki ho he tulafono e fakamautu i lalo o tenei tulafono.

18 Hukehukega o te fakahao

Ko te Tulafono 17 ehe fakauiga ke fakatonu ai he mafai ke holitulafono kafai na gaohi, fakatau, te maua ke fakaaoga, lafo, felauga pe tuha ai ko te fakaavanoa pe maua e fakalagolago kiei i te tulafono 17 ehe mo te fakamoemoe ke fakatupu ai he holigatulafono kae mo te fakatagaga ke hukehuke pe ko te puipuiga o te hihitemi o he mahini.

19 Fakaaogaina ona hihitemi ona mahini

E holitulafono he tino kafai e –

- (i) faia ma te loto kiei kae aunoa ma he aia tatau, ina mea e fai, hui, fakaheai, pe taofiga oni fakamatalaga mai loto ona mahini e mafua ai ni fakamatalaga ehe talafeagai, na fai ma te loto kiei ma te fakamoemoe pe mafaufau ke galue kiei mo te fakamoemoega fakatetulafono veia

- lava kafai e mooni e tuha lava pe ko ni fakamatalaga hako pe heai foki iena fakamaumauga;
- (ii) faia ma te loto kiei e aunoa ma he aia tatau, e fakatupu ai te fakaheai o he mea totino o he tahi tino ina auala e –
 - (I) ho he mea e fai, hui, fakaheai, pe taofiga oni fakamatalaga mai loto ona mahini.
 - (II) ho he fakavavalega i te fakagalue o he hihitemi o he mahini, fakatahi ai ma te tau fakahehe pe ko te he fakamaoni o te maua mai, e aunoa ma te hako, he penefiti ai mo ia lava pe mo he tahi tino.

20 Ata (mataga) ma tamaiti

- (1) E holitulafono he tino kafai na faia ma te loto kiei kae aunoa ma he aia tatau –
 - (i) tukuina atu ia ata mataga a tamaiti mo te fakamoemoe tufa atu e auala ihe faiga o he hihitemi mahini;
 - (ii) ofo atu pe kote fakaalia o ata mataga ma tamaiti e auala i he hihitemi mahini;
 - (iii) tufatufa atu pe fakahalalau na ata mataga ma tamaiti e auala i he hihitemi mahini;
 - (iv) mauaina na ata mataga ma tamaiti e auala i he hihitemi mahini mo ia lava pe ko he tahi tino;
 - (v) e ia te ia lava na ata mataga ma tamaiti i loto o he hihitemi mahini pe ko luga o he mahini e teu ai ki loto ni fakamatalaga i loto ona mahini;
- (2) Kote kautu o te palakalafa (1) “ata mataga ma tamaiti” e aofia ai na ata mataga e fakaaliali ai mai ai –
 - (i) he tamaiti e faia e ia amioga fakafeuhuakiga;
 - (ii) he tino e foliga mai ko he tamaiti na faia ni amio mataga;
 - (iii) ni ata puke mooni e fakaali mai ai he tamaiti na faia ni amio feuhuakiga.

21 Tukuakiga a te Kamupani

Ko na tino fakatetulafono e haihai i loto o he holigatulafono i lalo ona Tulafono ienei kua faia e kilatou mo te latou manuia e ho he tino mooni, e faia pe kote tino lava ia

- (i) pe ko he vaega o he totoga o he tino fakatetulafono, ko ia tena e ie hona tulaga mauluga, e fakavae kiei –

- (ii) he malohiaga ke fai ia ma hui o te tino fakatetulafono;
- (iii) he fakatagaga ke fai ni a na tonu e kavea ai ma hui o te tino fakatetulafono;
- (iv) he fakatagaga ke fakatino ai te pulepulega i lalo mai te tino fakatetulafono.

22 Fakaopoopoga taimi mo na fakamatalaga feoakiga

E tatau te TELETOK ke faia ni ietahi fuafuaga eve ona tatau ai –

- (i) ke fakaputu pe fakamaumau e auala i te fakaaogaga ona mea tau mahini e avanoa kiei; ma
- (ii) ke fakamalohia he Kamupani e tautua, i loto o te mafai ina mea tau mahini –
 - (I) ke fakaputu pe fakamaumau e auala i te fakaaogagia ona auala fakapitoa e maua ai; pe
 - (II) ke galulue fakatahi ma fehoahoani ki te TELETOK i te fakaputuga pe fakamaumauga ona fakamatalaga feoakiga, i te taimi mooni, fakatahi ai ma te fehokotakiga i Tokelau e fakahahalu e auala i he hihitemi mahini.

23 Fakahalaga

Ko ho he tino kua fai he holitulafono i lalo o naTulafono ienei ma ko teia e heai he fakahalaga e taku patino mai e ono fakahalagia ai kafai e fakamaonia to na holitulafono ma e fakahala ihe hala tupe e he hilia atu ite 100 iunite pe fale puipui mo he piliota ehe hilia atu ite tauhaga e fokotahi.

24 Huia o te Tulafono mo te Kamupani Fehokotakiga (TELETOK Rules)

Ko na Tulafono Mo Te Kamupani Fehokotakiga A Tokelau 1966 kua huia i loto o te tulafono (8) i na fakaopoopoga ienei kua fai ki loto ona tahi palakalafa –

- (iv) I luga ohe talohaga a te Fono Fakamua, pe ko te manatu o te Kamupani ite tulaga e talafeagai ai, ke faufau ni takiala, maliliega pe ko ni faiga ma na auala ke fakafetaui ma na manakoga fakapihinihi mo na manakoga kina mea tau fekaveakiga fehokotakiga tau initaneti, ko te tau fakaitiitia ma te teteke ki na holigatulafono ina mea tau initaneti, ko te puipuiga o tamaiti ma na tahi tino ieia o te nuku e he katoatoa te malohi, ko te puipuiga ona meatotino, ma mo te puipuiga o te haogalemu o te atunuku.

**PEPA FAKAPIPIKI 9: LIPOTI TAKI KUATA A TE ULUFAKATONU MO FAIGA
FAIVA**

